


PHILIPPIQUES,  
**CONTRE LES**  
BVLLES, ET AV-  
tres pratiques de la faction  
d'Espagne.

POVR TRES-CHRESTIEN, TRES-  
puissant, Tres-victorieux & Tres-clement Prince,  
HENRY LE GRAND toujours Au-  
guste, Roy de France & de Navarre.



A TOVRS,

---

1 611.


1000





AV ROY.

SIRE,



**V**IS que la maladie qui travaille v-  
ne partie de vostre estat s'est principa-  
lement coulee dans les ames, i'ay touf-  
iours creu qu'il estoit necessaire d'y ap-  
porter avec la force quelques remedes  
proportionnez, qui ne peüent estre que spirituels. Cela  
m'a fait iuger que ceux qui mettent la main à la plume  
pour chasser hors des fantasies des François tant d'opi-  
nions desreglees qui les agitent si diuersement pourroient  
apporter quelque chose au bien de vostre seruice, en pre-  
parant les esprits esgarez à la legitime subiection qu'ils  
vous doiuent, rompant les empeschemens qui les en recu-  
lent, & fortifiant ceux qui sont fidellement demourez  
en leur deuoir. A quoy SIRE, bien que ie ne puisse  
pas donner beaucoup d'auancement, pour estre fort in-  
esgal à ces desseings, toutesfois voyant les derniers  
Bulles que l'Espagnol a faict forger contre vostre Estat  
comme vn de ses derniers efforts estre aussi le plus dan-  
gereux: i'ay entrepris cest ouurage pour essayer de  
coupper & arrester le cours de ces abus, pour arracher  
ceste iniure du front de la France, & faire voir aux  
plus desuoyez de la foy Françoise que ce ne sont qu'ar-  
tifices de l'ambition Espagnole pour estaindre la fidelité  
de vos peuple. Je ne doute point que mes labeurs ne

trouuent de fascheuses rencontres, & des gousts si ga-  
stez & corrompus de la fièvre qu'ils ne le pourront souf-  
frir ny au nez ny à la langue. Mais ce n'est pas pour les  
desesperez, ny pour les presomptueux que i'escris. Je  
veux seulement qu'ils croyent que ie ne cherche rien moins  
que la gloire, & ne butte qu'au service de vostre Maie-  
sté. Le Soleil de vostre nom, SIRE, que i'ose porter au  
front de mon liure dissipera & dissendra tous ces ma-  
ges, pour donner heureusement le iour a ce travail qui  
va sortir sous son aspect. Le bon-heur de vostre veu  
surmontera tous ces ombrages si vous me daignez faire  
tant d'honneur de rassurer ce foible effort d'esprit  
d'un traict de vostre œil favorable. Et sa douce lumie-  
re fera incontinent esclorre la derniere partie de ceste  
ouurage, que i'ay prins la hardiesse de consacrer tref-  
humblement à vostre Maiesié avec mon service & ma  
vie, de mesme affection que ie prie Dieu,


SIRE, vous donner avec accroissement de victoire  
& d'honneur santé & longue vie, de Tours ce dixies-  
me d'Avril 1592.

Vostre tref-humble, tref-fidelle, &  
tref-obéissant seruiteur & subiect  
F. D. C.



# PHILIPPIQUES CONTRE LES BVLLES, ET

autres pratiques de la faction d'Espagne.



## PHILIPPIQUE PREMIER.




LE premier estat de la puissance Romaine se rendit insupportable par vn seul effet, en attantant de main armee sur la chaste couche d'autrui. A ceste violence se picquerent les Romains, & ietterent à terre le iuste ioug de leur seruice, & subiection legitime. Voicy contre les alliez de la mesme entreprinse Romaine que les subiects n'ont peu porter. Gregoire XIIII. creature d'Espagne, promeu & esleuë au siege Romain par toutes les corruptions de l'ambition Espagnolle, a voulu en faueur du Tyrau des Espagnes par l'horreur de mille impreca-



## PHILIPPE I.

tions, par l'effroy de ses anathemes, par toutes les impressions d'une mort spirituelle, & par les forces d'une armee qu'il a iettée en France surmonter la constance de l'Eglise Gallicane tant de fois vainement tantee par ses predecesseurs : pour destourner par là les François de leur deuoir, & fidelité ancienne. Il a osé à la veüe de nos graues Euesques qu'il pensoit esblouir des esclairs redoublez de ses foudres, assaillir par mille diuerses tempestes, la chasteté de l'Eglise Gallicane leur espouse; & le barbare Espagnol, & les autres ennemis de la France deffendent encore auourd'huy ceste audace. Mais l'Eglise Gallicane plus sage & plus courageuse que les Romains veut preuenir le mal de ceste iniure; & pense resister iustement à ceste arrogante alliance sur le mesme subiect qui deslia les Romains d'obeyssance. Hé à qui se retirera-elle, pour auoir raison de celuy qui mesprisant toute autre puissance pensoit presque aller du pair avec

Dieu? Sire c'est à vous le plus grand Prince du monde, & à l'Eglise vniuerselle qu'elle adresse la iustice de ses plaintes. A vous, Sire, pour estre vostre fille aisnee, la premiere des estats de vostre Royaume: & pour receuoir ceste enuie pour vous honorer, & seruir fidellement par obligation de sa consciëce, par ce qu'elle est tres-chrestienne, & tres-catholique. Vous, Sire, la mettant sous les ailles de vostre vertu, tousiours en armes pour sa defence, despoüillant la maiesté de iuge vous estes genereusemēt abstenu d'une cause qui vous touche pour en remettre la cognoissance aux souverains Magistrats de vostre Royaume. Mais l'Eglise vniuerselle pour estre éhalemēt mere de l'Eglise Gallicane, & de la Romaine, se donne ceste iustice naturelle: l'une & l'autre est subiecte à sa correction maternelle, le iugement depend de ses sacrees loix, & de la saincteté de sa discipline domestique. A ces deux puissantes & souveraines iustices du Magistrat de Frā-



## P H I L I P P I Q U E I.

ce, & de l'Eglise, l'Eglise Gallicane au nom de tous les vrais & fidelles François releue deux appellations des iniustes bulles, & temeraires césures de Gregoire: s'en arme, & s'en couure comme de deux grands rempars, & forteresses impenetrables contretoutes les plus acerees poinctes de ses foudres. Ce sont les deux ports de salut, où tous ceux qui se trouuent agitez, & pressez des orages Romains essayent d'aborder, & surgir: de là nous attendons secours comme des deux plus hauts sieges du monde, bastis & consacrez de la main de Dieu, admirables de grandeur, reluisans de gloire, reuestus d'honneur, redoutables de iustice, où Dieu mesme preside. Mais Gregoire qui ne prisoit que soy, & mescognoissoit toute chose comme soy-mesme, pensoit en se flattant n'estre non plus subiect à autre iugement, quelque grand qu'il peust estre, qu'aux loix, à la iustice, & à la raison qu'il mesprisoit, violloit & forçoit si insolamment. Voicy donc nostre plus



viue prise, le plus grand effort de ceste cause, & nostre plus haute contentiõ. Il est question d'auoir des iuges, nous sommes contraincts en demander : & l'arrogant Espagnol, & tous les autres ennemis cõiurez de cet estat, qui prennent en main la cause de Gregoire, qui soustiennent obstinément l'iniustice ou leur ambition, l'auoit precipité n'en veulent pas ouyr parler. Si nous pouuons atteindre à ce bonheur qu'on preste l'oreille à nostre cause, sa iustice est grande, & claire, nous l'estallerons en plein midy, á la veuë de tous les peuples, qui nous faict trouuer toute iurisdiction indifferante. Et ces iniustes vsurpateurs dont l'auarice trouble nostre Royau-me, ne redoutent rien tât que cela ; la honte de leurs conspirations, & de tât de crimes infideles leur faict refuyr toute sorte de iuges, & ne leur presentẽ rien d'agreable que le silence, & les tenebres. Ce seroit bien trop d'iniustice de souffrir tant de viues poinctes de mal sans que la douleur eust la

## PHILIPPE I.

plainte libre, sans trouuer à qui se vouër pour en tirer raison, sans nous laisser pour toute vengeance que des longues larmes ; des bas & foibles souspirs, sans auoir presque la franchise de l'air pour descharger par des cris pitoyables les hoquets resserrez qui nous creuent le cœur: contraincts de cacher d'un mortel silence le sentiment de tant de peines. Gregoire n'auoit il point de plus certaines marques de Lieutenant de Dieu que l'entreprise de ce pouuoir absolu qu'il vouloit vsurper en l'Eglise pour le tourner apres en vne licéce effrence, en vne impunité de mal faire, en vn superbe empire des esprits, en la violante tyrannie de toutes choses ? l'audace estoit donc montee à ce degré, elle auoit esclaté à ce poinct de licéce qu'on pensoit d'un coup de tonnerre Romain briser vn million de consciences, precipiter cent mil ames dans l'enfer, & abyssmer vne Eglise toute entiere sans qu'on eust osé demander la cause de ceste ruine si grâde.

Mais on ne lairra pas faire si bõ marché des merites de Iesus Christ, on ne foulera pas ainsi la grandeur de son Eglise, on ne respãdra pas d'un trait d'esclair le thresor de son sang, on ne perdra pas tant d'esprits pour lesquels le fils de Dieu est mort sans estre cõptable de ceste perte enuers l'Eglise, & le Magistrat qui la garde. Surquoy appuyeroit-on ceste abolitiõ de quelle main viendrait-elle? qu'on nous mōstre les fondemens de ceste franchise? qu'on mette au iour les tiltres de ceste grandeur? Ils sont si foibles qu'ils ne peuuent supporter le Soleil, & la lumiere; ils sont si suspects, & si subiects à contredict que ce n'est rien qu'usurpation, ou preuue domestique. La base de ceste grandeur bastie de la ruine de tant de Royaumes, & de peuples surpasse de beaucoup la stutuë. Je ne reuoqueray iamais en doute que l'Eglise Romaine n'ayt leuë la teste par dessus les autres pour tenir le premier rang d'ordre, & de dignité. Soit que les merites de saint Pierre, & de



## PHILIPPE I.

sainct Paul qui en ietterent les premiers fondemens destrempez de leur sang, cimentez du martyre d'une infinité de saints, la droicteure de la doctrine & la constâce de la foy, luy eussent gaignee ceste prerogative d'honneur; sur lesquelles considerations S. Ignace, S. Hirenee, S. Cyprian & autres la mettent à la teste de toutes les Eglises: ou pour mieux dire sans flatterie avec tant de peres assemblez aux Concilles de Constantinople & de Calcedonne, parce que la ville où elle estoit establee se faisoit redouter pour chef d'Empire, capitale de la Monarchie Romaine. Car si les premieres marquds estoient vrayes, ou recognuës de quelque pris, l'Eglise de Ierusalem consacree par la mort de Iesus-Christ mesme, arrousee de son sang, la premiere allaitée, nourrie, & esleuee par tous les Apostres ensemble, esclattant du pourpre du sang de beaucoup de Martyrs, se donoeroit iustement ceste gloire. Celle d'Antioche l'oseroit bien de battre par droict.

d'ainesse, & par l'honneur mesme de S. Pierre; à quoy S. Jean Chrysostome l'a autrefois assez viuement animee: & Alexâdrie ne la quitteroit pas sans contention. Donnons donc au Pape, quand il sera legitime, toute precedence, en faueur de ceste Princeſſe des villes, honorons le pour Archeueſque du premier ſiege, fermons les yeux ſur ſes tiltres, accordons luy que nous l'en trouuôs en poſſeſſion. Si ne faut-il pas que de là il s'eſlance ſur toutes les Eglises; que pour eſtre le premier il croye que tous les autres ſoient ſes ſubieçts; que quand on preferera ſon Eglise à chacune des autres, il concluë qu'il eſt plus que toutes les Eglises enſemble, plus que le corps de l'Eglise vniuerſelle, dont il ne faiçt qu'une partie quelque place d'honneur qu'il y vueille choſir, ny plus encores que l'Empire dont toute l'Eglise n'eſt qu'un membre. Pourquoy donc quâd il entreprêdra quelque choſe mal à propos s'exemptera il du iugemêt des Princes, & des Ma-

# PHILIPPE I.

gistrats que Dieu a ordonnez au monde? Pourquoy ne respondra-il point de ses actions deuant l'Eglise Vniuerselle? pourquoy ne sera-il pas subiect à la correction du Magistrat, & la reformation de l'Eglise? Les raisons de ces franchises souueraines sont bien froides, & bien languissantes: la preuve n'en sort que de la bouche des Papes mesmes. Par les Epistres decretales des premiers Euesques de Rome on leur fait dire sans qu'ils y ayent iamais songé, qu'ils sont Vniuersels, seuls Apostoliques, & que de tout iugement on doit appeller à eux, sans qu'on ose penser de toucher aux leurs comme il se voit par les lettres de Cletus, Euariste, Alexandre, I. Sixte, Higini, Anicete, & autres, toutes fausses & supposées, iusques apres le temps de Siricius: au reste maigres, eslançees, empoules, & ballons pleins de vent, vuides de toute autre chose que de vanité & de grâdeur, bien contraires à la simplicité des premiers peres, mal à propos en la naissance & foiblesse



del'Eglise, impossibles parmy les flots violants des persecutions dont elle estoit combatuë. Quelques autres, comme Calixte, vont contant que le Pape ne peut iamaïs errer ny par là estre repris de personne : & il eschappa à Symmachus de dire qu'avec les clefs du ciel, il auoit receu la licence de mal faire : qui fut vn des chefs des accusations contre luy proposees deuant le Roy Theodoric. Sur tous Gelase I. en vne Epistre à Fauste, soustient opiniaistrement qu'on doit prouoquer à luy de tous iugemens, de quelque part qu'ils viennent, que les siens reputes oracles veritables, & infallibles ne peuuent estre cōtrerollez ny retractez. Au dire d'vn de ces peres tout ce qui sort d'eux doit estre prins comme de la bouche de S. Pierre, ou de Iesus-Christ mesme : & pour toute raison ne nous payent que d'vn foible bocard, que l'Apostolique iuge tout & ne peut estre iugé de personne, cōme si les autres Euesques n'auoient nulle part en l'hōneur du nō Aposto-

# PHILIPPE I.

*Platim.  
in Bene-  
dict. 2.*

lique. Enquoy lors que le temps a esté plus corrompu, & la discipline de l'Eglise du tout relaschee, apres le Primat adiugé à Boniface 3. c'est horreur de voir les auctoritez absoluës que ces Archeuesques se donnent sur l'Eglise, & sur les Royaumes, comme ils s'affranchissent de toute autre puissance, comme ils secouent le ioug de l'Eglise, & des Princes, cōme ils payent les successeurs de Phocas de son iniuste iugement, s'appellans Vicaires de Iesus-Christ en la terre & au ciel, qui est le tiltre dont Benoist II. s'enfla le premier: auquel nom, comme esgaulx à Iesus-Christ, mais plus que Iesus-Christ mesme, il veulent estre Princes des Eglises, & du monde. Ces grandes fumees esbloüirent tellemēt Nicolas I. qu'il luy arriua de dire que le Pape ne peut estre iugé de personne; par ce qu'il est appellé Dieu. Et pour marque de ceste pleine puissance, va desployāt en guise d'espouuentail, vne grande banniere de ce linge que Iesus-Christ fist voir à S. Pierre,

pourtraict, & couuert de figures de tous les animaux du monde : dont il conclud dans la lettre qu'il escrit aux Milanois, & à Michel Empereur de Constantinople, contre le sens & l'interpretation de S. Pierre mesme, que l'Eglise Romaine est souueraine en tout. Assez mal à propos certes pour vn sçauant personnage : car il feroit par là l'Eglise de S. Pierre vne assemblée d'animaux irraisonnables de toute espeece telle qu'ils estoient figurez en ce tableau. Et toutefois Innocent 3. homme d'esprit, & grand discoureur l'a secondé en cela, qui ne seme ses escripts d'autres belles fleurs que de ces vanteries : ce que tous les autres vôt apres renuiant, parce, comme ils disent, que le Pape n'est ny Dieu, ny homme, mais quelque chose entredeux, qui ne l'oblige qu'au iugement de Dieu seul. En fin sans tant marchander sans rechercher tât de destours, & de subtilitez exquisés, ils frâchissent le saut cōme Boniface 8. & s'appellans Roys de tout le monde, essayent d'entasser

*Planin.  
cap. viii  
sacra, de  
maior. &  
obed.*



PHILIPPE QVE I.

pesle-mesle les Royaumes & les Eglises, pour en paistrir & former comme la masse du nouuel Empire vniuersel de leur siegè. Puis comme celuy qui nour rissant vne grande voliere d'oyseaux, leur apprenoit à chanter que Psaphon estoit Dieu: & leur donnant apres les champs faisoit degoiser ces ramages par tous les bois, & les forests qui ne retentissoient d'autre son: ainsi les Papes respendirent sur la terre vn vol de toutes sortes de Moynes, à qui ils firent le bec pour prescher les vanitez de leur Empire es prones de toutes les Eglises. Tous ces argumens sont si foibles bastis sur des fondemēs si ruineux, & ces auctoriges si peu cōsiderables pour establir aux Papes vne exemption du iugement des Princes, des Magistrats & de l'Eglise, & pour en appuyer leur grandeur, qu'à regret ie me vay employer à les destruire, & pense perdre autant de tēps que d'allumer des flambeaux en plein iour. Les discours de Iesus Christ estans si plains de promesses de regner, & sa

descente en terre, n'aspirant qu'à l'establisement d'un Royaume eternal, il estoit croyable que le son de ceste voix pourroit donner des alarmes aux Princes : si jaloux de leurs Estats, que les seules paroles d'une nouvelle Royauté comme crimes de maiesté en vne republique bien policee, les offencent : & qui pour si iustement qu'ils commandent, redoutent tousiours le caprice, & l'audace des esprits remuants, & se deffient que le desir de liberté ne face trouuer mal-aisée leur façon de regner la plus legitime & la mieux reglée. Mais d'entree Iesus Christ leua ceste crainte aux Roys declarant tout haut que le Royaume qu'il desseignoit ne tenoit rien de mortel, qu'il estoit plus pur, plus esleué, qu'il n'auroit nuls finages à debattre avec eux : & reietta bien loing tout ce qui pouuoit porter au front quelque marque, & enseigne d'Empire terrestre. Toutefois ceste premiere impression, la peur de desobeyssance, l'opinion que

## PHILIPPE I.

les Empereurs auoient conceuë que le Christianisme estoit vne subuersiõ d'Estat, la crainte que la libertè Chrestienne ne se tournast en vn affranchissement de subiection, que par là les droicts Royaux ne raualassent, & decheussent en quelque chose, tenoit tousiours les Princes en deffiance, & en fieur, quelque contraire assurance qu'on leur peust donner. Ce mot de Royaume, bien que spirituel, leur pesoit tousiours sur le cœur, ils ne le pouuoient digerer qu'à regret. De là nasquirent les grandes persecutions des Chrestiens, comme dit Iustin martyr. Les violantes flames de la cholere des Roys, les embrasemens de la fureur des Magistrats cõtre eux n'auoient autre matiere de feu, que ces mots de Royauté. On s'enqueste de l'origine de Iesus-Christ & de sa naissance, on trouue qu'il est de la maison de Dauid. On recherche curieusement tous ceux qui parmy les

*Enseb. l. I. Iuifs estoient recognus de ceste fa-  
3. ca. II. mille : & leur basse condition, leur pauvre-*



pauvreté extreme, leur estat ne res-  
tant rien de Royal, ne pouuoit enco-  
res rassseurer les Roys, ny leur oster de  
la fantaisie ceste rebellion. Ils redou-  
toiét tousiours que les Chrestiens ne  
voulussent remuer quelque chose, &  
s'exempter de leur deuoir. Si est-ce  
que Iesus Christ les auoit plainement  
resolus: car il n'yauoit espee de subie-  
ctiõ ny de recognoissance qu'il n'eust  
fidelemēt rendue. Il s'inscriuit cōme  
suiect aux registres de l'Empire, paya  
tribut, cōmanda de le rendre, prescha  
constāment l'obeïssance, & la fidelité  
des subiets, & mourut librement sous  
l'autorité du Magistrat Romain. Pour  
cela S. Augustin interpretāt ces mots  
de S. Ieā, Mō Royaume n'est point de  
ce monde, se mocque de ces humeurs  
deffiātes des Princes ne voyāt pas l'a-  
bus qui en sortiroit vn iour: les appel-  
le hardiment à la foy, mōstre que ces  
paroles sont suffisantes pour apriuoï-  
ser les Roys les plus farrouches, les  
prie de ne prendre point l'espouuante  
cōme Herode au bruit de ce Royau-

## PHILIPPE I.

me, parce qu'il n'est que spirituel; dict  
que Iesus Christ n'été point de violer,  
affoiblir, ou bleſſer l'auctorité de  
leurs ſceptres, qu'au contraire il les  
ſemond, & les prouocque à venir pré-  
dre part à ſon Empire eternal, & cele-  
ſte. Les diſcours du Pape Leon pre-  
mier ſur l'Oſtaue del'Epiphanie, ſont  
plains d'une parçille verité. Iesus  
Christ, dit S. Chriſoſtome ſur S. Mat-  
thieu, fit clairement voir par la pau-  
ureté de ſon equipage aux trois Sa-  
ges d'Orient que ſon Royaume n'e-  
ſtoit pas de la terre. Ils ſe fuſſent trop  
faict de tort eux meſmes de venir de  
ſi loing adorer vn Prince mortel, d'un  
eſtat periffable comme le leur, eſgal à  
leur condition quoy que Royale. Je  
demande maintenant aux Papes qui  
les a faiçts plus grâds que Iesus Christ  
meſme, qui a recognu ſi honorable-  
ment les troſnes des Princes qu'il a-  
uoit eſleuez en ce monde, qui a reſuſé  
l'honneur des Royaumes de la terre,  
qui ſ'eſt allé faire enrooller ſoubs les  
ediçts d'Auguſte entre les plus petits

subiects de l'Empire, qui s'est tellement abaissé deuant le Magistrat Romain, qu'il a respondu en son confistoire sans se couvrir d'aucun priuilege, sans se deffendre de la Royauté, & a receu de la bouche du President de Iudee la cruelle sentence de sa mort sans debattre son pouuoir d'incompetance? Luy fils de Dieu tout-puissant, saint, innocent & iuste s'humilie si franchement sous l'auctorité des iugemens ciuils, pour instruire ses Apostres & son Eglise en ceste iuste obeissance; & les Papes s'en voudront deliurer de force pour se mettre audacieusement par dessus? Ceste doctrine fut si saintement recueillie & receue par les Apostres qu'ils l'espandirēt aussi tost par toute la terre, prescherēt constamment le deuoir enuers les Roys, ne permirent iamais qu'il receust alteration, ny refroidissement, le commanderent sous l'auctorité & les plus fortes peines de l'Eglise: & à l'exemple de leur maistre se presenterent volontairement pour estre condamnez



## PHILIPPE I.

par les Officiers des Princes, & provoquerent à leur tribunal comme S. Paul. Leur sang & leur mort marquerent, & confirmerent la pureté de ceste discipline, en laquelle ils nourrirent soigneusement tous les premiers Chrestiens, & furent courageusement suivis en ce religieux labour par tous les premiers Papes, & par les Euesques de toutes les Eglises. Qu'on voye donc leurs vies, qu'on lise leurs passions, qu'on produise les anciens Martyrologes, que toutes les Eglises facét icy foy de leurs registres, qu'on iette l'œil sur toutes les premières, & plus sanglantes persecutions, on trouvera que tous les anciens peres se sont librement inclinés à la iustice seculiere, qu'ils ont baissé la teste au iugement de l'Empire, qu'ils ont tendu le col, & présenté la gorge aux executeurs des arrests des Magistrats. Leurs Apologies, comme de Quadratus Euesque d'Athenes, de ce Chrestien Philosophe Aristide, de Justin Martyr, de Meliton Euesque de Sardis, d'Apoli-

naris Euesque de Hieropolis, de Tertulien, de Lucian Prestre d'Antioche & autres, n'estoiēt pleines que de ceste humble submissiō. Qu'on pese les paroles de Cornelius, & des premiers Papes & leurs douces & respectueuses responce deuant les Iuges laiz: Qu'on regarde la reuerence que rend S. Cypriā à Paternus, & Gallerius lors qu'ils luy font sont procez tel que son Diacre le represente: Qu'on contemple ce grand Polycarpe miroir des Euesque d'Asie, Prince des Eglises d'Orient dans le parquet du proconsul Romain, on trouuera qu'ils n'entre-ront en aucune recusation de Iuge, qu'ils ne se tirerōt point hors de Cour, qu'ils ne parleront que de l'obeïssance deuë aux Magistrats, qu'ils diront qu'ils sont prests à souffrir leur sentence. Tels se font admirer tous les premiers Chrestiens, tels comparent-ils en iustice, tels se laissent ils iuger, tels se font-ils immoler à Dieu. Et afin qu'il ne semble que la force & la terreur des armes de l'Em-

# PHILIPPIQUE I.

pire extorquaſt de leurs ames ce legi-  
time deuoir : Saint Paul dit que c'eſt  
pluſtoſt pour la cōſcience que pour la  
crainte : Iuſtin en ſa ſeconde Apolo-  
gie aſſeure l'Empereur que les Chre-  
ſtiens le ſeruent avec contantement,  
ſans regret; & Tertulien tranche har-  
dimēt que ce mot ſiles Chreſtiēs vou-  
loiēt faire reſiſtāce, & ſe tirer hors des  
ceps de l'Empire ils ſeroiēt aſſez forts,  
& en aſſez grand nombre. Les exem-  
ples de cēte ſubiection Chreſtienne,  
& de l'honneur rendu à la iuſtice du  
Magiſtrat, ont eſclairé plus viuement  
en l'ar ſerain de l'Egliſe, lors qu'elle a  
eu ſes Alcions, & rencontré vn Em-  
pire plus doux & plus calme, en affaires  
libres, & ſans contrainte. Car pour-  
quoy eſt-ce donc que les peres du  
Concile d'Antioche recoururent, &  
ſ'adreſſerent à Aurelian contre Paul  
ſamofatence ſinon pour la ſaincte iu-  
riſdiction que le Magiſtrat a naturel-  
lement ſur l'Egliſe? Allons plus auant,  
donnons iuſques au plus profond re-  
pos de l'Egliſe, trouuons l'a d'vne me-

*Ex ſeb. l.  
7. hiſt.  
eccl. c. 17.  
24.*



re doléte, larmoyâte, esploree, soufpirant sans cesse la mort cruelle de ses enfans, changee en vne Eglise riante, asseuree, toute ioyeuse de voir à ses mamelles les Empereurs qu'elle redoutoit tant auparauant : nous la verrons viure de telle sorte avec Constantin son aîné, qu'il veut disposer de toutes les affaires Ecclesiastiques, en iuger quand il luy plaist, ordonner, & deleguer des iuges aux Euesques, cognoistre des appellations des Papes, & des Conciles mesmes. Toutes ces particularitez se descouurent en vn seul exemple de Cecilianus, & Donatus. Pour vuidier leur procez Constantin donne pour iuges le Pape Miltiades, Reticius, Maternus, & Marinus Euesques des Gaules, qui prononcent pour Cecilianus. De la sentence du Pape & de nos Euesques, Donatus prouoque à l'Empereur, qui subdelegue des iuges, & commande vn Concille à Arles. Apres l'arrest de ce Concille on recourt encores à luy, il se faiet rendre compte par le Pape,

## PHILIPPE I.

& les autres Euesques, de l'ordre, me-  
rite, & succez de l'affaire, en iuge  
apres le Concile, donne arrest con-  
forme à celuy des peres en la ville de  
Milan, & par lettres patentes adref-

*August.* fées à Romalius Vicaire d'Aphrique  
*in Brevi.* condamne la faction des Donatistes.  
*collat. cū* Ce sont de grands traictés du pouuoir  
*Donat.* des Magistrats: & toutes-fois l'Eglise  
*Optatus* ne s'en plaint point, au contraire elle  
*lib. 1. ad.* honore, & esleué iusques au ciel la  
*pym.* memoire, & la pieté de ce Prince. On  
s'abuse de penser parer ce coup par le  
refus de Constantin sur les requestes  
des Euesques du Concile de Nice,  
cest exemple bien mis à son ioug con-  
firme encores mieux nostre propos.  
Car ce Prince importuné d'une infi-  
nité de querelles esmeuës entre les  
peres, se deschargeant de leurs cōten-  
tions, les réuoya pour les finir & deci-  
der eux-mesmes selon les saintes Es-  
critures. En quoi il monstra beaucoup  
de plus viues, & plus claires marques  
de son auctorité, que s'il en eust cognu  
luy-mesmes: donnant des Iuges aux

Euesques, & prescriuant la forme de iuger. Ou autrement il faudroit dire contre la cognoissance du barreau Romain, & la verité de l'histoire, que le preteur qui choisissoit, & tiroit les cheualiers des decuries Romaines, & qui leur enuoioit la formulle du iugement, ne pouuoit rien en l'ordre de la iustice Romaine. Le reste des actions de Constantin esclarcissent entiere-ment ce doute: car il ne se presenta iamais grand affaire en l'Eglise dont il ne print la cognoissance, & le manient. On le vid bien en la cause d'Athanase, ou il reprint les Euesques qui auoient mal iugé cōtre lui au Con-*Socr. lib.*  
cile de Thyr, reforma leur abus, cassa *1. cap. 22*  
par lettres patentes adressées au Pre-*Et 23.*  
fidet de la Thebaide toutes leurs pro-  
cedures, fit reuoir pour la secōde fois  
le procès, manda qu'il vouloit estre  
present au iugement, & y fist presider  
en son nom Denis & Aurelius, deux  
des plus grands officiers de l'Empire. *Ruffin*  
Mais que n'a-il point fait en l'Eglise? *l. 1. c. 16.*  
s'est il esmeu quelque contentiō pour



## PHILIPPE I,

la foy, il s'est aduancé pour en accorder le different, enuoyant Ozius vers Alexandre, & Arrius. La difficulté ne s'est elle peu resoudre, & terminer par accord: Il a assemblé le Concile de Nice, & y presidé. Si sans l'ordre de ces grandes & fameuse assemblees les discords de la Religion ont peu estre assoupis, il a essayé d'en venir à bout: en quoy il fut si heureux que sa seule prudence fist esuanouyr le secôd schisme des Nouatiens. Quelque point mis en controuerse a-il esté resolu, & arresté par les peres, il a autorisé leurs decrets, & confessions par Edicts publics, & a fait des ordonnances de la Foy. A-on voulu esueiller, & rallumer quelque vieille heresie abolie & esteincte: dès la naissance il en a estouffé les flammes par des feueres cōstitutions. A-il fallu approuver les loix establies par l'Eglise, apres les auoir murement examinees, & iustement balancees, il les a confirmées. Enfin si les Eglises ont demandé des pasteurs, il a pourueu à l'institution de

leurs Euesques, comme nous voyons dans la lettre qu'il escriuit au peuple d'Antioche: s'il les en a fallu chasser, il les a sainctement arrachez de leurs sieges, & entrepris la coercition, & reformation des mauuais Prelats de l'Eglise, pourquoy il escriuit aux Euesques du Concile de Tyr, & aux Nicomediens, que Dieu l'auoit creé & ordonné son Ministre. De ce soing *Socr. 1. l.* religieux venoient tous ces beaux *1. c. 23.* noms d'honneur qu'il se donnoit, & *Gr 24.* dont l'Eglise mesme l'esleuoit glorieusement, d'Euesque exterieur, & de comun Euesque de l'Eglise. En *Euseb. 1. 1. Gr 4.* tous lesquels droicts il a esté suiuy de *de vita* ses enfâs, & des autres Empereurs qui *Constant.* les ont encores montez, & poussez plus auant, & ne s'est iamais offert affaire importante en l'Eglise qu'ils n'ayent embrassee, & traictee comme dit Socrate. Mais pourquoy le Christianisme eust-il rauale le Magistrat, *Lib. 5. in* & affoibly l'Empire? Pourquoy pour *præm.* s'estre faiçts Chrestiens, les Roys eussent-ils perdu quelque chose de leur

## PHILIPPE I.

ancienne splendeur , & laissée si mol-  
 lement deschoir leur auctorité premie-  
 re ? Puis que l'obeissance, la iustice, &  
 toute la maiesté des Magistrats Ethni-  
 ques estoit auparauant si entiere, & si  
 sacrée, puis que l'Eglise recouroit à  
 eux, & les reclamoit si deuotieusement  
 en ses plus dangereuses affaires, pour-  
 quoy lors qu'ils ont esté du corps de  
 l'Eglise mesme n'eussent-ils pas esté  
 capables de ce mesme deuoir ? pour-  
 quoy eussent-ils esté moins dignes de  
 l'honneur de ses mysteres qu'il profa-  
 noyēt moins estans Chrestiens par la  
 similitude, & société de Religion ? Est  
 il croyable que ce Soleil de la diuine  
 Iustice eust à son orient, & à sa venue  
 en terre flectrie , & sechee la vigueur  
 de la iustice du Magistrat, estaint les  
 beaux rayons de son feu mesme , &  
 les clairs estincelles de sa flame ?  
 Au contraire, ceste brillante, & cele-  
 ste lampe a rechauffé, & ralumé l'hon-  
 neur, & la grandeur des Princes du  
 monde, comme vn petit flambeau  
 se reprend, & se soustient par le voi-



finage, & l'aproche d'un plus grãd. Ceste eternelle iustice a raiué la iustice du Magistrat esclair & pure flamme de la siéne desia à demi morte, & demy estaincte, la trouuant panchante, escoulee, abatue: la cõfortée, & rehaussée plus que deuant, Les loix de Iesus Christ ont rassuré, & affermy celles de l'Empire, & a on moins veu de Tyrans, moins d'vsurpateurs lors que les Princes ont esté dans l'Eglise. Auparauant le plus fort, le plus hardy, qui pouuoit attirer les gens de guerre, corrompre la garde du corps, qui auoit le plus gaigné de creance, les Lieutenans, les Gouverneurs des Proninces, chassoient, & suplantoyent les Empereurs, & le Christianisme suruenãt comme vn emplastre à ceste maladie si ordinaire, & si desreglee, deffendant, & chassant la tyrannie, commandant constamment l'obeissance du Magistrat, contenant chacun dans les termes de son deuoir, fit esuanouir ces violences, estaignit ces reuoltes, arresta court toute rebelliõ,

## PHILIPPE I.

& fit seruir fidellement les Princes legitimes. C'eust esté bien tost couper les aisles à la Religion, & l'estouffer dans le berceau mesme, que de luy permettre la desobeissance, & luy souffrir l'affoiblissement du pouuoir du Magistrat : l'Eglise n'eust iamais fait vne si haute volée, & ne se fut iamais paree de l'honneur, & Maiesté de la personne des Roys. Pense-on qu'ils y fussent entrez par la bresche, & la ruine de leurs estats? plustost ils eussent seuerement aboly l'exercice de ses sacrez mysteres, eussent empesché, & renuersé le cours de la Foy; la predication de la reuerence du Magistrat, & l'appuy de son autorité ont esté la propagatiõ du Christianisme. C'estoit coup d'estat en la Religion, rien ne la pouuoit tant accroistre que l'obeissance. Autrement, on se fut tousiours deffié que sous l'humilité du beau nõ de Chrestié, sous l'aparâte couleur d'une celeste doctrine, on eust voulu introduire la desobeissance, & la tyrannie, saper peu à peu l'empire, se coule-

sourdement dans le gouuernement, & le Magistrat aduisé se fut bādē à l'encontre, & eust coupé iusques dans la racine l'accroissement del'Euangile. Encores ne descouurant rien d'infidelité parmy les Chrestiens ne laissoit-on pas de trauerfer la course de la Religion, & d'opposer de cruels, & espouuentables suplices à son aduancemēt. Ce ne fut aussi iamais l'intention de Iesus Christ, d'esbranler tant soit peu en faueur de son Eglise, la disposition des puissances qu'il auoit ordonnees en la terre. Puis que dès la naissance du monde il auoit formé l'ordre du Magistrat, pour le moins esbauché, & donné les traiçts plus grossiers, & plus rudes du gouuernement qui semble esclos avec le monde mesme : puis qu'il auoit pourtraict, & emprainct au front du Magistrat les vrayes marques de sa grandeur, puis que c'estoit son image viuante, puis qu'il l'auoit faict rouller entiere par tāt de siecles, par tant de diuerses Monarchies, de differentes prouinces, & de nouuel-



## PHILIPPE I.

les sortes de nations , pour desployer en tous les coins du monde les enseignes de son pouuoir, & y grauer les caracteres eternels de son nom: pense-on qu'il eust voulu sauuer l'autorité du Magistrat , partie de la sienne , de tant de heurts, & de coups de fortune, de tât de diuerses secouffes, & de violentes trauerfes pour la casser apres en vn moment, & en perdre d'vn coup la force , & la memoire ? Eust-il bien voulu rōpre le cours de ce beau fleuve d'empire, ialissant de sa source eternelle , pour arrouser la terre de son obeissance ? & briser les riches & magnifiques canaux par ou decouloit sa grandeur iusques à nous ? Estoit-il croyable que lui mesme venât au monde eust voulu noircir, & rayer si bas le plus beau , & plus naïf pourtrait de sa diuinité , par ou il estoit recogneu Dieu commandant à toutes choses ? qu'il eust voulu passer l'esponge , sur ce tant ancien tableau de sa Maïesté, & effacer tant de traiçts eternels de sa gloire ? N'eust-ce pas esté corrompre  
l'ordre

l'ordre de la cognoissance de sa Monarchie, qui par les degrez des causes superieures & inferieures par les relations des cōmandemens & des subiections monstre que par dessus tout ce qui est de plus grand au monde, il est encores plus grand; & que tout ce qui y est de plus haut, de plus esleué, & de plus de respect ne l'est que sur son exemple, par sa volōté, pour preuve & marque visible de sa grandeur incomprehensible, ou les esprits humains ne peuvent aucunemēt attein- dre sans se perdre en la profondeur- & en l'abyssme de ces hautes conceptions ? N'eust-il donc plus voulu estre adoré pour Dieu puis qu'il reuo- quoit ses Lieutenans qui cōseruoient le sacré de post de sa puissance ? eust-il voulu cōfondre le monde en renuer- sant, & brisant les puissans ars-bou- tans, & superbes colomnes de l'edifi- ce de sa grandeur ? Eust-il voulu se fai- re mescognoistre en cassant insi les clairs miroirs, les belles & luisantes glaces dans lesquelles il faisoit con-

# PHILIPPOVE I.

templer auparauant son pouuoir à la foible veuë des entendemens mortelz ? Il auoit auparauât logé les deux puissances du Magistrat, & de l'Eglise en la seule main du Magistrat; venoit-il pour les luy arracher toutes deux d'une fuitte forcee, & contraincte ? qui eust commandé apres cela ? chacun eust donc esté maistre ? Quel desordre, qu'elle confusion en l'establissement d'une si sainte doctrine. Car ce n'estoit pas pour parer l'Eglise de ce gouuernemēt, qu'il l'eust osté au Magistrat, c'est à elle qu'il commande estroitement l'obeissance, à qui d'un eternal oracle, il defend exactement, l'Empire: Les Roys, dit-il, dominant, & regnentsur leurs subiects, vous n'en ferez pas de mesme. Il ne faut pas, dit Gregoire de Nazianze, que les Ecclesiastiques contrefacēt icy les Princes, qu'ils leuent le sourcil, qu'ils deviennent imperieux, on ne leur a laissé que l'honneur de subiection, & la gloire d'obeissance. Et si Iesus Christ a repoussé si loing la grâdeur des dia-



demes, couronnes Royales, eust-il faict ses seruiteurs plus grands que luy? eust-il logee, & colloquee l'autorité du Magistrat en leur main, puis qu'il l'auoit secouée, & fait choir de la sienne mesme. Au compte de ces nouvelles ambitions, le glauiue de l'Empire eust esté esbrésché d'un costé, il n'eust eu qu'un trenchant? le pouuoir du Magistrat se fut esuanoui dans l'Eglise, & ceste vieille marque de la grandeur de Dieu se fut perduë là où elle deuoit auoir plus de force? puis qu'on vouloit raur cest honneur aux Roys, & aux Magistrat sans le pouuoir donner au Clergé, qui enst tenu le gouuernail du monde en l'Eglise? y eust-on vescu sans Loy, sans craincte, d'une liberté desbordee, & brutal, sans l'autorité d'un souuerain modérateur? eust-ce esté un brigadage, la religion des bachanalles? Qu'eust donc faict l'Eglise en l'Empire, car elle en est vne partie enclose, & enfermee dans ses bornes? Estoit elle un menbre mort, & pourry, ou le Royaume

## PHILIPPE I.

n'eust peu estendre sa force & chaleur naturelle? estoit elle vne apostume ou superfluité de chair escruë, & suruenüe de corruption & mauuaise humeurs au corps de l'Empire, qui ne tint rien de sa qualité ordinaire, tousiours fieureuse, & desreglée, ou les esprits vitaux de la Republique eussét leur functiõ & oisiue, endormie? Car la puissance du Magistrat rampât par toutes les parties du Royaume, ressemble à l'ame qui se respant, & se glisse par tout ce qui tire vie d'un mesme corps, qui est toute en chascune partie, qui les viuifie & fait mouuoir toutes; plus fort & plus aparemment encores les plus nobles ou elle choisit comme son principal siege. De sorte que comme le cœur, la teste & autres membres qui se donnent le plus haut rang d'honneur en la constitution de l'homme ont quelque plus grand ressentiment des facultez de l'ame; l'Eglise qui pretend estre la premiere partie de l'Empire doit estre plus viuement animee, & auoir des mouuemets plus

particuliers de la puissance du Magistrat; autrement elle occupe iniustement ceste place dans les Royaumes. Car toutes les pieces d'vnestat qui ne r'aportent l'effigie & la marque du coin du Magistrat doiuent estre reputées comme adulterines, illegitimes, & supposées; reiettees comme fausse monnoye. Il falloit donc qu'en tre les autres puissances & de l'Eglise mesme, le Magistrat fut comme le cœur, & le foye qui departent le sang, & les esprits aux veines & aux arteres, qu'il fut recogneu comme l'estomach ou chasque membre du corps va prendre ce qu'il luy faut de nourriture, qu'il fust comme le Soleil au milieu des planettes, qu'il communiquast à l'autre flâbeau inferieur ce peu mesme qu'il luy permettoit de sa clarté, & que la petite lumiere aduouast tenir ses rayons de la plus grande. Il falloit qu'il fust comme le premier mobile, pour dōner le bransle & le mouuement aux autres cercles, qu'il m'oderast leur course trop violente ou trop tar-



## PHILIPPE I.

diue, & la reiglast par la sienne. Qu'il fut le moteur vniuersel de tous les cieux, comme l'esprit de l'vniuers infus esgallement par tout le monde, espandu iusques aux plus petites & plus secrettes veines de la terre, penetrant iusques aux fillets plus desliez des racines des herbes. Que ce fut comme vn pole, ou la poincte de toutes les actions humaines fust tousiours tournée, que ce fust l'œil du monde, comme flamme luisante de la diuine lumiere. En fin qu'il tint la place d'vn ouurier souuerain qui fit mouuoir par cōpas les instrumens de ce grand ouvrage inferieur, & seruir de cōtrepoix & de mesure au cours de toutes autres puissances, comme escoulées, demembrées, & esclipsées de la sienne, principalement l'Ecclesiastique. Car les premiers Roys estoient eux-mesmes les Pontiffes, & la grandeur Sacerdotale faisoit partie de l'estat Royal. On le veid en l'estat Romain, ou les Roys auoyent attaché, & enchaîné la Prestre à la Royauté, si necessaire en la


main des Princes, que la Monarchie estant abolie à Rome il fallut laisser comme vn vinbrage, & vain nom de Roy, pour l'honneur des sacrifices. Aussi dès que les Empereurs remirent sus le Royaume, ils se saisirent du souverain Pontificat, & s'en parerent magnifiquement comme du plus beau fleuron de l'ancienne couronne. Qui sembleroit peut estre estrange, si les Roys d'Israel mesmes en la race des Assamonæens, n'auoyēt accouplée & *Mach. 1.* collee la prestrise à leur estat. Qui doit *Ioseph.* estre trouué d'autāt plus raisonnable *ant. l. 13.* qu'en la Monarchie, & gouuernemēt du peuple esleu de Dieu ceste forme d'Empire estoit gardée, & l'estat des Iuifs appuyé sur ces deux puissantes colonnes, comme deux iambes d'un mesme corps, seruant à vne mesme teste. Si en la Religion Chrestienne on les a voulu separer, c'estoit assez de tirer doucement de l'aisle del'Empire ceste plume du Pontificat, qui n'en a iamais esté arrachée si entiere, qu'elle n'y ait tousiours tenu par le bout.

## PHILIPPE I.

qu'elle n'ait recogneu iouyr de son pouuoir par souffrance : & quelques degrez d'honneur qu'il y ait eu en ceste Hierarchie Chrestienne, les Princes ont esté tousiours sur-intédans de toutes les charges Ecclesiastiques. Autremét s'eust esté resister à l'ordre de la prudence de Dieu, à l'ancien departement de son Empire, & à l'establissement des Royaumes. Qui faiét que sainct Ambroise assure confidamment que Iesus Christ a laissé ceste particuliere doctrine de la puissance du Magistrat, & qu'il l'a voulu imprimer en l'entendement des hommes par tant de commandemens repetez, afin que la couleur de la Religion, & de l'honneur Ecclesiastique ne donnast subiect à personne de peruer-tir, & dissoudre la cōstitution des puissances du monde. Quand ces droicts si entiers, & si iustes n'eussent esté si viuement, & si profondement grauez dans les diademes de l'ancien Empire, il estoit necessaire de l'ambellir de cest hōneur, de l'accroistre & surhaus-



ser de ce poinct. Il falloit prier les Princes de prendre en main le reglement, la moderation & la discipline, pour y tenir toutes choses en la purité & perfection de leur ordre, pour abatre vertueusement tant de monstres qui assaillirent l'Eglise, cōposer & reprimer tant de débordemens, fermer la porte à vne infinité d'inconueniens & de desordres, assoupir tant de contentions meuës entre les Euesques, renger à la raison ceux qui s'esleuoïent trop sur les autres, qui fouloïent & opprimoient trop superbement leurs freres. A quoy iamais l'Eglise seule ne les eust peu ramener : ils s'estoient trop agrandis, & auoient trop gaigné sur elle. Les Princes mesmes ont esté à la fin trop foibles & inesgaux à ceste entreprise. Car apres que l'Eglise hors de guerre, bien rassuree par le Christianisme des Empereurs, sembla s'endormir en vne paix profonde comme combatuë & lassée de tāt de persecutions precedentes, elle trouua aussi tost dans elle mesme les affli-



## PHILIPPE I.

étions qui luy faisoient la guerre par dehors : desquelles ayant glorieusement triomphé, elle pensa misérablement succomber aux alarmes intérieures. Ce fut chose espouventable de voir tant d'heresies, tât de picques entre les Euesques que les richesses, l'aise & l'oyssiueté auoient engédrees, tant de prises pour les prerogatiues des sieges, tant de schismes, & tant de violentes querelles, de quoy on ne fust iamais venu à bout sans le secours de la grandeur des Roys. Qu'eust-on peu faire à tant de Papes, qui apres s'estre trop accreus ont voulu plainement commander aux Eglises, & aux Royaumes? A qui se fust on retiré lors que le siege de Rome a esté assailly de tant de contentions, qu'on a veu tant de Papes se bander, & acharner les vn, contre les autres, s'excommunier, & se faire la guerre : quelquefois trois d'entr'eux s'accorder pour ruiner tout le monde, auoir trois maisons Episcopales à Rome en mesme temps, faire vn triumvirat en l'Eglise, allumer la

discorde, & la sedition par toute la Chrestienté, & tenir toutes les Eglises muëtes, & estonnees d'horreur, ou de crainte? Qui eust peu separer les Euesques d'Occident, & d'Orient cãpez cõme en deux puissantes armées ennemies pour s'enuoyer mille deffis, s'anathematizer, tous prests à s'entre-couper la gorge? Qui les eust peu rallier, & reioindre en la cruelle diuision de leurs schismes, & recueillir en l'vnité de la foy, l'Eglise toute escartee, & despeecee? Qui eust peu en l'asseurance de tous assembler vn Concile general pour estancher ces mal'heurs, que les Princes? D'où en eust-on attendu le remede, que de leurs mains? A quel autre eussent obey les Eglises qui se battoient pour estre les premieres? Il falloit que Dieu mist ce pouuoir dans l'Empire: ç'a esté vn coup de la prouidence de Dieu, & vn traict de sa iustice. Aussi l'Eglise non passionnee à rousiours recogneu & honoré religieusement ceste autorité des Roys, n'y a jamais contredit, l'a confesse le-



## PHILIPPE I.

gitime & necessaire, & l'a confirmee par les sacrez decrets des peres, qui ont humblement demandé ceste aide

*Cap. Maximian. cap. ab imperatoribus, 23.* & faueur de l'Empire en toutes leurs plus grandes affaires. S. Augustin escriuant à Macedonius, accorde ingenuement quel'Eglise ne peut subsister seulement sans la main des Princes, & le Pape Pelagius l'aduouia aussi franchement à Narfes. Quelque grande tempeste a-elle donc assailly l'Eglise, elles'est retiree aux Roys, cōme à vn Haure salutaire contre toutes sortes de vagues & d'orages. A il fallu couper & arracher les racines de quelque fascheuse heresie, exciter sainctement, & faire reuiure l'ancienne doctrine des peres endormie dans le bõ temps & le loisir, enseuelie dans l'ignorance: les Empereurs se sont presentez, s'en sont trouuez capables, & ont faict des graues ordonnances de la foy. Valentinian, Gratian, Theodose, Martian & Iustinian nous ont laisse des enseignes eternelles de ceste pieté dans nos deux Codes. En quoy

l'ardeur de la Religion les a' empor-  
tez si auant qu'ils ont quelquefois en-  
trepris d'ordonner eux mesmes sãs les  
peres des difficultez de la foy : Chose  
que S. Ambroise blasme en l'empereur  
Valentiniã. Mais encores que ce bon  
pere soustienne que le iugement de  
l'ordre de nostre creãce, & des myste-  
res sacrez de la Religion touche &  
appartient puremẽt aux Euesques, &  
aux Prestres ; si est-ce que les Princes  
se contenans dans les bornes de ceste  
modestie de n'y rien establir de nou-  
veau, n'y d'eux-mesmes, ont voulu  
estre presens aux disputes. colloques,  
conferẽces & autres assemblees pro-  
pres pour esclaircir les poincts plus  
difficiles, plus espineux, & plus  
nouëux de la foy : ont voulu voir re-  
soudre tout ce qu'on en mettoit en  
controuerse, ont rassemblé les pe-  
res & les plus scauans personnages de  
tous les coings de l'Empire pour en  
traicter en plein Concile, ont prescrit  
l'ordre & la forme de l'assemblee, &  
ont apporté leur voix deliberatiue en,

## PHILIPPE I.

conclusions des eternels decrets de l'Eglise. Car Constantin se trouua au Concile de Nice, Constantius à celuy de Milan, Valentinian, & Theodose assisterent aux Conciles Romains, Martia à Calcedone, Constantin le Barbu, & Iustinia au nez coupé au sixiesme synode general tenu à Constantinople, & l'Empereur Basile au huietiesme. A la lumiere desquels se sont aduancez pour estre presens aux Estats de l'Eglise, Charlemagne, Loys Debonnaire. Loys deuxiesme, Arnolphe, Otton premier, Héry troisieme, & quatriemes les deux Federics, & Sigismond Empereurs d'Occident. Que si pour les grandes affaires du puissant estat Romain, distraits & amployez en d'autres ocupations quelquefois plus pressantes, les Princes n'ont peu honorer les Conciles de la maiesté de leurs personnes, ils y ont fait tenir leur place par leurs Magistrats: afin d'y cōseruer leurs droits, faire passer toutes choses sans trouble sous leur obeissance, avec la modestie, l'ordre & integrité de la



discipline. C'est pour cela que Denys *Ruff. l.*  
fut enuoyé par Constantin au Con- *1. c. 16.*  
cile de Tyr, Léonas par Constantius *Theod. l.*  
à Seleucie, les Comtes Musonianus, *2. c. 27.*  
& Hesichius à Sardique, & ainsi des  
Conciles de Constantinople, d'Ephe-  
se, & de Calcedonne, où Martian ne  
se pouuant trouuer à toutes les actiōs  
laissa Anatolius Maistre de la Gendar-  
merie, & les Prefects Palladius, &  
Tatianus, avec treize autres des plus  
grāds Magistrats Romains. Ceste fa-  
çon de police fut suiuite par Constan-  
tin le Barbu, qui se fist accompagner  
au sixiesme Concile vniuersel par  
Nicete, Theodore, Sergius, Paul, Ju-  
lien & autres officiers de sa court, &  
en l'vnziemesme session du Concile cō-  
manda à Constantius & Anastaze Pa-  
tricices, à Polieucus, & Pierre hōmes  
cōsulaires d'y presider pour luy. Ainsi  
au second de Nice septiesme Concile  
general, Theophilactus, Petronius,  
Ioannes, Nicephorus President pour  
l'Empereur & sa mere. Cest ordre  
comme conuenable à la dignité & à

## PHILIPPOYE I.

la prudēce des Princes a esté embras-  
sé & prattiqué presque par tous les  
Royaumes. Car nos Roys qui en pieté  
comme en toutes sortes de vertus ont  
surpassé les autres Princes, ont vsé de  
ceste auctorité en Frāce comme Gou-  
tran, Chilperic, Charlemagne, & Phi-  
lippe le Bel: entre lesquels Charlema-  
gne se fist accōpagner en l'assemblée  
du Cōcile de Dreux par les Comtes,  
& les plus grāds Magistrats du Royau-  
me. Theodoric Roy des Gots se fist  
ainsi voir és Conciles tenus cōtre Sy-  
machus: Les Roys d'Espagne de sa  
nation comme Ricarde, & Eringius  
assisterent au troisiēsme & douziēsme  
Conciles de Tolledē, où Eringius  
se fit suiure par treize des plus illustres  
d'entre les Gots, & Sizebutus amena  
Sualanes son procureur general au  
Concile d'Hispañe, comme auoit fait  
Ricarde au troisiēsme de Tolledē. La  
mēsme forme fut obseruee en Angle-  
terre és Conciles tenus sous Offa  
Ozuius, & Egfredus. Chose certes  
que ie trouuerois aujourd'huy tres-ne-  
cessaire,

cessaire, & quãd la sagesse & l'vsage de  
 rãt de Princes biẽ auisez ne nous l'au-  
 roit pas aprins, il sẽble que les dange-  
 reux affaires de ce siecle en deuroient  
 faire l'ouuerture. Car les volótez sont  
 quelquefois si incertaines, si ondoyã-  
 tes, & si diuísées, que sous couleur de  
 traiter de la Religiõ on pourroit bien  
 remuër d'autres desseings contre les  
 Princes. Nous auons laissẽ les peres  
 dans les Conciles avec les Roys, & les  
 Magistrats, les voicy qui en sortent,  
 portans la resolution des poincts con-  
 tentieux en la Religion, ou en la poli-  
 ce. Mais ce n'estoit encores rien faict,  
 leurs decrets demeuroient sans force  
 & sans creance, s'ils n'auoient receu la  
 marque de la Maiesté de l'Empire, s'ils  
 n'auoyent esté confirmez & appro-  
 uuez des Empereurs, qui comman-  
 doyent aux Euesques de leur donner  
 compte des resolutions qu'ils auoient  
 prises, & de leur en exposer les motifs,  
 & les raisons. Ce deuoir fut rẽdu bien  
 entier à Constantin, comme on void  
 par la lettre qu'il escriuit sur l'affai-



## PHILIPPE I.

*Sosom. li.* re d'Athanasie, à son fils Constantius  
*4. cap. 17* par dix Euesques Orientaux & au-  
 tant d'Occidentaux, à Constans son

*Sosom. li.* frere de l'aduis du Pape Iules premier,  
*3. cap. 10* à Theodosie le Grád, comme on void  
 par l'Epistte Synodale du premier

*Action.* Concile de Constantinople, à Con-  
*18. sino. 6* stantin le Barbu par les peres du sixies-  
*Tom. 2.* me synode general, à Basile, & autres.

*Concil.* Enquoy les Empereurs se reseruans le  
 plus haut poinct d'honneur, & com-  
 me la derniere main mesuroyent par

*Sosom. 4.* les Escritures saintes les constitutiōs  
*c. 16. &* des Peres comme par la droicte regle  
*17.* de Policlete, qui est ce que i'admire

le plus de la grandeur des Princes és  
 affaires de l'Eglise. Ou s'ils n'en vou-  
 loyent prendre la peine, ils s'en des-  
 chargeoient sur la consciēce, & capa-  
 cité de quelques personnages d'hon-  
 neur, & de sçauoir; dequoy le Pape

*Epif. 60.* Leon premier se glorifie, & se vante  
 en vne epistre escrite à Pulcheria, là  
 où les Papes d'aujourd'huy pensent  
 auoir cest honneur comme de leur  
 chef, & de leur droict propre. Ceste

grande pieté des Princes confirmée par tant de signalees actions de deuotion, & de sagesse, leur acquist en fin tant de creance enuers les Peres, que S. Gregoire ayant vne grande prinse sur la Religion contre Eutichius, s'en reposa & s'en fia du tout à la prudence de l'Empereur Tybere : qui en iugeant droitement, & seuerement fist brusler les liures d'Eutichius comme heretiques. Voila les deliberatiōs des affaires de la foy toutes conclues, confirmées, passées en arrest irreuocable: Mais l'Eglise redoute encore qu'ō les altere, qu'on augmēte ou diminue les iustes mesures de ses confessiōs. C'est en ceste occasion de crainte que les Euesques Catholiques qui se trouuerent au second Concile d'Ephese appellé Brigandage, supplierent les Empereurs de ne permettre point qu'il fust rien adiousté au Concile de Nice: C'est la gloire dont le Pape Leon premier caresse la memoire de l'Em-  
*Iohan. diacon. in vi. Greg. M<sup>as</sup>.*

*Epist. 33*

## PHILIPPE QVE I.

*In breui.* cogneuë si forte, & de si grand poix  
 contre les Papes mesmes, que Libera-  
 tus parlant de la contention, & oppo-  
 sitions des Legats Romains formées  
 au Concile de Calcedonne sur l'ega-  
 lité del'Eglise de Constantinople, dit  
 franchement que ce qui est vne fois  
 arresté par les Conciles, quelque resi-  
 stance qu'y puisse faire le Siege Ro-  
 main, demeure tousiours ferme & im-  
 muable sous la protection, & faueur  
 des Empereurs. Encores que les Prin-  
 ces ayent iugé que tous ces droicts  
 estoient comme leur partage naturel  
 & hereditaire es charges, & preroga-  
 tiues del'Eglise, ç'a esté toutesfois l'E-  
 glise mesme qui leur a voué, & confa-  
 cré l'honneur de sa discipline, aux 3.  
*Cap. 38.* & 5. Conciles de Cartage, & presque  
*cap. 9.* en toutes ses sainctes congregations,  
 qui les a importunés d'estre les gar-  
 des & les conseruateurs des loix de sa  
 police. Son grand calme apres les  
 persecutions des Empereurs Ethni-  
 ques luy predisoit vn grand orage, &  
 la menaçoit de ses propres entrailles,



elle cōmençoit à sētir qu'elle couuoit des mauuaises humeurs dās le corps, & nourrissoit du sang alteré, & corrompu dans ses veines que le loisir, le repos, l'intermission trop grand de ses premiers salutaires exercices, & la treue de ses afflictions passées produisoient en elle-mesme. Qui lui faisoit iuger sainctement que pour se conduire en sa longue, fascheuse, & perilleuse nauigation, elle auroit affaire de la prudence, & de l'autorité d'vn Pilote absolu qui tint le timon droit, & le gouuernail mesuré, ordōnast à chacun ce qu'il auroit affaire, tint la bride & les resnes fermes, contint en deuoir tous les ordres, & donnaist cōme le ton à l'armonie de tous les corps Ecclesiastiques : à quoy nul autre que les Princes ne pouuoit estre egal. Ceste opinion a bien esté si viue, & si profondement empreinte dans les esprits des peres que S. Augustin assure en vn traicté sur S. Ieā, & en vne lettre escrite à Demetrius, que les Princes desdaignants, ou negligents la disci-

# PHILIPIQUE I.

pline & Reformation de l'Eglise pe-  
 chent contre leur deuoir , fouillent  
 l'honneur de leur charge, & les menas-  
 se que leur nonchalance les rendra  
 comptables au ciel , parce qu'ils sont  
 principalement establis de Dieu à ce-  
 ste fin. Trouue-on estrange, dit-il, de  
 voir les puissances Chrestiennes se  
 resentir , & se picquer contre les diffi-  
 pateurs de l'Eglise , & qu'elle raison  
 donneroiēt-ils autrement de leur Em-  
 pire? Il n'est pas iusques à Nabucho-  
 donosor qui ne se rande cruel contre  
 les blasphemateurs du Dieu de Si-  
 drach ; & on s'esmeruillera dequoy  
 les Roys Chresties se passionnēt pour  
 IesusChrist. Pour cela escriuant à Bo-  
 niface il louë hautement la prudence  
 de l'Euesque Maximianus qui s'estoit  
 adressé à l'Empereur pour la corre-  
 ction des perturbateurs de son Eglise,  
 & Isidore sur ceste autorité eternelle  
 enferme toute la vigueur de la vertu  
 de l'Eglise , & la force de sa discipli-  
 ne dans le sein des Roys. Certes il s'en  
 faut tant que les anciens Papes ayent

*Epist. 50*

*Cap. prin  
 cipes secu  
 li 23. q. 5*

debattu, ou querellé le droit de ceste  
 police aux Princes, qu'au cōtraire Ca-  
 lixte I. en vne lettre à Benoist conseil-  
 le les Ecclesiastiques d'implorer au  
 besoin l'assistance des puissances du  
 monde; Leon I. confessâ ingenuëmēt *Epist. 75*  
 à Pulcheria que l'Eglise ne pouuoit  
 cōsister seuremēt sans l'appuy de l'au-  
 thorité des Roys, & par vne lettre su-  
 plia l'Empereur de purger seueremēt  
 l'Eglise Alexandrine, & de chasser les *Epist. 29*  
 heretiques du clergé de Constātinop-  
 le. Encores au grād declin de l'Egli-  
 se, lors que les Papes ont voulu abatre  
 rez terre la Maïesté Imperiale, ils  
 n'ont iamais tant sceu troubler l'air  
 serain du Christianisme des nuages  
 de leurs fumées, que la lumiere de  
 ceste verité n'ait esté recogneuë bien  
 nette, par Alexandre troisieme, & In-  
 nocent troisieme fort ambitieux, qui  
 aux Cōciles Romains vniuersels, cō- *Cap. 27.*  
 fessent que l'integrité & pureté de *cap. 3.*  
 l'Eglise est entretenuë par la main, &  
 l'autorité des Roys. Des Roys cer-  
 tainement qui ont autresfois bien fait



## PHILIPPE I.

sentir aux Papes qu'ils en auoyent de  
bônes lettres, & de beaux titres. Ceste  
puissance comme naturelle & fort le-  
gitime a esté si fermement attachée à  
l'estat des Princes , qu'on n'a poinct  
faict difference de la qualité de leur  
Religion. Car si on regarde toute l'hi-  
stoire de l'Eglise, on m'accordera que  
non seulement les Empereurs Orto-  
doxes se sont preualus de ce droict,  
mais que l'Eglise mesme a honoré ce  
pouuoir en la main des Princes Here-  
tiques, comme Constantius, Valens,  
Valentinian 2. Theodoric, Iustinian,  
Leon, Copronime, Cōstans, & autres  
desquels elle a fidellement receu les  
commandemēs, & la correction pour  
les mœurs, bien qu'elle en ait reiecté  
loing la foy & la creance. Pour l'hon-  
neur premierement du haut & sacré  
rang des Princes pourtraicts viuans  
de Dieu, & pour auoir tousiours iu-  
gé tres-necessaire leur surintendance  
& moderation sur toutes ses affaires.  
L'Eglise eust esté biē miserable si aux  
grâdes affaires qui lui sont suruenuës,

& tombees sur lns bras, elle n'eust esté soustenuë & appuyee du secours des Princes & des Magistrats, n'eust vſé de ces extrefmes fortunes de ſes ancrs ſacrees, & n'eust ietté ſes yeux ſur les Roys comme à ſon nord & ſon eſtoille. Car toutainſi que les corps exercez au trauail, accouſtumez au Soleil & au haſle, battus du froid, & exposez d'ordinaire à la chaleur, ſe rendent plus forts & plus robuſtes, & leur peau reſerree & endurcie, repouſſant plus viuement les maux extérieurs faiſt que l'iniure de l'air, & de la faiſon les offence plus difficilement: auſſi les Medecins ſe rencontrent & s'accordent à ce poinct, que les maladies interieures les combattent plus violamment que les autres corps, dont le cuir plus delicat, & plus deſlié, euapore plus facilement les mauuaiſes humeurs qui ſont retenues ſous vne peau plus ferme & plus dure. De meſme l'Egliſe qui par la lōgue agitation des perſecutions extérieures ſ'eſtoit tant affermie contre

## PHILIPIQUE I.

les assauts qu'on luy liuroit par dehors, qu'elle ne les redoutoit plus, en mesprisoit les alarmes & les attaques, & leur alloit gayement au deuant, pēsa bien tost estre estouffee des corruptions qu'elle auoit acueillies & assemblees, & qui nasquirent dans elle mesme. Car la tempeste ayant ceddé la place au Soleil, les vagues ne battant plus les flancs du vaisseau de l'Eglise, elle trouua ceste marce en son sein? l'agitation de ceste humeur dans son estomach, & le mal de cœur dans soy-mesme. Le feu s'alluma dans la nauire eschappee des ondes, mille ambitios, mille cōtentions s'esueillerent & s'esmurent en elle, mille schismes la deschirerent, mille heresies luy firent vne mortelle guerre. Elle eust esté bien empeschee a pouruoir à ses inflammations de sang; à ces fortes & si diuerses cōtentions d'humeurs, à tant de grandes conclusions, & à soustenir les violantes secouffes de tant de maladies redoublees qui la cōbatirent: car elle auoit oublié l'vsage de ses pre-



miers remedes. La charité estoit estainte, l'humilité bannie, la société des Eglises rompue, & les Pasteurs escartez par toutes les prouinces de la terre ne pouuoient venir qu'au commandement des Roys, n'y supporter cet Empire que de l'Empire mesme. C'est aussi aux douleurs de ses blessures, aux premiers accez de ceste fièvre ardente, qu'elle tourne la veüe vers Constantin, & luy demande vn Concile contre le schisme des Donatistes qui l'auoit entamée iusques au vif. Pense elle auoir bandé ceste playe: Voyla vne tumeur enflammée & noire qui commence d'abottir & paroistre sur la peau, puis d'vn coup se creue & se resout dās le corps, & repand les vapeurs de son poison iusques au cœur. L'heresie Arrienne l'assaut aux parties nobles, la va esbranler iusques aux fondemens, & s'en prend à Iesus Christ mesme eternal fondement de l'Eglise. C'est icy qu'elle est estonnée, troublée, presque hors de soy, qu'elle semble se defier de ses forces, qu'elle appelle encores

## PHILIPPE I.

Constantin, qui prenâtle soin de ceste maladie despesche des courriers par toutel'estêduë del'Empire chercher les appareils, & les remedes propres, qui enuoye passe-ports, equipages, & moyens à tous les Euesques du môde pour venir à Nice. Ce mal est-il passé, mille sortes d'heresie queüe à queüe, que quelques esprits melâcoliques, & ambitieux sommeillant au fort du repos de l'Eglise forgét en leurs ceruelles, la viennent attaquer à la fille : où quelquefois d'un effort meslé, cōcerté, & coniuré desgorgent sur elle leur orage, & flot sur flot la haussent, la virent, l'estourdissent, l'esbranlent iusques à la renuerser. En tout cela il s'en faut toujours adresser aux empereurs. Voila les Conciles de Constantino-ple, d'Ephese, & de Calcedone, & vn grand nombre de particuliers Synodes conuocquez par les Princes pour la depestrer des incōmoditez de tous ces maux. Mais quand les maladies semblent du tout gueries, & ceste horrible guerre estainte, que les confessiōs

de la foy sont bien concluës, & bien grauees sur l'airain, ne se peut on point passer des Roys? Il faut encore armer les decrets, & decerner des peines sur les contrauentions : l'Eglise est trop foible & trop debile pour les biẽ faire garder, les anathemes ne brident pas l'audace des heretiques qui en franchissent, & en brisent les sacrez liens. Il faut que Theodose, Valentiniã, Iustinian premier & second, & les autres y adioustẽt la force, & facent icy publier des rigoureuses ordonnãces. Auquel effect on dressoit d'ordinaire deux Edicts, dont l'vn contenant la seule confession des peres s'adressoit aux Euesques de Rome ou de Constantinople; l'autre conceu sur la peine des refractaires estoit enuoyẽ au Magistrat ciuil pour l'entretienemẽt, & l'observation de tous les deux, comme nous voyons par les nouuelles de Leon le Philosophe. De qui les loix portant amẽde ou supplice ont adressẽ à Stylianus souuerain Magistrat de l'Empire, les autres qui ne touchent



# PHILIPPE I.

qu'à la foy & police de l'Eglise sont vouées à Estienne Patriarche de Constantinople. Quelquefois les Empereurs enflés de tant d'heureuses issues & de salutaires effets de leur conduite presumoient aussi tant de leur bonheur que sans assembler l'Eglise ils hazardoient de iuger les heretiques, & Theodose, & Honorius condamnerent Celestius & Pelagius, dont la doctrine fut apres reprouvee par les Conciles de Cartage. Où bádant plus roidement les loix, ils essayoient par la mort du premier qui mettoit en avant quelque doctrine nouvelle, corrópuë, & de mauuaise odeur de couper les veines au mal croissant, & arrester ceste humeur fascheuse par le feu & les cauterés ardents, sur lequel subiect Theodoric fit mourir vn Diacre. Mais Michel l'Empereur d'Orient pësant par la rigueur apporter le mes-

*Prul. dia* me repos à l'Eglise fut si peu heureux  
*con. l. 24* en ce dessein qn'il alluma vne forte se-  
*rer. Rō* dition dans Constantinople. Tât de di-  
 uers cōbats d'heresies, tât d'afflictions,

& de playes que l'Eglise en a receuës, ont monstré par l'euenement qu'il lui estoit malaisé de s'en demesler sans l'assistance de l'Empire: Toutefois ce ne s'ot pas encore là ses plus grandes traues, ny ses pl<sup>r</sup> violés assauts. Car voy cy des schismes qui la diuisent d'as elle mesme & la tirent ça & là, qui la dissipēt & l'entamēt cruellemēt. Vn autel se dresse contre l'autre, l'Eglise se bade cōtre l'Eglise, les Orientaux se departent & separent des Occidentaux, l'un siege s'esleue plus que l'autre, les Patriarches sortēt hors de leurs termes, Ierusalem en veut à Alexandrie, Constantinople s'esgalle à Rome, Rome l'a veut fouler, l'autre dit apres qu'elle est plus grāde. De toutes ces grādes & mortelles agitations c'est encore aux Empereurs d'en auoir la teste rōpuë, d'en porter le soin & la peine, d'interposer des Euesques mediateurs, d'y employer la main de leurs Officiers, & de rassembler encore des Cōciles. Quelquefois couurant doucemēt les hontes de leur mere, ils essayent d'as-

# PHILIPIQUE I,

païser, & moderer avec peu de bruit  
ces humeurs chaudes si esmeuës: Io-  
uinian en traicte à part avec Athana-

*August.* se, & Theodose le Grand en confere  
*l. 1. cōtra* longuement, & d'affection avec Ne-  
*ster. pe-* ctarius. Car sainct Augustin assure  
*id.* que Dieu a principalement rangé l'E-  
glise sous l'ombre & la garde de l'æfle  
des Magistrats pour la dissipation de  
ces troubles & de ces diuisions, pour  
la correction de ces hommes insolens  
qui la bandent contre elle mesme, &  
pour la peine de ce- libertins dont la  
bouche trop forte emporte la bride  
de ces sainctes contrainctes. Aussi en  
ces mauuaises rencontres de Scisme,  
l'Eglise recognoissant l'heureuse main  
des Roys, ne se retire qu'à Constâtin,  
à Constantius, Constans, Theodose,  
Honorius & Martian: Sainct Gre-  
goires s'adresse à Maurice pour tirer  
raison de l'Archeuesque de Constan-  
tinople, Boniface troisieme en croit  
Phocas pour la precedente & l'vni-  
uersalité, & quand les Euesques de  
Rauenne & de Milan, refusent de  
ployer



ployer de bõ gré so<sup>9</sup> ce nouueau ioug  
de seruice les Papes importunent les  
Empereurs de les y cõtraindre de for-  
ce ouuerte. Mais quel autre eust peu  
estre capable pour aracher les schif-  
mes dumilieu de Rome mesme, quãd  
à la creation des Papes il y eust autre-  
fois tant de sang respandu, quand on  
s'entre-coupa furieusement la gorge  
pour l'ambition de Damasus & Ursi-  
nus, quand on vidtãt de carnage à Ro-  
me qu'il s'ẽbloit presque que les mon-  
ceaux des corps morts entassez pesle-  
mesle fussent les degrez pour monter  
au Papat? Ne fut-ce point Maximin  
prefect de Rome qui estouffa prudã- *Socr. 4.*  
mẽt ceste violante sedition, & repri- *cap. 24.*  
ma ces dangereux exemples? A qui se *Amina.*  
fust-õ adressẽ qu'à Honorius lors que  
Boniface, & Eulalius se cãperẽt quasi  
l'vn contre l'autre, quand ils tindrẽt  
tous deux septmois le siege, qu'on vid *Platin.*  
Rome diuisee & coniuree contre Ro- *Contin*  
me mesme? Mais encore lors que Sy- *Damas.*  
mochus, & Laurentius se batoient fu-  
rieusement pour leur dignitẽ, qui eust

## PHILIPPE I.

peu estaindre les inflâuations de ces humeurs ambitieuses que Teodoric, qui tint la dicipline de l'Eglise haute & ferme, & en rembarra ces hommes contétieux? Quel autre print à cœur l'iniure de l'Eglise habandonnee, & deseperee que Henry troisiésime, qui comme vn Hercule nouveau abatit d'vn seul coup vne effroyable Hydrea trois testes, & deposa trois Antipapes Benoist 9. Syluestre 3. & Gregoire 6. qui troubloiét Rome de leurs factiôs, remplissoient toute la Chrestienté de scandale, & s'estoient accordez pour diuiser, dissiper, & perdre l'Eglise? Il eut bien le courage, & les autres Empereurs successeurs de son Estat d'en faire autant à Gregoire 7. Urbain 2. Paschal 2. Adrian 4, Alexendre 3. & autres de mesme estoffe, mais ils furent tous trop foibles, & ces Papes trop grâds & trop forts; qui s'apuyans sur les bras de quelques Princes plus puissants encores qu'ils gaignoient finement gauchirent ces coups vigoureux, & euerent les atteintes de la

reformatiō: puis comme taureaux es-  
chauffez qui eschappēt blesez & san-  
glants de la boucherie, coururent fu-  
rieusement l'Europe, abatirent tout  
ce qui leur vint en chemin, & renuer-  
serent la plus part des Estats, & des  
Eglises. Toutefois quand les Princes  
Chrestiens se sont voulus donner la  
main, & conspirer ensemble à ceste  
iustice, on est bien venu à bout de ces  
Archeuesques les plus mal-aisez à te-  
nir, & a on faict souffrir la touche de  
la discipline Ecclesiastique a quatre  
de cest ordre disposez sous la condui-  
te de la pendance de Sigismond à Pi-  
se, & Constāce. Que si le mesme bon-  
heur n'accompagna les Roys à Basle  
contre Eugene 4. ce fut faute de mes-  
me volonté, de mesme deuoir, & de  
pareille intelligence. Toutes & quan-  
tes fois donc que l'ambition des Eues-  
ques a faict naistre des schismes, ç'a  
esté aux Princes s'ils ont esté assez  
forts, de rassembler & reünir l'Eglise  
diuisee & despeece, & reduire cha-  
cun aux termes de sa iurisdiction, fer-



# PHILIPPE I,

mant feurement ceste porte d'Ambi-  
 tion source des maux de l'Eglise, qui  
*Epist. 32.* estoit le poinct le plus necessaire de la  
*lib. 9.* discipline. Car comme dit S. Gregoi-  
 re, c'est troubler tout le monde ensé-  
 ble que de confondre l'ordre estably  
 entre les Euesques. Hé à qui pouuoit  
 estre mieux deuë ceste iurisdiction  
 qu'aux Roys puis que c'estoit de leurs  
 mains que la plus part des Eglises te-  
 noiët leurs titres d'honneurs Episco-  
 paux. Metropolitains, ou Patriarchi-  
 ques? Car ce furët eux qui au Concile  
*L. decer.* de Constantinople auãcerent & mon-  
*nim. us.* terent ceste ville au Patriarchat, &  
*C. de sac.* ployant l'ordre des peres de Nice l'a-  
*eccl.* uantagerent par dessus Antioche, A-  
 lexandrie, & Ierusalem. C'est de Mar-  
 tian que Calcedonne receut la mar-  
*Ex ast.* que Metropolitaine; & Iustinian raf-  
*Con. Cal.* sembla en faueur de Cartage l'hon-  
*ced. tom.* neur de toutes les Eglises, & l'espãdit  
*2. con.* apres sur la premiere & seconde Iusti-  
 nianee. Pour cela les Princes se reser-  
*Nonuel.* uoient tousiours le iugement du rang  
*37. Non-* & seance des Patriarches, & des pri-  
*uel. 9.*

uileges Metropolitains semence de la plus part des diuisions de l'Eglise. Que si ces poinçts d'honneur ont esté quelquefois agitez és Conciles comme de Constantinople, d'Ephese, & de Calcedonne, si le Concile de Calcedonne a cogneu des differends des Archeuesques de Ierusalem & d'Antioche, si les autres moindres contentiõs entre les Metropolitains ont esté traittees à Ephese pour les Eglises de Cipre, ç'a esté tousiours soubs l'autorité & moderation des Empereurs, en la presence, à la veuë, & soubs les suffrages des Magistrats ciuils : qui en la troisieme action du Concille de Calcedonne iugerent les droiçts Metropolitains de Nice & de Nicomédie : & Eunomius Euesque de Nicomédie ne s'ë adressa qu'à l'Empereur. Ce ne sõt point entreprises : car le troisieme Cõcile de Cartage laisse plainemët ceste iuste cognoissãce aux iuges seculiers. Aussi le pouuoir de la creatiõ des Euesques bien entier en la main des Princes cõfirmoit fort ce iu-

# PHILIPPE I.

gemēt de leurs Magistrat sur les hon-  
neurs des Sieges. Car c'estoit de la  
seule autorité de l'empire que les pe-  
res estoient promeus aux dignitez Ec-  
clesiastiques, cōme dist Constantius à

*Theod. l. 1.* Liberius. L'histoire sainte monstre  
*2. ca. 16.* claiement les droits que se donnerēt  
*et lib. 4.* Valentinian premier, Theodose, & Ar-  
*cap. 6.* cadius es institutions de S. Ambroi-  
*Sosm. li.* se, Gregoire de Nazianze, & S. Chri-  
*7. c. 8. et* 8. foistome: Et les Conciles tenus sous  
*l. 8. ca. 2.* Adrian premier, & Leō huitiesme le  
*Theod. li.* 5. *cap. 7.* tesmoignēt assez avec le lōg vsage en  
*tom. 3.* la creatiō des Papes mesmes. Je pour-  
*con.* fuiuroy plus auāt ceste pointe si ie n'a-  
uoy voüé vn particulier discours à ce  
subiect; ie diray seulement ce mot, que  
si les Princes ont laissé quelquefois  
les eslections librés, & s'en sont repo-  
sez sur l'integrité du Clergé de leur  
*Nonnel.* Empire, ils en ont au moins basti l'or-  
*6.* dre & la forme. Aussi pour ne perdre  
pas de veüe l'honneur de ce droit, an-  
ciēne gloire des Roiaumes, pour faire  
voir que les promotions de ces char-  
ges ne laissoiēt pas de demeurer bien



entieres en leur main, que d'où qu'on  
 en print les titres ce n'estoit que sous  
 leur bonne volonté & leur souffran-  
 ce, ils n'ont iamais lasché l'auctorité  
 & la puissance de destituer les pasteurs  
 indignes, infidelles à l'estat, ou trop  
 scandaleux, quand leur mauuaise vie  
 & leurs desportemens ont demandé  
 ceste iustice. Là où cest insolent Espa-  
 gnol qui remüe toutes les pierres des  
 fondemens de nostre Estat, a presump-  
 tueusement faict menasser nos Pre-  
 lats fideles de la priuation de leurs di-  
 gnitez, comme si la fidelité estoit vn  
 crime, comme si ceste destitution n'e-  
 stoit pas vn droit puremēt Royal at-  
 taché eternellement au sceptre de  
 France, & que nos Roys ont autrefois  
 bien faict sentir aux Papes mesmes, *Ammon. l.*  
 comme Leon III. & IIII. pour l'euef- *4. cap.*  
 ché de Rome. Ce propos nous a con- *88. &*  
 duiçts au ponict de la dicipline que *110.*  
 quelques Ecclesiastiques desbauchez  
 de leur deuoir refuyent plus farou-  
 chement. C'est de laisser iuger leurs  
 personnes aux Magistrats; parce con-

me ils disent, qu'ils sont les oingts de Dieu, par ainsi sacrez, inuiolables, demis-Dieux. Aquoy ils firent vn grád effort au Concile Romain sous Innocēt 3. pēsant de ceste secouffe mettre du tout à bas la puissance seculiere : & Gratian tout courbé des Decretales de quelques Papes qu'il raporte sur ce subiect, en veut escarter si loin le Magistrat qu'il luy en pence faire perdre pour iamais le souuenir & l'enuie. En quoy ie m'estonne qu'ils ne prenēt pas garde que S. Iean Chrysostome & les autres peres les resoluient clairement quel' Apostolat ou autre dignité quelque haute qu'elle soit en l'Eglise n'affrāchit pas de la main du magistrat ciuil; & que S. Bernad represente à Eugene que les Apostres se sont tenus debout & nus-teste attendāt leur sentence de la bouche des Iuges laiz. C'est icy certainement que le Magistrat se doit monstrier plus vigoureux & plus grand; recueillir ses forces, redoubler sa vertu, se faire voir a face ouuerte, & se deploier tout entier;

parce que la iustice est la principale cause de sa créatiō, l'intétion premiere de la constitution de son ordre, & l'un des nerfs de la puissance de Dieu sur les hommes. Car c'est pour estre iugez que les enfans d'Israël demanderent des Roys à Samuël à l'exemple des autres peuples. Si les Princes sont donc formez de Dieu pour la iustice, envoyez icy comme Vice-Roys de son diuin Empire, pourquoy les Ecclesiastiques retarderont-ils les effets de leur saint establissement, s'opposeront à la fin, & à la droite visée de ceste volonté de Dieu, & à la force de ses plus puissans desseins ? Il ne leur faudroit point des Rois en tout si ceste plus noble, plus naturelle, & plus vive partie de leur dignité estoit superflue & oisive, ou demeueroit si maigre & si courte qu'elle ne se peut estandre & arriuer iusques à eux. Pourquoi le Magistrat est-il en l'Eglise ? que luy sert il d'ordonner de la police, & de se mesler ainsi de tout ? à quoy bon tout ce soin & toute ceste peine ? cela ne



## P H I L I P P I Q U E I.

tend il point à quelque fin ? car il faut butter à quelque chose de certain en toutes nos actions. Estce pour ordonner de belles loix en l'Eglise, faire vigoureuſement florir la doctrine, & les decrets des Conciles, & des peres ? Et comment peut estre bien gardee l'integrité de la discipline ſans qu'il y ait des peines decernees contre les reſraictaires ? Et que profite-il n'atacher des peines aux ſanctions des Edicts, d'armer les loix, de donner aux Decrets vne trampe de rigueur ſi on n'en peut exercer & mettre en œuvre la iuſtice ? Que ſert-il de porter tant de beaux traiçts dorez dans vn carquois ſans la force, l'adreſſe & la main d'vn archer pour les décocher ? Que vaut vne belle eſpée attachée & couſuë à ſon fourreau ? C'eſt vouloir faire vn fantoſme du Magiſtrat en l'Eglise, vne ſeconde intétion, vne vaine chimere en l'air, vne fantaſie i maginaire, vne ſtatuë inanimée, vn maſque qui ſerue à donner des terreurs en ſonge, ou à faire peur aux en-

fans , & qui au besoin s'esuanouisse & disparoisse sans effect , sans vertu, sans ce pourquoy il a esté estably au monde. Puis que l'ordre Ecclesiastique est vn des plus puissans membres de l'Estat , des plus hardis , quelquefois des pl<sup>e</sup> mal-aisés à manier, qui possede les consciences, qui fait trébler les ames, vne espece d'Empire dans le cœur de l'Empire, qui en fin peut beaucoup faire de mal quand il veut, & nous l'esprouuons en beaucoup d'endroits en Frâce: il faut que la iustice soit pour le moins aussi tenduë & bandee vers luy que vers les autres parties de ce corps : qu'il soit retenu sous la seuerité des mesmes loix, & lié d'attaches aussi fermes. Il faut cerner ceste puissance des droicts limités de sa raison , & si elle est trop forte en bouche y apporter le caueillon avec la bride. Autrement il seroit permis aux gens d'Eglise, s'ils se vouloyent tant oublier, de viure aussi dissoluëment qu'il leur plairoit , de pecher publiquemēt, semer des scandales, se souiller dans le sang, faire des

## P H I L I P P I Q U E I.

entreprises sur l'estat, verser le poison  
 sur la table des Princes, se revolter à  
 chaſque bout de chāp quand la mou-  
 che les picqueroit, deſchirer vn Em-  
 pire, gaſter & cōuaſer tout, puis qu'ils  
 porteroiēt avec eux leur franchise, &  
 leur aſile, & des abolitions en blanc,  
 puis que le Magistrat n'oſeroit alōger  
 la main ſur eux. Quels deſſeins dan-  
 gereux, quelles inuētions de mal-fai-  
 re, quels moyēs de pecher avec liber-  
 té. À ce cōpte on pourroit faire en fin  
 par l'abus que le Clergé ſeroit vne  
 impunité de mal, & vne abſolution de  
 tout crime, que la Preſtriſe pourroit  
 deuenir vne couuerture à to<sup>u</sup>s vices, vn  
 appareil à toutes playes, & vn empla-  
 ſtre à toutes ſortes de maux. Qui au-  
 roit encouru la rigueur des loix qu'il  
 auroit forſcées, qui auroit violé le Ma-  
 giſtrat meſme, ſe rangeroit à l'Egliſe  
 comme à vne aſſurance impenetra-  
 ble, & perpetuelle. Les meſchans ſe  
 ſauueroiēt dedans pour la crainte des  
 fautes paſſées, pour le deſir & l'enuie  
 des nouuelles, les criminels plus de-



s'esperez s'y reduiroient en plus grand  
 nombre que les gens de bien, on ren-  
 droit l'Eglise remplie de voleurs on  
 en feroit vn college de toutes sortes  
 d'hômes corrópus & abandonnez, l'es-  
 gout & la fétine ou s'escouleroiét tou-  
 tes les ordures du mōde. Ou en tōbe-  
 roit-on en fin? qu'elle confusion, quel  
 desordre. Autant de Cures, autant de  
 chapelles seroyent donc autant de  
 souuerainetez, & de principautez? au-  
 tāt de Couronnes de Prestres seroient  
 autant de petits Royaumes, autant  
 d'eschantillons d'Empire qui ne rele-  
 ueroient que de leur fantasie? il y au-  
 roit en fin autant de Roys que de su-  
 iects? Qu'on espluche d'aussi pres  
 qu'on voudra l'histoire de l'Eglise, on  
 n'y pourra iamais fonder ce priuilege  
 de clericature. Car pour ne nous ar-  
 rester point à la correction que les  
 Roys de Iuda auoyent sur leurs Pre-<sup>1. Reg.</sup>  
 stres, Constātin de qui on appuye ces  
 nouuelles exemptions cogneut de la  
 cause de Cæcilianus, & par lettres  
 cassa toute la procedure des Euef-

# PHILIPIQUE I.

*Theod. li. 2. cap. 16* ques contre Athanase. Le Pape Libe-  
*Sosom. 3. cap. 9.* rius mesme importuna Constantius  
*Theod. 2. cap. 27.* de faire vuider la cause d'Athanase,  
*Sosom. 4. cap. 21.* & de luy donner des iuges ; Iules Len-  
*et 22.* pria ardamment Constans son frere,  
& Constâtius delegua le prefect Ho-  
noratus pour instruire l'accusation  
d'Ætius. Sur ces considerations & ses  
exemples, S. Hilaire bien instruiet &  
edifié des authoritez des Magistrats  
Royaux, supplie tant seulement Con-  
stantius de prendre garde, & auoir soi-  
gneusement l'œil que ses officiers ail-  
lent doucement & sobrement és iu-  
gemans des personnes Religieuses : &  
*Epif, 159* S. Augustin escriuit au Comte Mar-  
celin, qu'il trouuoit fort bon & neces-  
saire qu'il eust informé contre cer-  
tains Prestres Donatistes, & leur eust  
fait le procès. Je sçay bien que les  
Princes ont souuent remis les causes  
des Euesques, & autres Ecclesiasti-  
ques à l'assemblée des Conciles; mais  
ç'a esté pour les finir avec l'assistance  
de leurs Magistrats, auxquels les pe-  
res ont laissé le iugement des person-

nes, apres auoir avec eux examiné, & esprouué la doctrine. Que s'il n'estoit question que de la mauuaise vie, des vices, des desbordemens, ou des entreprises par eux faites, c'estoit la pure iurisdiction des Magistrats ciuils.

Car Sapore delegué par Gratian *Theodor. lib. 5. c. 3* pour iuger les Euesques Paulinus, Meletius, Flauian<sup>9</sup>, & Apollinaris, osta la *4. 23.* dignité episcopale à Apollinaris, pour l'adiuger à Meletius, & Flauianus accusé par les Papes Damasus, & Anastase plaida humblement sa cause deuant l'Empereur Gratián, & protesta s'il auoit fait faute de remettre l'Archeuesché d'Antioche entre les mains de qui il ordonneroit. Il est vrai que la premiere fois qu'on iugea de l'affaire d'Eutiches ce fut en vn particulier Concile tenu à Constantinople sous Theodose le ieune, mais le Patrice Florétinus cogneut de ses accusations avec les Peres, & depuis en vne autre assemblée ou on renforcea de iuges, Martialis & Carterius deux des plus grands officiers accompagnerét



## PHILIPPE I.

Florentinus. Pour l'honneur de la iurisdiction de l'Empire on voulut qu'au second Concile d'Ephese conuoqué pour mesme suiet, Elpidius & Eulogius Magistrats ciuils assistassent au discours entier de ce procez, comme on void par la lettre qu'en escriuirent Theodose, & Valentinian à Proculus procōsul d'Asie: & au Cōcile de Calcedone ou cest Abbé fut du tout condamné quinze officiers de l'Empire se trouuerent à son arrest. Surquoy Eua-grius remarque que la formule du decret fut dressée & pres-crite par les Empereurs, dont l'autorité eternelle auoit par lettres patentes conçu & basti auparauant l'ordre des iugemēts du premier Concile d'Ephese. Ainsi les mesmes iuges de Calcedone apres auoir expédié Eutiches, traicterent d'une haleine la cause de l'Archeuesque de Hierusalem, de Flavianus, & d'Eusebe deposez au second Concile d'Ephese, En la 14. session de ce Synode l'Euesque Sauinianus demanda par requeste d'auoir des Iuges Laiz, qui

qui vuiderent aussi tost son procez & d'un Euesque nommé Anastase, & Dioscorus supplia humblement les Princes & le Senat d'honorer son iugement de la maiesté de leur présence.

En fin personne n'ignore que S. Gre<sup>Cap. Ista.</sup>goire n'ait renuoyé à l'Empereur les <sup>11. q. 1.</sup>

Euesques de Milan & d'Aquilée pour estre seuerement corrigés par les Ma-

gistrats, que par vne de ses lettres il n'ayt ardemment supplié l'Exarche <sup>lib. 1. epi. 37. ind. 9</sup>

d'Italie de iuger la cause de l'Euesque Blandus; & qu'au sixiesme Concile

Generalles Patricès & autres Iuges seculiers que Cōstantin y auoit ame-

néz, n'ayēt procedé avec les peres à la destitution de Machaire d'Antioche,

& d'Estiēne son disciple. Je ne nie pas que les Princes n'ayent accordé quel-

quefois ceste iurisdiction à des Euesques. Car Constantius s'en fia à Va-

lens, & le ieune Theodose en honora Eustachius Euesque de Berith au 2.

Concile d'Ephese; Mais ie dis aussi que les Euesques n'osoient pas d'eux-

mesmes estandre la main sur ceste co-

## PHILIPPE I.

Cap. 19. 2. Tem. concil. gnoissance : S'ils en auoyent affaire ils en requeroiēt les Princes. C'est pourquoy au Concile Mileuitain les peres delibererēt de demāder à l'Empereur le iugement episcopal, qui a esté si debile & si foible en la force & la fleur de l'Empire, qu'ils n'en ont iouy que par souffrance, & nos liures ne l'appellent qu'audience episcopale. Les Papes sont ceux qui ont plus fait icy les mauuais, qui ont le plus voulu esbranler ceste anciēne & vigoureuse iustice du Magistrat ciuil, & qui ont plus trauiillé à renuerser ce ioug legitime des Princes ; forgeās des nouveaux priuileges & franchises sans sçauoir ou les appuyer que sur les nuës, pour apres esprendre, & faire plouuoir ceste douce grace de leurs sieges sur les autres Ecclesiastiques, & seruir comme d'abry, d'asile, & de retraite à tous ceux qui seroyent tirez en iugement ciuil. Qui est en effect violer les loix, forcer l'ordonnance de Dieu mesme, semer la rebellion contre les Roys, & distraire les subiects de leur obeissance Chre-



stiène. Et toutesfois ce sont les beaux decretz qu'on attribue à Felix, à Marcellin en la seconde epistre aux Euesques d'Orient, à Siluestre, à Gelais en ses lettres au Comte Ezechie, & aux Euesques Crespin & Sabin. Encore Palea perdant icy toute honté ramene vn lieu des responcez d'un Martyr Boniface, pour euoquer par deuât les Ecclesiastiques tous les procez meuz entre les Chrestiens, qui est vne audacieuse & insupportable fourbe pour ruiner de fonds en comble l'autorité des Roys, dont les principaux nerfs consistent en l'ordre de la iustice. Auquel dessein sous couleur des sermens, de contractz, tonsures, & autres subtilitez Romaines on auoit introduit en France ces nouuelles & démesurees libertez, si nos sages Roys aduertis par les Magistrats n'eussent vigoureusement repoussé ceste nouuelle iurisprudence. Voicy d'estranges artifices, pour appuyer ceste licence desreglée quelques Canonistes, & escoliers de la Rouë font icy monstre

## PHILIPPE I.

d'une autorité du Concile Milev-  
tain, à laquelle ils tordent difforme-  
ment le nez. Car là où les peres pri-  
vent d'honneur Ecclesiastique ceux  
qui demanderont à l'empereur la  
charge & l'exercice des iugemēs pu-  
blics, Gratian gehennant, & corrompāt  
ce Decret le ploye contre ceux qui  
poursuiurōt d'estre iugēs eux mesmes  
par les Magistrats : Qui est vne mali-  
ce euidēte & vne fausseté pourpensée  
contre l'intention du Cōcile, & les ar-  
rests incorruptibles du S. Esprit. Qui  
ne s'esmerueroit de ceste presump-  
tion Romaine d'oser secourir autrui  
des armes qui sont trop foibles, &  
trop moles pour soy mesmes? Car y  
eut il iamais Euesques sur qui les Rois  
ayent tant de fois deschargé la graui-  
té des iugemēs seculiers, ni qui ayent  
tant resenty les traiçts poignants de  
la iustice des Princes que les Papes?  
Ils en ont esté comme les buttes, le  
blanc, & la visée: & l'ordinaire exerci-  
ce du bras du magistrat. Tesmoins Li-  
berius, Sixte III. Boniface, Symachus

Vigilius, Pelagi<sup>9</sup>, S. Gregoire mesme,  
 Leon III. Paschal I. Leon IIII. Iean  
 XII. Benoit IX. Siluestre III. gregoire  
 VI. Gregoire VII. Paschal II. Alexan-  
 dre III. & autres, à qui Constantius,  
 Valentinian, Honorius, Theodoric, *Theodor.*  
 Theodora, Maurice, Charlemagne, *Contin.*  
 Lottaire I. Loys II. Oton I. Henri III. *Dam.*  
 & IIII. Federic I. & les autres Empe- *Platina.*  
 reurs ou leurs souuerains Magistrats, *Iohā.*  
 ont fait instruire les procès criminels, *Mai.*  
 Et les meilleurs & plus saincts de tous *crantts.*  
 ces Papes comme saint Gregoire, *Annon.*  
 Leon III. & IIII. leur ont demandé *Regin.*  
 humblement des iuges entiers & gēs *Sigeb.*  
 de bien, & se sont purgez deuant eux, *Auent.*  
 sans apporter de declinatoire: les au-  
 tres plus fascheux, & plus difficiles  
 ont esté rangés sous ceste sainte au-  
 torité par l'ordre, & les formes de iu-  
 stice. Depenser qu'on eust plus respec-  
 té leurs iniurieux decrets, redouté  
 la terreur de leurs foudres, ou plus  
 espargné leurs outrageuses bulles  
 que leurs personnes mesmes, seroit  
 auoir peu de discours & de raison,



# PHILIPPE I.

nous ferons voir en leur lieu ; comme elles ont esté traitées. Mais encore que les Princes attirant toute la discipline de l'Eglise , l'ayent tousiours fait recognoistre bien vigoureux aux Papes & à tous les autres grands Euesques, qu'ils en ayent fait baisser le sourcil aux plus orgueilleux , qu'ils la leur ayent fait admirer bien puissante, & bien entiere iusques en ses plus petites parties ; Je ne trouue rien ou ils l'ayent desployee plus ouuerte, n'y ou ils l'ayent plus tendue qu'és excōmunications. Ce glaiue de l'Eglise leur a esté tousiours suspect & comme a charge, ils ont cognu qu'en fin ils en receuroyent quelque atteinte & quelque playe : mais ils ont mal preueu que ce seroit la perte mortelle, & la ruine de l'Empire. Qui n'eust pensé de prime face que c'estoit la propre & pure iurisdiction de l'Eglise, qu'il n'appartenoit qu'aux Euesques & aux Prestres de manier, & traiter ces liens, d'vser de censures, & qu'on n'y deuoit rien regarder apres eux ?

Et toutesfois les Princes comme Euesques en l'Eglise, y tenans les premiers rangs d'honneur, & les plus hautes places, desireux de fermer la porte aux desordres qui pouuoient sortir de ce pouuoir si chatouilleux ont fait des meures ordonnances pour y regler & policer les Ecclesiastiques, ont prescrit l'ordre, la forme, & le tēps des excommunications, cassé celles qui leur ont semblé iniustes ou rigoureuses, & excommunié en fin eux mesmes les Euesques des premiers & plus grands sieges de l'Empire. Nous voyons dans le Code des loix de Theodose, Martian, & Valentinian *L. decree C. de sac. Eccles.* sur ce subiect. Mais Iustinian qui faisoit ordinairement gloire du soin continuel qui attachoit de si pres son esprit à la conduite des Eglises, surpassant aussi les autres Princes en ceste vigilance necessaire, garde de leurs estats, apres auoir sainement & prudemment ordonné toutes les particularitez qui pouuoient regarder les affaires si importantes, à fait reluire

# PHILIPPE I.

ses religieuses constitutiōs d'un double & admirable pouuoir. C'est d'excommunier & d'anathematiser tous ceux qui luy sembloient suiets à ceste peine, & d'ordonner & limiter aux deux plus hautes Eglises du monde la façon des excommunications. En deux de ses constitutions il foudroye toutes sortes d'heresies, mesmement celles dont son siecle estoit le plus in-

L. cognos  
cere l. cū  
recta l.  
nos reddē  
tes l. san-  
cimus C.  
de sum.  
Tritit.

fecté, comme de Nestorius, Eutiches, Apollinaris, & coupe & retranche viue-ment ces Hérésiarques de l'Eglise: en deux autres il commande premierement à l'Archeuesque de Constantinople, puis à Iean Pape de Rome d'excommunier les heretiques de l'empire qu'il auoit desia separez & mis hors de la société Chrestienne. Et le Pape recueillant les formes de ces excommunications avec vne infinité de paroies d'honneur & de respect, avec mille humbles remerciemens & submissiōs saintes, lasche ses excommunications selon la teneur, l'ordre & commandemēt des edits du Prin-



ce, n'ayant osé auparauāt s'auenturer de soy mesme à r'espandre ces censures si necessaires sur l'Empire. Apres lesquelles il supplie encores Iustinian d'auoir agreable qu'il restablisse & remette au seing de l'Eglise ceux qui reuiendront à vn meilleur entendement, reuocquez par la crainte, & la publicatiō des anathemes. Ce Prince fort soigneux & fort ardēt à redresser la discipline de l'Eglise toute faucee & ployee de tēt de coups redoublez, & des diuerses & furieuses tempestes de tant de schismes & d'heresies, sçauoit tres-bien comme il falloit manier & retenir les Euesques en l'vsage de ce pouuoir, ne leur permettoit pas d'employer ces peines mortelles à leur discretion: & lors qu'il leur en accordoit l'exercice c'estoit pour s'y comporter avec iugement & prudence, avec vne grande cognoissance de cause, & pour traiter ces admirables misteres d'un esprit repose, pur de toute corruption, franc & net de hayne & d'enuie. Que si on outrepas-



# PHILIPPE I.

*Nouvel.*

123.

soit en rien les iustes regles qu'il en auoit donnees, si le motif & la cause des césures n'estoit prouuee iuste, apparante, & descendre de l'ordre des saincts Decrets: il mandoit aux Iuges de l'Empire de casser ces excommunications comme iniques, desraisonnables & violentes, & enioignoit aux Archeuesques d'excommunier les Metropolitains, & aux Metropolitains les Euesques qui auoient mal versé en cest endroit, & abusé de ceste sainte & redoutable autorité Ecclesiastique. Ceste prudence fut cheremēt recueillie, diligemment & longuement entretenue par ses successeurs, comme nous voyons és fragmens & restes des Basiliques que l'iniure & la longueur du temps, & les barbares ennemis de la gloire Romaine nous ont laissé eschaper de leur enuié. Car par des constitutions pareilles à l'ordrebasty par Iustinian, les autres Empe-reurs reuoquerent seuerement les ex-communicatiōs iniustes, deffendirent de les ietter mal à propos, reprime-

rent la licence des Prelats par la severity des mesmes peines: & les nouvelles de quelques derniers Empereurs <sup>Nonuel.</sup>  
sont faictes pour mesmes reglemens. <sup>1. Const.</sup>  
Les Roys n'en sont pas encore de <sup>Porphir.</sup>  
meurez sur ces pas. Car voyant bien  
que pour la grande & ample iurisdiction des cinq premiers Archeuesques il n'y auroit presque que l'Eglise entiere qui les osast entamer de ce glaiue misterieux tant leur puissance s'estoit accruë: eux comme gardes de ces precieuses armes Ecclesiastiques, chefs & directeurs de la police en ont quelquefois frappé les plus hauts sieges, & Valentinian II. Theodoric, & Arcadius censurerent & mirent hors de la communion de l'Eglise <sup>Socrat. l.</sup>  
Sixte III. Symachus & S. Chrysostome Euesques des deux principales Eglises. Puis que les Princes se sont melez si auant des plus grandes, plus secretes, & plus sacrees affaires de l'Eglise, il est aisé à iuger sur ces proportions si certaines, comme sur les pas d'Hercule, quelle a esté leur autori-



## PHILIPIQUE I.

té en tout le reste. Je diray constâment ce mot qu'il n'y a eu rié en l'Eglise ou les Empereurs ne se soient employez, ny petite partie de la discipline qui ne rapporte quelque trait de leur soin, & de leur diligence. Car s'il faut parler du deuoir des Prelats, de la residence des fruits & reuenus Ecclesiastiques, de la pluralité des beneficés, de la symonie, de la vie du clergé & de ses mœurs, des bastimens des Eglises & de la cōsecration des Ecclesiastiques, des Diacres, des Moynes, des Religieuses, de leurs façons, de leur aage, de leur ordre, des formes & temps des sainctes assemblees ils en ont fait des ordonnances. En fin de toute la pieté & la police dont les saincts decrets des peres nous ont laissé quelque lumiere, on en verra des viues marques dans nos loix és Codes de Theodose & de Iustinian, és Nouvelles de Iustinian, de Leon & de tous les autres, & de bien claires & frequentes preuues dans toutes les histoires saintes. Ce que l'Eglise a tant loué en

eux, prenant ce labeur en bonne part, qu'en recompense elle les a esleuez des titres de tres-Chrestiens, tres-catholiques, & autres pareils dont la plus part de ces Princes ont fait plus d'estime que des triumphes les plus magnifiques, & plus superbes noms de gloire que leurs armées leur eussent peu acquerir. Nous auons veu la discipline de l'Eglise bien entiere en l'Empire, & l'Empire bien entier en elle, respandu iusques à ses plus petites branches, coulë iusques aux fueilles plus menuës & plus tandres. Elle estoit entee si auant dans l'Empire, & auoit ietté de si fortes & si profondes racines dans son sein, que cōme nourrie de son humeur & de sa substance, comme puissante & noble partie de l'Estat Romain elle sembloit deuoir faillir & mourir avec luy, souffrir alteration par la sienne, decliner & deschoir d'un pas esgal de ruine. Car tant qu'il luy est resté quelque sentiment de vie, elle l'a respiree communément avec luy resenty les mesmes attaintes

*In l. li.  
quet. C.  
de sum.  
Trinit.*

## PHILIPPE I.

de douleur, languy pitoyablement d'une maladie pareille, perdât sa vigueur & sa force à mesure qu'on la desroboit à l'autre, que d'une alliance fidele elle a accompagné iusques au tombeau, pour passer apres en l'estat que le deuil de ceste perte luy pouuoit permettre iusques dans la main de ses heritiers. Mais c'est chose estrange qu'en vne si grande dissolution de la grandeur Romaine la discipline Ecclesiastique bien que confuse dans vn mesme corps, comme esprise & animée de quelque force celeste, comme tenant quelque chose de plus diuin, n'a point senty l'extreme rigueur de ceste mauuaise fortune, & s'est sauuee seule de ce mortel naufrage. Car lors que l'intemperance, & la viellese maladies des Royaumes comme des hommes eurent acueilly & presque estainct l'Empire, on vid bien en sa plus grande foiblesse, au bord de sa fin, lors qu'il rendoit presque les derniers souspirs, quand il sembloit appeller à sa succession, & à partage tous les Prin-



ces, lors qu'il fut exposé au sac & au pillage à toutes nations, lors qu'il fut deschiré & demembré en tant de pieces, qu'il fut cassé & brisé en tant d'esclats que ceste discipline ployoit & se laissoit mollemét aller cōme blessée, languissante & malade par simpatie & contagion : qu'elle estoit toute esbranlée, chancelante, preste à donner en terre, & à se roidir comme luy d'une mesme froideur : Mais lors qu'il eut les yeux fermez d'un sommeil de mort, qu'il vint du tout à fondre d'une cheute effroyable, elle demeura ferme à ce choc violent, se trouua entiere sous sa ruine derniere, & se ralluma comme dans ses cendres. On vid soudain que les Empereurs d'Orient en ce qu'ils peurent retenir de la premiere splendeur de ceste maiesté Romaine conseruerēt inuiolees leurs prerogatiues en l'Eglise, ne retenant que ce courage de leur ancienne fortune, & le droict Oriental tout semé des constitutions de ceste grandeur, la faict voir claire cōme le iour. C'est

## PHILIPPE I.

la dernière chose que ces Princes perdirēt, qui ne s'estaignit qu'avec la forme & les dernières marques de l'Empire mesme. Et pour les autres, compagnons de ce partage : les Roys d'Italie, de France, les Empereurs d'Occident & tous les Roys de la Chrestienté succedās par le droict de leurs espees à ceste riche despouille, firent aussi tost reluire les enseignes hereditaires de ceste autorité religieuse dans les bornes de leurs conquestes : qui veritablement en ceste grande diuision, & dissipation de l'estat Romain resta viue & saine en toutes les pl<sup>re</sup> petites portions de ce demembrement, cōme le mouuement & la vie des Insectes reside en chasque piece separee, & suit esgalement chasque partie coupee. Voila dōc les Roys d'Italie, Gots & Lombards qui se parerent aussi tost de ceste discipline comme du plus riche & plus precieux ornement de la Monarchie. Dequoy les preuues sembleroient necessaires, si quelques vns des Papes encores tous couverts & tous

tous marquez des cicatrices que leur ont laissé les attaintes de ceste discipline Royale ne le monstroient assez apparamment : par ce que ces Roys les ont promeus, destituez, excommuniiez, & leur ont fait souffrir tout l'ordre entier de la police de l'Eglise. Pour les Princes des autres Royaumes ; Nos Roys comme les premiers fils de l'Empire, succedans au nom de tres-Chrestien, reconnus pour les enfans aînez de l'Eglise ont pl<sup>o</sup> soigneusement aussi retenu tous ces droits, & remôte plus haut l'honneur de ceste discipline, que l'Eglise Gallicane a tousjours auoué de pèdre heureusement de leur prudence. Car les paroles de respect du premier Cōcile d'Orleans, & les actiōs de graces rendues à Clouis du bon heur de l'assemblée des peres, la priere bien humble qu'on luy fit de confirmer les decrets & resolutions admirables de ce Synode monstrent assez que nos Roys estoient maistres, directeurs & tuteurs de tout l'ordre & police de l'Eglise. Mais les marques

2. *Tém.*  
*Concil.*



## PHILIPPE I.

de ceste autorité Royale esclairent  
encores plus vives & plus nettes au  
*Tom. 2.* premier Cōcile de Lyon, & au Cōci-  
*conc. c. 8.* le tenu à Poictiers sous Gōtrā pour le  
*Gre. Th.* iugement d'une Abbessse, ou les peres  
*l. 9. c. 41.* confessent dans la lettre sinodale que  
*42. & l.* la reformation de l'Eglise n'appartient  
*10. 2. 16.* qu'au Roy; Et au secōd de Lyon qu'à  
luy seul est deu l'honneur de conuo-  
quer l'Eglise Gallicane. Charlema-  
gne fist voir au clergé ceste dignité  
*3. Tom.* toute ouuerte, & toute desployee en  
*Concil.* ce grand synode appellé le Cōcile de  
France, ou il ordonna que deux fois  
l'an la Religion Chrestienne seroit  
nettoyee & repurgee en sa presence;  
ses loix capitulaires sont toutes plai-  
nes de ceste pieté, & le Pape Adrian  
I. n'es'adressa qu'à luy pour la corre-  
ction des Euesques, & la purité des  
Eglises. Pour ceste occasion les Con-  
ciles d'Aix tenus sous son fils Debon-  
naire logent tout le soin de la police  
Ecclesiastique dans l'ame du Prin-  
ce, & les peres y forment & façon-  
nent le Roy és vertus qu'il le doiuent

accompagner au gouvernement des Eglises. Charge certes que nos Roys tenoient si chere, si precieuse, & si estroitement reserree en leur main que Cap. 27.  
 par les decrets du Concile de Meaux les Euesques proposent de prier humblement Loys le Jeune de vouloir lasser vn peu d'auantage les resnes de la discipline, & de dōner plus de liberte & d'haleine aux pasteurs pour la conduite & le ministere des Eglises. Mais ceste authorite ne doit pas aussi estre restrainte & arrestee à la seule personnes des Roys. Car occupez es autres affaires ils s'en deschargēt sur l'hōneur & la conscience des Magistrats de leur royaume, cōme sur l'vne des colonnes d'estat, purs rayons du soleil de leur maiesté, qui ont le soucy de faire entretenir les decrets des peres, tenir droicte la pointe de la discipline, la faire rouler d'vn cours vigoureux & egal; & n'en importunēt les Roys qu'aux occasions plus pressantes & plus grandes. Nous en recognoissons encores des traces ap-

## PHILIPPE I.

2. Tom.  
Concil.

parantes & infaillibles dans le troisieme Concile d'Orleans, où les peres menacent d'anatheme les iuges du Roy qui contraindront les subiects à suiure sa Religion ores qu'elle soit Catholique: Qui monstre que la Religion ne doit iamais estre forcee. Et au Concile de Dreux Charlemaigne amena avec luy les Côtes qui estoient les Magistrats pour procéder à la reformatiô de l'Eglise. En quoy s'il reste encores quelque obscurité ou quelque ombrage, il est aisé de l'esclairer par la lumiere de ce mesme troisieme Concile d'Orleans, & du premier de Lyon. En l'un desquels la cognoissance des fautes de la Religion est toute liée au bras des Magistrats: en l'autre ils sont declarez iuges naturels des causes ecclesiastiques: Et la France en cet endroict a beaucoup receu de preuues de leur vertu, & de leur integrité sous l'autorité & la deuotieuse prudence de nos Roys, qui se sont tousiours delectez en l'occupation religieuse des choses saintes. C'est aussi

Cap. 7.  
Tom. 2.  
Concil.



pour leur pieté, & l'honneur du man-  
 niement des affaires de l'Eglise que  
 S. Gregoire les louë si hautement, *Epist. 53.*  
 qu'il les esleue & range par dessus *54. 55.*  
 tous les autres ; & trouue si iuste *56. 57.*  
 le soin qu'ils apportoint à la conduit- *64. l. 9.*  
 te des Eglises, qui par cinq ou six let- *Indic. 4.*  
 tres plaines d'affection il les prie de *Epist. 113. 114*  
 ne se lasser point en ceste honorable *lib. 7. In-*  
 & religieux exercice. Aussi les peres *dict. 2.*  
 du Siege Romain qui se rencontre-  
 rent sous l'Empire de Charlemaigne,  
 comme ils virent l'Eglise fort desre- *Ep. A-*  
 glee, & fort descheuë ne s'adresserent *drien. act*  
 iamais qu'à luy pour y replâter l'hon- *Carol.*  
 neur de la discipline. Et Boniface Ar- *Tom. 3.*  
 cheuesque de Mayance Legat Ro- *Conc. l.*  
 main confessa en la lettre qu'il escriuit  
 à Daniel qui ne pouuoit rien re-  
 muër en l'Eglise, non pas coriger vn  
 simple prestre, ou amander vne petite  
 Religieuse sans l'autorité & la main  
 des Princes François. A sa priere, ou  
 plustost importunité violente Charle-  
 magne & Carloman son frere com-  
 manderent par Edict publica toutes

## PHILIPPE I.

*Auenti.* les Eglises de se reduire en ordre, &  
*3. Anna* d'embrasser la reformation sous les  
*0107.* regles de la police romaine, & la di-  
 rection du Commissaire du S. Siege.  
 De la seule deuotion de nos ROYS  
 au gouuernement des Eglises. Inno-  
 cent III. prend subiect de louer leurs  
 merites & d'honorer leurs belles a-  
 ctions: & tranche ce mot avec beau-  
 coup d'assurance que rien ne les rēd  
 plus grands, plus glorieux, ny plus ad-  
 mirables que les puissans droicts &  
 hautes prerogatiues qu'ils obtien-  
 nent si iustement en l'Eglise. L'usage  
 a faict voir en tout temps à la France  
 la verité de ceste grandeur, que les  
 papes ne pouuoient ombrager, ny ob-  
 scurcir tant soit peu sans effacer beau-  
 coup de la leur. Car les histoires estrā-  
 geres, comme les nostres, rendent vn  
 perpetuel tesmoignage de la pieté de  
 nos ROYS, & de leur continuelle vigi-  
 lance à l'entretenement de l'Eglise  
 Gallicane. Que si ces preuues sem-  
 blent trop foibles: les superbes & ma-  
 gnifiques bastimens de tant de tem-

ples, les riches dotations de tant d'Eueschez, les opulantes fondations de tant de riches Abbayes, l'ordre sacré des Conciles qu'ils ont assemblez, la iuste monstre de tant de iugemés celebres qu'ils ont fait rendre pour la correction des Prelats, la reformation de tout le Clergé, la repugnation de toutes les Eglises, la iustice & la religion de leurs saintes ordonnances, & le tesmoignage que tant de peres ont laissé de leurs vertus & de leur soing pieux & deuotieux, sont autant d'eternels monumens de leur gloire, que ceste enuie estrangere & gothique ne pourra iamais effacer, ny tenir. Sur tout nos roys ont toujours mis peine à tenir la discipline haute, droite, non ployee, & à la faire ressentir en sa naturelle vertu tant aux subiects qu'aux papes mesmes s'ils se sont auancez mal à propos sur les droicts du royaume, & les libertez de leur Eglise. Cela garda les Papes d'entamer que bien peu la France durant la vigueur de la premiere race. Toutes-



# PHILIPPE I.

fois Charlemagne bien qu'occupé d'ordinaire, & employé tout entier à la reformatiō des Eglises, ne print pas garde qu'en fauorifant trop l'Eglise Romaine il affoiblissoit la nostre, & donnoit de mauuaises entrees sur son Estat. Et son fils Debonnaire n'estant pas assez ferme sur l'obeyffance, ne bandant pas assez les loix ciuiles & le Magistrat, comme il laisse couler & pendre trop mollement ce costé de bride pour vacquer à vne fort exacte correction du clergé & du Pape mesme, se trouua ingrattement reconnu du deuoir de ses Chrestiennes intentions. Mais Charles le Chauue deuenu fort prudent par le dommage de son pere, recognoissant la dure teste de son Clergé apporta tous les reme-  
des necessaires pour le ployer à son deuoir, pour rompre les pratiques qu'il auoit faiçtes avec les Romains contre la dignité du Royaume, & la grandeur des Eglises mesmes; & en vint heureusement à bout. Il remit sur les pieds les anciens decrets abbatus,

les appuya de la force de ses ordonnances, les fit exactement garder en tout son estat, redressa viurement tous les ordres de l'Eglise que la richesse & les guerres auoient desbauchés, fit retracter seuerement les iniustes iugemens des Euesques, casser les abus des Papes, enuoya des rudes lettres à Adrian II. quand il se plaignit que son Magistrat poliçast l'Eglise, & contint si estroitement tous les Euesques dans les bornes de son obeissance, que de crainte que les Papes ne cōtinuassent à les gagner pour les poincter apres contre les droicts de France, il ne leur *Epi. Hinc* permist iamais l'issue du Royaume li-*mar. Re-*bre pour aller à Rome sans son con-*mens. ad*gé. I'en pourroy dire autant du soing *Adrian.* de nos autres Roys; entre lesquels S.<sup>2.</sup> Loys se monstra si amateur de la purité de l'Eglise qu'il nous a laissé des ordonnances bien saintes & bien hardies pour la regler. Il ne flatta pas les Papes qui oserēt toucher à son Estat, car par trois Edicts publiez en l'année 1268. il defendit courageuse-

## PHILIPPE I.

ment, & en ces termes, Les rapines & oppressions de la Cour Romaine; Et ne voulut iamais permettre que les Papes establissent, ou changeassent quelque chose en l'Eglise de France sans sa volonté. Ainsi philippes le Bel, & Charles VI. les combati-rét de la vigueur de leurs Magistrats, qui traitterent leurs abus selon la dignité des François, & la peine deuë aux temeritez Romaines, Les cours souueraines de France furent saisies & armées de ceste eternelle autorité par ordonnance expresse de Charles V. & de Charles VII. & les Articles presentez à Philippes de Valois par sa Cour de Parlement n'estoient chargez que de la reformation des licēces, desbordemens, & entreprinſes que Rome auoit desgorgé sur cest Estat, pour en inonder & noyer pour iamais la grandeur & les franchises. En fin ç'a esté tousiours l'honneur de nos Roys, & la fidelité de leurs Officiers qui embrassants constamment toute la discipline de l'Eglise, se sont principalement



roidis contre ces violences si dangereuses, dequoy nos Ordonnances, & les Registres de toutes les iustices de Frâce font pleine & suffisante preuue. Mais pour le plus haut poinct de la discipline, qui semble consister és iugemens des personnes, ecclesiastiques, il a esté tousiours estimé si iuste & si naturel en la main de nos Roys, & des Officiers qui sous leurs noms sacrez exercent la iustice que S. Gregoire recognoissant bien que c'estoit vn droit de la Maiesté du Royaume, pria nos Roys par vne de ses lettres de faire vuidier le procès de l'Euesque Vrcinius. Les Papes Leon III. & Paschal *Annon.*  
I. confessant publiquement ceste an- *4. cap. 90*  
cienne iurisdiction, l'aduouant aussi *¶ III.*  
saincte & entiere, que legitime & necessaire la demanderent humblemēt, l'esprouuerent d'une constance innocente pour le iugement de leurs personnes mesmes, & Gratian faict lui-  
re son Decret des rais de ceste Chrestienne obeissance rendue par Leon  
III. à nostre magistrat. Pouuoir sacré

Cap. 7.

qui ne descend pas seulement de l'ordre, & de la force des loix ciuiles du Royaume. Car le premier Concile de Lyon tenu sous Gontran confirma de la saincteté de ses Decrets ceste vertu essentielle des Iuges Royaux sur les personnes ecclesiastiques, & au Cōcile de Reims assemblé par le Roy Hue Capet apres beaucoup de discours les Peres furent longuement à se refoudre s'ils mettroient l'Archeuesque Arnolphe en la main des Iuges laiz, ou s'ils deuoient premierement instruire le procez eux mesmes. Qui ne sont que les mesmes droicts que tout l'Eglise a tousiours recogneus sacrez, & inuiolables en la personne des Empe- reurs Romains, à l'Estat delquels nos Roys & les autres Princes ont succédé par leur valeur. Que si nos Roys ont quelquefois lasché ceste cognoissance aux Euesques assemblez en plain

Gre. Tur.

lib. 9. ca.

4. & li.

10. ca. 15

Concile, ils en ont esté tousiours les promoteurs & les directeurs, on n'y a procedé que sur leurs delegatiōs, bien souuent avec l'assistance du magistrat,

fous les lettres & l'autorité de leurs  
 Maïestez, qui en peuuent departir &  
 attribuer le iugement comme il sem-  
 ble à leur prudence. Par ce soing reli-  
 gieux Childebert fit deposer beau-  
 coup d'Euesques: Les procès de Sa-  
 phoracus & d'Ægide Archeuesque *Gre. Tur. lib. 10. cap. 19.*  
 de Reims ne furēt faits que sur ses let-  
 tres patentes, Gontran fit procéder *Turon. li. 5. ca. 20. c. 18. & 47.*  
 contre Salonius & Sagitaire, Chilpe-  
 ric cōtre Pretextatus Archeuesque de  
 Rouen & contre Gregoire de Tours,  
 Theodoric fit reformer l'euesque Leo-  
 degarius, Et Charlemagne nettoyant  
 tous les ordres de l'Eglise les releua  
 rudemēt quand ils choperent, & n'e-  
 pargna pas Anastase Legat du Pape *Epif. A- drian. 1. ad. carol. tom. 3. concil, Sigebert. Ann. t. 4. cap. 105. & 106.*  
 Adrian I. qu'il fit estroittement em-  
 prisonner. A l'exemple de laquelle  
 vertu paternelle Loys Debonnaire fit  
 feueremēt chastier tous les euesques  
 de la conspiration de Bernard Roy  
 d'Italie, Le Roy Hue Capet pour cri-  
 me de trahison fit condamner Arnol-  
 phe Archeuesque de Reims, & Phi-  
 lippes Auguste destitua tous les Eues-



# PHILIPPE I.

ques qui auoient fauorisé le Pape cō-  
tre son seruice. Pourquoy ne l'eussent  
ils pas faiët, puis qu'en l'Empire de  
toutes ces trois sainctes lignedes la  
plus-part des Euesques nereceuoient  
leurs dignitez que de la main des

*Gre.Tur.* ROYS? Car Omarus, Theodore, pro-  
*li.3.c.17* culus, & tous les autres Archeuesques  
*lib.6.cap* de Tours furēt instituez par eux. Gal-  
39. lus & Sulpice furent creez Euesques

d'Auuergne & de Bourges par Gon-  
*Tur.lib.3* tran, Quintian fut promeu par Theo-  
*cap.2.&* doric, Domnulus fut faiët Euesque du  
*lib.6.c.9* Mans par Clotaire, & ceste religieuse  
autorité fut consacree au sceptre de

*Cap.A-* Charlemagne en plain Concile ro-  
*drian.63* main sous Adrian I. pour les proui-  
*dist.* sions de toutes les Eueschez de son  
Estat, & du siege Romain mesme. Sur

*Regin.l.2* ces droiëts Loys Debonnaire donna  
l'Euesché de Mets à Drogon, Charles  
le Chauue l'Archeuesché de Sens à  
Vvenilon, & Hue Capet l'Archeues-  
ché de Reims à Gerbert. Prerogati-  
ue saincte que nos Conciles ont touf-  
iours confirmée à nos Princes. Car le

cinquiesme Concile d'Orleans veut  
que les promotions des Euesques viē-<sup>Tom. 2.</sup>  
nent de la volonté du roi, Le Conci-<sup>Concil.</sup>  
le de Soissons declare qu'au roy ap-  
partient de pourvoir aux Eueschez,  
Et en celuy de Paris tenu sous le De-<sup>Tom. 3.</sup>  
bonnaire les peres supplient ce Prin-<sup>Concil.</sup>  
ce d'apporter tout le soing qu'il pour-  
ra es prouisions de ces dignitez sa-  
crees. La promesse qui m'engage ail-  
leurs à ce discours me garde de pas-  
ser plus auant, & me faict tourner la  
veuë vers les Princes des autres roy-  
aumes. Car la mauuaise foy de ceux  
qui portent tant d'enuie à l'honneur  
du Magistrat, & qui doutēt des choses  
les plus claires pour euitier les traictés  
de la iustice ciuile me contraint de  
m'eschaper icy, & de courir legere-  
ment les Estats estrangers pour y mō-  
strer la force de la Discipline Eccle-  
siastique placee dans le sein, & la poi-  
trine des Roys. Qui ne sçait point que  
Charlemagne replantant l'honneur  
de l'empire en Occidēt, l'establit avec  
le mesme visage, la mesme vigueur,

# PHILIPPE I.

les mesmes qualitez & facultez naturelles de l'ancien Empire, & avec la premiere & ancienne autorité de la police de l'Eglise qu'il y fit heureusement florir ? l'appelle à tefmoin ses Conciles, ses loix, l'autorité des peres de son siecle, la conscience des papes mesmes, & toutes ses religieuses actions qui d'une eternelle lumiere ont viuement esclairé les ames des autres Princes successeurs de l'Estat Alemand, pour suiure genereusement ses pas d'honneur. Et eux heritiers de sa vertu comme de l'Empire, ont mille fois mieux aimé mettre leurs couronnes en hazard, que d'y laisser effacer le moindre trait de l'honneur de la discipline, & des preeminances de l'Eglise. Tel a esté le courage du Debonnaire, d'Arnolphe, de Loys II. Otton I. Henry III. IIII. V & Federic I. qui ont sainctement nettoyé l'Eglise, & corrigé les Papes de leur aages quand ils en ont donné subiect: & c'estoit la resolution constante qu'en auoit plantee en son ame Federic II comme.

*Anent in.*

*l. 4. 6. &*

*7. Anna.*

*Boior.*



comme dit son Chancelier, fil n'en eust esté tant destourné par les tra-  
 uerses, & la violence insuportable de quelque vns de ces Romains, qui  
 craignoient de receuoir les premiers coups de ceste dicipline renouuelee,  
 raguissee, & remoulee. Aussi de tous les Euesques, & de toutes les Eglises  
 il n'y en a que les seuls Papés qui leur ayent fait controuerse. Tous les peres  
 de l'Empire recogneurent librement à Arnulphe dans le Concile de Tri-  
 bur, que l'Eglise estoit subiette à la re-  
 formation du Prince, & attendoit le bon heur de sa conduite de sa vigi-  
 lance? Et au Concile de Paue Loys II. se fit rendre vn compte tresexacte  
 des mœurs & de la vie des ecclesi-  
 stiques. C'a esté tousiours la vertu de tous les autres Roys. Car les Princes  
 Vandales qui cōmanderent en Affri-  
 que bien qu'ils fussent Arriens cōme  
 Genferic, tendirét tous les nerfs de la  
 discipline, s'en firét recognoistre mo-  
 derateurs par toutes les Eglises Ca-  
 tholiques, & se donnerent sans cōtra-

*Petr. de  
vine. li. 1.  
cap. 2.*

*Tom. 3.  
Concil.*

*Vit. d'or.  
Vricens.  
de per-  
seq. nā-  
dal.*

# PHILIPPE I.

diction ny resistance tous les mesmes  
 droicts que fouloient obtenir les Em-  
 pereurs Romains en l'Eglise. Pour les  
 Roys d'Espagne, Sizebut corrigea en  
 vn Concil l'erreur des Acephales,  
 repurgea & nettoya l'Eglise au Con-  
 cile de Seville: & les autres Princes  
 To 2. & de sa nation firent ordōner aux Con-  
 3. Concil. ciles de Tolde, de Valēce, & de Bra-  
 care d'aussi belles loix que nous en  
 ayons en tout l'estat, & la police de  
 l'Eglise. Qui verra les actes de tous  
 ces Concils ne rendra l'honneur de  
 ces sages, & religieuses constitutions  
 qu'auſoing & à la prudence des Roys  
 Gots. Retournons aux Princes d'A-  
 lemagne autres que les Empereurs;  
 car ceux là pluſtoſt que de quitter  
 les anciens droicts de leurs maisons,  
 & ſe despartir tant ſoit peu des iu-  
 ſtes prerogatiues qui leur eſtoient  
 deuës en l'Eglise, les ont ſouſtenuës  
 par tant de longues guerres, & de ſan-  
 glants combats, qu'il y en a tel à qui  
 les Papes ont faiēt donner ſoixante  
 ſix batailles pour les deſmordre. Mais

pour les autres ; ceux de Boheme di-  
 rôt qu'ils ont voulu reformer le Pape  
 mesme, cōme Alexādre III. & les Ma- *Auent.*  
 gistrats de Bauiere se vāteront d'auoir *7. An-*  
 fait esprouuer la vertu de leurs digni- *nal.*  
 tēz au Cardinal Albert qu'ils chasse- *Boier.*  
 rent honteusement, parcequ'il remuoit  
 quelque chose mal à propos en l'E-  
 glise. Sur ceste assurance de l'apuy *Ibid.*  
 du Magistrat, les peres du Concile de  
 Iuuauie, ou Salts-bourg respondirēt  
 d'une liberté genereuse aux Legats  
 de Nicollas III. qu'on ne pouuoit riē  
 ordonner en l'Eglise sans l'autorité  
 des Princes. I'en pourroy dire autāt *Craniz*  
 du Dannemark ou le Roy Henry re- *in Dani.*  
 forma soigneusement les Eglises, chas- *lib. 7. ca.*  
 sa les abus qui s'y estoient coulez, cha- *25.*  
 stia seuerement les Euesques qui sou-  
 bloient en leur deuoir, & comman-  
 da de mettre prisonnier l'Euesque de  
 Londe; Et en Hongrie, le Roy Ladis-  
 las faisant vigoureusement fleurir la  
 discipline estouffa des dangereux re-  
 muēments qui alloient esbranler son  
 Estat, ordonna de faire le proces à



## PHILIPIQUE I.

des euesques qui en estoient les auteurs, & fit serrer en vne prison bien estroite Philipius Firmianus. Si nous regardons l'Angleterre nous trouuerons que les Roys n'ont iamais laissé flestrir ceste dignité sacree, qu'ils se sont merueilleusement pleu au gouvernement des eglises, qu'Osuius & Egfredus assayent d'apointer la contention des Anglois & escossois pour la Pasque, & contiennent tous les peres en la purité de la Religion, & des mœurs sous le iuste respect de leurs sceptres. Mais pour l'observation de la dicipline, tant s'en faut que les ecclesiastiques du Royaume l'ayent iamais querellee ou debatue au Magistrat, qu'aucontraire l'Eglise Anglica ne assenblee au Concile de Clery conclud d'un eternal arrest que sa saincte police estoit toute attachee à la Majesté royale, qu'aux Officiers du Prince appartenoit la reformation, & que les gens d'Eglise qui pecheroient politiquement seroient punis par le

*Mathæus*  
*Paris.* Magistrat ciuil. Philippes d'ebroyc

Chanoine de Bethford ressentit bien  
 tost apres la vigueur de ce decret. On  
 passa plus auant au Concile tenu à  
 Londres; car estendât l'authorité des  
 Officiers Royaux iusques aux plus pe-  
 tites affaires, on voulut que ceux du *Polidor.*  
 clergé qui auroient seulement chassé *Virgil:*  
 au cerf dans les forests du Roy fussent *lib. 14.*  
 punis par la iustice ordinaire; Et l'Or-  
 donnance de Henry I. commāda aux  
 Magistrats d'Ængleterre d'informer *Matæw.*  
 indifferamment de toutes choses cō- *Parise*  
 tre les Ecclesiastiques. Bien que ceste  
 isle se soit autrefois beaucoup ployee  
 sous la violence Romaine au temps  
 de Iouan sans Terre, si est-ce que les  
 Roys y ont quelquefois bien tanduë  
 la dicipline cōtre les Papes mesmes,  
 & leur ont faict viuement teste de  
 l'authorité du Magistrat. C'est où le *Pantaleo.*  
 Cardinal Otton enuoyé par Hono-  
 rius rencontra tant de resistance; le  
 Parlement d'Angleterre par araest de *Balæus*  
 l'an 1246. enioignit aux subiects de *cent. 4.*  
 resister fermement aux entreprin- *cap. 6. in.*  
 ses Romaines, d'en repousser biē loin les *apendie.*

# PHILIPPE I.

oppreffions; & ordonna qu'on en ef-  
 criroit aigremēt au Pape Je me con-  
 tenteray pour l'Efcoffe d'une authori-  
 té feul qui en vaut mille. C'eft que  
 tous les Eueſques du Royaume affis  
 en plain Concile ſouſtaindrēt à la bar-  
 be du Cardinal Hugues Legat du Pa-  
 pe que les Eccleſiaſtiques du Royau-  
 me eſtoient ſubieſts à la correction  
 du Roy, & que la reformation de l'E-  
 glife ne dependoit que de ſa pruden-  
 ce. Mais le Magiſtrat ſi attentif, & ſi  
 affidu à l'entretienement de la police  
 de l'Eglife, ſi ſoigneux de la faire touſ-  
 iours rouller en ſa force, & de la faire  
 ainſi durer en ſa beauté, & nette & na-  
 turelle ſ'eſt-il icy negligé? a-il deſdai-  
 gné ceſte partie de la diſcipline qui  
 regardoit la conſervation des Empi-  
 res? ne ſ'eſt-il point reſſenty pour  
 les excommunications, interdicts, &  
 autres artifices Romains teudus ſans  
 ceſſe contre le repos des peuples &  
 l'aſſeurancé des Royaumes; pointez  
 malicieuſement à la ſubuerſion des  
 Eſtats de tous les Princes Chreſtiés.

Boet. lib.

43.



s'est il icy tenu les bras croisez ? a-il peu s'endormir à des alarmes si mortelles ? Tout le reste de la discipline ne les touchoit en rien au pris des excommunications. C'est icy qu'il deuoit bander tous les nerfs de son autorité comme contre le plus fort instrument de la ruine des Royaumes. Par là Gregoire nous pensoit asseruir à la tyrannie Espagnolle, attiré des mauuais exemples de quelques vns de ces predecesseurs qui ôt assaillly & entamé par ceste superstition presque toutes les prouinces dumonde, & surmôté les moins courageules afin d'entrer en partage avec les Rois des despoüilles de l'ancien Empire, & leur arracher en fin par le glaiue de l'Eglise toute la part que leurs braues armes leur pouuoient auoir faicte de ceste riche conqueste. Il faut bié que les Roys prennent icy soigneusement garde à leurs estats, qu'ils destournēt le cours de ces ambitieuses excōmunications, & apportent de forts antidotes à ce venin le plus subtil, le plus.

# PHILIPPE I.

actif, & le plus ennemy de leurs sce-  
ptres, fermant viuement la porte à ce  
vent pestilent austral qui peut si mor-  
tellemēt infecter les ames des suieçts.  
Certes ceste partie de l'authotité de  
l'Eglise plus dangereuse comme plus  
grande & plus puissante, ceste espee  
rouge du sang de tant de peuples de-  
uoit bien aussi à tirer d'auantage du  
soin & de l'œil du Magistrat; ou si el-  
le en estoit franche il vaudroit autant  
estre Prestre que Roy; Les Papes ega-  
leroient bien tost la grandeur de l'an-  
cien Empire, rendoient en fin à Ro-  
me le Royaume de tout le monde;  
& vn Euesque pouroit deuenir plus  
puissant que son Roy. Pourquoi le  
pouuoir de l'un ne se rendroit-il pas  
plus fort que de l'autre? l'Empire des  
esperits si ne estoit bien limité, & en-  
fermé dans ses termes legitimes, cō-  
me plus noble, plus pressant, plus ar-  
mé, & plus redoutable deuiendroit  
en fin si vigoureux qu'il rongeroit, &  
mineroit peu à peu le sceptre le plus  
grand & le plus fort, & apres l'auoir  
assez

assez esbranlé l'emporteroit à la première secousse. Personne ne peut mieux ny plus certainement répondre de ceste vérité si claire que les Papes; Ils ne sont sautez que par là, à ce haut feste de grandeur, sont esté les vents de leur ambition, les eschelons, & les degez de leur Empire, & les fortes aisles qui les ont ainsi esleuez à perte de veuë. Quoy? les ecclesiastiques d'un Royaume commanderoiēt donc absolument aux ames, graue-roient aux cœurs telles impressions qu'ils voudroient, perscriroient des loix à leur plaisir, violenteroient les consciences des subiects par la force & les estraintes de la parole de Dieu qu'ils ployeroient à leur volonté, enchaîneroient les peuple à leur discretion des plus seueres & plus rudes liens de la Religion, leur tiendroient sans fin le couteau de l'Eglise sur la gorge, les assaudroient de tous les traicts de leur autorité, les force-roient de craintes & terreurs mortelles, les estoufferoient de leurs fumées,



## PHILIPPE I.

les accableroient dupoix des plus  
cruelle excomuications, & le Ma-  
gistrat ne les secourroit pas icy , ne  
prendroit pas soigneusement garde à  
l'vsage dangereux de si redoutables  
armes, n'en amenderoit pas les abus,  
n'en deffendrait pas le Royaume, &  
n'en destourneroit pas le mal qui en  
couleroit sur luy mesme ? Ceux qui  
voudroient peruertir l'exercice sacré  
des misteres de nostre Religion, qui  
sous lenon & respect de la puissan-  
ce del'Eglise voudroient auancer les  
desseins de leur ambition, tous les pé-  
sionnaires de Rome & d'Espagne au-  
roient donc tousiours des supplices  
presents en main pour gehesner les es-  
prits, & les tourner ou ils voudroient;  
ils porteroient aux yeux des hommes  
la mort, & l'enfer à chasque bout de  
champ, & le Magistrat ne veilleroit  
pas sur ce glaiue si trenchant, si dan-  
gereux, & si mortel; ne prendroit pas  
garde que la pointe n'en tournast cō-  
tre luy, ne renuerast l'Estat, & ne per-  
dist le Royaume ? Il n'est point de plus

fort moien pour dompter les Prouinces plus superbes que l'excommunication. Quand on a gaigné les esperits il est bien aisé de surmonter les corps, la liaison en est trop grande pour euitter ceste societé de fortune. L'un sert d'irrectable preiugé sur l'autre, le lie & l'engage bien auant, comme ne pouuant consister sans luy; la suite en est trop necessaire. Qui par la force des anathemes aura fondé sa tyrannie dans les entendemens des peuples, qui par ces impressions horribles aura vaincu leurs esperits, triompherabié tost des hommes tous entiers, les mennera d'une mesme cordelle, sous l'effort d'un mesme neud, & d'une mesme estrainte; le corps suiura la condition comme le iugemēt de l'ame. Car si la peine des corps, la terreur de la mort temporelle contient les subiects dās les regles de leur deuoir, si c'est la pure force du Magistrat en vn Royau- me: si l'effroi des armes, l'espouuentable bruit d'un canon, les autres violences de la guerre, la douleur d'une

# PHILIPPOVE I.

playe, la peur de la perte de la vie gagnent les villes & assubietissent les peuples aux nouveaux cōquerās, aux plus insolens & plus superbes tyrans: La mort eternelle des ames, & l'estōnement d'un horrible & perpetuel supplice où les esprits doiuent vn iour enueloper les corps dās leur ruine ne serōt-ils point de quelque effect? n'asserviront-ils pas bien tost les plus libres Prouinces? ne perdront-ils pas les plus florissans Royaumes? ne surmonteront-ils pas les plus puissans estats par la crainte d'un plus grand mal, & l'apprehension d'un double dommage? par là les Ecclesiastiques d'un Royaumes ne se rendroiet-ils pas aussi forts & aussi redoutables que les Roys? L'euénement & le succez ont assez prouué ceste proposition cōcluë à la ruine de tous les Royaumes: sur laquelle les Papes bastissant le plus haut dessein de leur grandeur, n'ont point desployé d'autres armes pour la conqueste des terres qu'ils ont enuahy sur les Princes. C'a esté leur plus



grande force, la batterie qui a tant  
faict de bresche aux Estats les plus en-  
tiers, & les mieux remparez? & le vio-  
lent orage qui a esbranlé toutes les  
Couronnes du monde, sans qu'une seu-  
le se soit peu garentir du feu, du vent,  
ou du hasle de ces tonnerres Romains.  
Ces meurtres spirituels, & les abus des  
reglez de ceste espee Euangelique ont  
ainsi enrichi Rome du mal-heur des  
Roys. Il falloit d'oc bien non seulement  
par l'honneur des sceptres, & par la pie-  
té Chrestienne qui donnent aux Prin-  
ces tant d'autorité en l'Eglise, mais  
encores par les raisons pressantes du  
salut de leurs Estats qu'ils eussent icy  
l'esperit plus ouuert qu'ailleurs, qu'ils  
ne fermassent iamais les yeux sur ce-  
ste partie de la discipline, qu'ils tin-  
sent tousiours icy le Magistrat en a-  
ction. Tout le reste de la discipline Ec-  
clesiastique estoit de leur volonté, &  
de leur deuotion? icy la Religion & la  
necessité s'accouplioient, & se ioignoient  
pour les obliger, & les forcer de s'en-  
meler. Ils s'en sont aussi vigoureuse-

## PHILIPPE I.

inent remuez les vn par discours, les  
 autres esueille, par la flame des mai-  
 sons voisines, quelques vns piquez  
 de leur mal propre. Car les Princes  
 Grecs dās les restes de l'Empire poin-  
 terent genereusement le Magistrat  
 contre les iniustes excommunications?  
 & Nicephore & Michel Paleologue  
 firent casser par le Senat les anathe-  
 mes des Patriarches Polieuctus & Ar-  
 cennius qu'ils enuoyèrent en exil, cō-  
 me auoit faict auparauant Anastase  
 l'Archesque Euphemius qui auoit ou-  
 uert ce pas de ruine contre luy. No-  
 stre France ou la police Ecclesiasti-  
 que a esté tousiours toute entiere en  
 la tutelle des Roys, & des Magistrats,  
 n'a pas icy retiré l'œil de dessus l'Egli-  
 se, & l'acurieusement obseruee en l'v-  
 sage & l'exercice de l'excomunicatiō.  
 Car Charlemagne renouuellant les  
 anciennes loix de la sagesse Romaine  
 deffendit d'employer les cēsures que  
 pour iuste cause, bien claire & bien  
 prouuee en limita les cas, les temps  
 & les occasions, fit declarer nul tout

*Zonar.*

*Nicepho.*

*Gregor.*



ce qui y auoit esté entrepris sans l'ordre & les considerations apportees par la prudence, brida estroictement ceste puissance dangereuse par des mords tres-fermes, & la referra dans des seueres limites, cōme nous voyōs dans ses Cōciles, dās le recueil d'Ancegise, & dans les liures de Benoit Diacre de Mayance. Mais le pouuoir du Magistrat en ces affaires est fort exprimé par le Cōcile d'Aix la Chapelle commandé par le Debonnaire, qui porte qu'on se plaindra au roy des excōmunications iniustes, decernees sans subiect, sans forme & sans raison: 3. *Tom.*  
 A quoy s'accordēt les edicts de Char- *Concil.*  
 les V. & Charles VII. qui enioignent aux cōpagnies souueraines d'empescher & arrester le cours de ces violentes vexations: Et l'ordonnance de Henry II. leur coupant chemin bien auant en interdit l'vsage qu'en scandale public, & occurrence fort necessaire, Sur ce droit & ce pouuoir tant confirmé les iustices de France ont tousiours cogneu des excommu-




# PHILIPPE I.

nications de quelque part qu'on les  
 ait attirées sur les subiects du Roy, les  
 ont sainctement reprimées & rembar-  
 rees, & ont vertueusement fait teste  
 à tous ces traits venimeux que les for-  
 ges Romaines ont iamais lasché sur  
 le Royaume. Charles le Chauue fit  
 genereusement rabbatre ces audaces  
 estrâgeres, & estâcher le croissant des-  
 bordement de ces fureurs qui auoyêt  
 commencé à se desgorger sur son Estat  
 des le temps du Debonnaire. Il con-  
 tint les Euesques de France mesmes  
 dans les termes des saincts Decrets,  
 releua haut les droicts, & priuileges  
 du Royaume, garda son peuple de ces  
 oppressions, & fit casser les excom-  
 munications iettées contre Norma-  
 nus par Hincmarus Euesque de Laon  
 partisan déclaré d'Adrian II. On ma-  
 bien rudement les Papes mesmes en  
 la correction de ces entreprinſes au  
 temps de Philippes le Bel & Charles  
 V. & les liures des affaires du temps  
 escripts du regne de Charles V. nous  
 ont laissé la memoire des plaintes  
 qu'on

*Epi. Hinc*  
*mar. Re*  
*mens. ad*  
*Adri. 2.*  
*Et adhinc*  
*mar. lan-*  
*dun.*

*Somm. v*  
*id.*



qu'on faisoit au Magistrat de tant de folles censures, qui pour les obligations des plus petits cōtraicts, d'un flus perpetuel roulloyent iniustement de Rome sur les subiects du Roy, par vn abus que les Praticiens de cest aage appelloient la clause *Nisi*. En fin ie diray que nos Roys ont icy tant monstřé de grādeur, de pouuoir, & de courage qu'à l'exemple des Empereurs Romains le Roy Charles le Bel retrancha de la communion, & alliance de l'Eglise Gallicane le Pape Iean XXII. apres faict iuger son heresie par la Sorbonne de Paris. Les Princes d'Alemagne tenās tousiours biē droites & en l'ardeur de leur premiere force les ordonnances de Charlemagne, sans laisser iamais violer les termes & les bornes qu'il auoit marqué aux excommunications ont tousiours fait iuger par leurs Magistrats les abus qui se couloyent en ces iugemens Ecclesiastiques. Mais quand les Papes ont osé offenser leurs Estats des iniustices de leurs interdits & censures,

# PHILIPQUE I.

cōme ils ont fait souuent, on a cassé es  
 dietes & iournees Imperiales, ou de  
 l'autorité des Iuges inferieurs ces at-  
 tentats & entreprises ambitieuses, & a  
 on fait briser en mille esclats, & redui-  
 re en poudre & en fumee toutes ces  
 pierres du foudre Romain sous Henri  
*Vsperge.* III. IIII. V. & Otton IIII. Federic I.  
*contin.* escriuit à Adrian IIII. qui exerçoit &  
*Sigeb.* appliquoit d'ordinaire ces remedes  
*Nauclet.* de la puissance de Dieu contre ses  
*Crantz.* Legats; Ce sont les plaintes qu'en fait  
*Auenti.* Innocent IIII. en sa Bulle contre Fe-  
*6. & 7.* deric II. Loys de Bauiere fit instrui-  
*Annal.* re le procez criminel au Pape Iean  
 XXII. sur ceste querelle; & tous les  
 Princes d'Alemagne s'en estoient ai-  
 grement offencez contre l'Archeuef-  
 que de Maiance pour le seruice, & la  
 deffence de l'Empereur Otton IIII.  
 Le Cardinal Guido Legat Romain  
 estoit allé esprendre de ceste gresle en  
*Crantz.* Dannemarck, quād le Magistrat pre-  
*inDania.* nant à cœur ceste iniure le pressa si  
 rudement qu'il fut cōtraint de se sau-  
 uer de viffesse; Mais le Cardinal Al-



bert se voulant mesler de ceste marchandise en Bauiere fut contraint de <sup>Auentio.</sup> vuidier auant que l'estaller. Ceux de <sup>7. Ann.</sup> Cologne se monstrent icy fott genereux. Ingelbert leur Archeuesque auoit obtenu des Bulles outrageuses, ne respirans que censures, feu, & flame cōtre la ville, & en sa presence, & à la veuë del' euesque de Ratisponne elles furent par arrest du Senat deschirees & mises en mille pieces. D'un pareil effort de courage les officiers d'Angleterre sous le regne d'Estienne firent publiquement brusler des Bulles apportees de Rome par l'Archeuesque de Cantaberich, se redresserent contre ces temeritez Romaines au regne de Henry II. & chasserent le Legat Viuian hors d'Irlande ou il pensoit espādre ce poison. Il arriua à l'euesque de S. André en Escosse de publier des anathemes contre quelques Princes du sang, quand le roy Alexandre picqué de ceste audace, & redoutant vne plus dangereuse consequence le <sup>Boet. lib.</sup> fit enuoyer en exil, Roger Legat du 13.

## PHILIPPE I.

Pape en donna des apprehensions à Malcolme qui le fit aussi tost chasser du Royaume. Ainsi, lors que les papes se voulurent iouer à Henry Roy de  
*Cromer.* Polongne il fit bien tost esuanouir ces  
*lib. 10.* nuées par l'autorité du magistrat, qui abolissant la memoire de ces mauuaises ouuertures s'en print à tous les Euesques qui flechissoient à ces censures, & chassa l'Archeuesque de Gnesne auteur de ceste conspiration couuerte du manteau de l'Eglise. Il n'est pas iusques aux Romains qui n'ayent icy donné des preuues du pouuoir des Magistrats. Car lors que le Pape Iean osa remuer de ces pierres contre Charles le Gros, le Senat cogneut de l'entreprinse, & fit emprisonner le pape. Toute ceste grande & si vniuerselle puissance, ceste tant ancienne dignité des Princes & Magistrats és affaires del'Eglise, principalement sur les abus qui profanent la sainteté des excommunications, & sur les autres ininstitices qui se peuuent glisser és iugemens Ecclesiastiques, comme fon-

dee sur la parole de Dieu , appuyee  
des loix ciuiles , si souuent confirmee  
par les decrets des Conciles, approu-  
uee de l'eternelle autorité de tant  
de peres , bien affermie par l'vsage , &  
rendue familiere en tous les Estats , a  
donné aussi occasion à ceux qui ont  
esté mal traittez des Euesques, oppri-  
mez par les papes , ou greuez par les  
Conciles de receuoir & appeller aux  
sacrez trosnes des Roys , ou aux sie-  
ges souuerains de leurs Empires. Inu-  
tillement eussent-ils esté si grands en  
l'Eglise si au besoin ils n'eussent peu  
guerir de rien , s'ils n'eussent sceu se  
venger eux-mesmes , deffendre leurs  
Estats, & soulager leurs subiets de ces  
oppressions violentes , de tant d'arti-  
fices ambitieux colorez , & fardez du  
nom de Religion pour en empieter  
leurs Royaumes , & de tant de traits  
ennemis autorisez du respect em-  
prunté du ciel pour en ruiner la terre.  
Aussi des que les princes ont eü mis  
le pied en l'Eglise ces appellatiõs ont  
esté cõceuës & formees esclofes avec



# PHILIPPE I.

les autres droicts Royaux que l'Eglise  
 a tant honoré en leurs sceptres: & le  
*Op. at. li. 1. aduer. Parm.* Magistrat les a aussi tost admises &  
 receuës. Car Donatus ne se vit pas  
 plustost condamné par le Pape Mil-  
 tiades, & le Concile d'Arles que le  
 salut de ce remede luy tomba en l'es-  
 prit. Sur ceste ouuerture S. Athanase  
*Socrat. l. 1. cap. 22. C. 23.* condamné iniustement par les Eues-  
 ques du Concile de Thyrrone prouoqua  
 à Constantin, & beaucoup de peres  
 sont passez par ce chemin au regne  
*Idem lib. 6. ca. 14.* des autres Princes, comme S. Chry-  
 sostome. S. Ambroise tesmoigne que  
 l'Euesque Flavianus en l'affaire qu'il  
 eut contre Euagrius se voyant mal  
 traicté par le Concile de Capoue en  
 appella à l'empereur; comme il ne  
 print iamais d'autre adresse contre  
 tant d'empeschemens & de troubles  
 dont il fut si long temps agité par les  
 Papes & les Euesques d'Occident. Il  
*Theodor. li. 5. cap. 23.* est vray que quand Eutiches eust esté  
 conuaincu d'heresie par les iugemens  
 de tant de Conciles, & les decrets de  
 tant de Peres, il essaya de se releuer

parlà, & de se sauuer par ceste porte  
 qui luy fut iustement fermee, parce  
 qu'il estoit trop indigne de ce salutai-  
 re secours estably pour l'innocence:  
 Mais Dioscorus qui ne valoit pas <sup>2. Tom.</sup>  
 mieux que luy se porta appellant du <sup>Concil.</sup>  
 Concile mesme de Calcedonne à  
 l'Empereur & au Senat, qui vuida son  
 appellation. Ainsi au Concile tenu à  
 Constantinople contre l'euesque Se-  
 verus, les Moines qui s'estoient inscrits  
 pour accusateurs demanderēt que du  
 Concile on en vint pardeuant le prin-  
 ce & le Senat: & en vn autre Synode <sup>Euagr. l.</sup>  
 basty contre Gregoire Theopolitain, <sup>6. cap. 7.</sup>  
 ce pere pour se purger & desuelopper  
 de beaucoup de calomnies dont on  
 le pensoit auoir accablé, releua son  
 appel à l'Empereur Maurice, & à vn  
 plus grand Concile. Sur ce plan l'em-  
 pereur Nicephore mesme s'adressa au <sup>Zonar.</sup>  
 Senat de Constantinople contre les  
 censures de Polieuctus, L'euesque de  
 Rauenne prouoqua à l'Empereur des  
 insupportables foules de Rome: Lo- <sup>Reginald.</sup>  
 thaire de Lorraine voulut faire casser <sup>2.</sup>

PHILIPPE I.

par les Princes Chrestiens, & par ses  
Magistrats les censures de Nicolas I.  
Et l'Empereur Lothaire iugea vn ap-  
*Cronic.* pel des Moines de Montcassin contre  
*Cassinen.* les Papes, sans que personne luy osast  
debattre ceste legitime iurisdiction.

Je serois trop long à fortifier ce na-  
turel remede d'appellation assez ius-  
te & considerable de soy-mesme, de  
la suite d'autres exēples que ie pour-  
roy aisément emprunter de l'histoire  
estrangere, ou nous auons laissē les  
Magistrats en possession de corriger  
les abus des excommunications. Je  
me contenteray de dire qu'encores  
que sous les successeurs d'Hildebrand  
qui mastinerent, & foulerent si indi-  
gnement les Empereurs toute honte  
& modestie eust esté perdue, & que  
ces Euesques fussent deuenus si outre-  
cuidez & si presumptueux qu'ils ne  
vouloyent rien aduouër de pareil, ny  
rien recognoistre que d'eux-mesmes:  
toutesfois Innocent III. apres auoir  
longuement tourmenté Federic II.  
presque aussi les de tant d'iniures qu'il



luy auoit faictes; comme l'autre de les  
souffrir protesta par la Bulle de la  
derniere excommunication qu'il iet-  
ta contre luy au Concile de Lyõ qu'il  
s'estoit tousiours voulu remettre au  
iugement des Princes Chrestiens pour  
faire voir la iustice & l'ordre de ses  
anathemes. Tant de troubles & de  
longues guerres, tant de tempestes, &  
d'orages esmeus de l'ambition Ro-  
maine n'auoient point si fort troublé  
l'air de la Chrestienté, ny tant em-  
brouillé les affaires de ce Prince que  
ceste viue & eternelle marque de la  
puissance des Roys ne parust, & ne  
rayonnast à trauers tous ces nuages.  
C'est en France qu'on a receu & trai-  
té comme il falloit ces Bules honora-  
bles, chargees des excommunicatiõs  
du Prince, ou de l'interdict du Royau-  
me, que soustenant vigoureusement  
la souueraineté du Roy, les franchises  
de la grandeur de l'estat, & les liber-  
tez de l'Eglise on a monstré aux Pa-  
pes qu'ils n'y auoient que voir, que la  
Frâce ne tenoit ny ne releuoit d'eux,

*Dat. Lu  
dun. 16  
August.  
Pontific.  
Anna. 3.*

## PHILIPPE I.

& qu'ils auoient esté eux-mêmes nos subiects. C'est là qu'à l'arriuee de ces furies, & de toutes ces dires & noires imprecations on a desployé les salutaires remedes du Royaume, opposé la vertu du Magistrat à ces dangereux assauts, cōme le plus fort & plus certain bouclier contre les pointes les plus aiguës & les plus violents esclats de ces tōnerres : en fin qu'on a estaint avec beaucoup de fidelité & de courage la puante flamme de ces foudres Romains. Car lors que les Papes fermant les yeux sur la puissante maïesté de cest Estat, & perdant la memoire de tant de biens qui les doiuēt eternellement obliger au desir de nostre repos, & de nostre conseruation, se sont auancez pour vomir quelque excommunication contre les Roys, le Royaume ou l'Eglise; on a faiēt genereusement reuoquer & casser ses abus par les souuerains Magistrats. L'admiration de la vertu de France, la vigueur du pouuoir de sa Iustice, & la iuste crainte de ses reuanches ont


arresté autres-fois si court les Archeuesques Romains, les ont contenus si sobremēt en leur deuoir, & au respect de la dignité de cest Empire qu'encores que vers le temps du Debonnaire ils eussent commencé d'effleurer & entamer vn peu sa grandeur ancienne de quelques traicts legers de leurs censures, & que cela leur peut faire venir l'enuie & le courage d'en donner quelque attainte à Charles le Chauue: ils ne s'oserent iamais declarer pour l'attaquer à descouuert, tant il banda haut le Magistrat és plus petites choses qul pouuoient apporter quelque ouuerture, & quelque prinse sur luy. Adrian II. ne s'y vouloit pas espargner, & en sollicitoit les Euesques du Royaume n'estant pas assez hardy de l'entreprēdre de soy mesme: toutefois il en fut refusé par Hincmarus Archeuesque de Reims, & par toute l'Eglise Gallicane retenuë dans la reuerence Chrestienne, & les anciennes loix del'obeyssance & de la fidelité François par l'authorité du

*Epist.*

*Hincmar.*

*ad A-*

*drian. 2.*





PHILIPPE I.

Magistrat. Mais lors que les Papes sortant hors des termes de toute pudeur, passant par dessus les puissans droicts du Royaume, & les franchises de l'Eglise Gallicane tant anciennes, eurent lasché leurs excommunicatiōs contre Philippes le Bel, Charles VI. & Loys XII. on sçait comme ces belles Bulles furent recueillies avec honneur, & les porteurs doucement traitez, comme on reforma ces corruptions, comme on reprima ces temeraires licences. Soubs le Bel on arracha les Bulles des mains des Legats pour les deschirer en la presence des Princes, & des plus grands seigneurs de France: l'Archeuesque de Narbonne, & l'Archidiacre de Constance furēt estroitement emprisonnez pour faire par apres la mōstre par la ville, & seruir de risée aux enfans & à chacun. Et sous Charles VI. la Bulle du Pape fut par arrest du Parlement declaree nulle, abusive, damnable: & les Legats venus pour la publier contrains de faire amēd honorable en la court.


du Palais mitrez & pillorisez. Le Parlement de France se monstra de pareille fidelité, & de mesme ardeur de courage pour l'obeyssance de Loys XII. & resista fermement pour sō seruice aux ingrattes fureurs de Iules II. Aussi tant de tesmoignages d'integrité & de vertu rendus par ceste saincte Cour de Paris l'ont tant fait renommer & admirer par tout le monde, & ont espâdu si loin sa reputation, & son hōneur, que les Roys estrangers y ont souuent recherché leurs remedes, & compromis en la grandeur de ses iugemens: cōme les Roys de Sicile, & d'Angleterre. C'est sur ce graue Senat que Federic II. abatu & renuersé, foulé, perdu presque par Innocēt IIII tourna incontinent la veuë, & s'appuyant du nom de ce souuerain Magistrat contre tant de violens efforts Romains, remit à sa prudence le grād & dangereux different qu'il auoit contre ce Pape, comme ne trouuant point en tout le reste de la terre des Iuges plus sçauans, plus entiers, &

*Naucle.*

capables pour luy rendre ceste iustice, ny plus genereux pour luy faire raison d'un si puissant ennemy. Que peut donc dire icy l'iniuste Espagnol, contre les images de Dieu, & contre l'auctorité de nos Magistrats souverains, sans affoiblir beaucoup la dignité des siens? sans blesser bien avant son Estat, sans se violer soy-mesme? Que peuuent apporter icy pour rompre & destourner la jurisdiction des Cours souveraines de France sur les miserables Bulles de Gregoire tant des petits tyrans coniurez contre nous en la faction de ce Castellan ruzé qui les trompa tous, sans se faire tort eux-mesmes, sans esbranler l'ordre de leur brigandage? Car encores pour l'assurance faut-il voir tousiours quelque ombre de iustice parmy des voleurs publics comme eux? De quoy sçauroient parer & rabattre les coups de nostre iustice les courtisans Romains, & tous les patros de ces Bulles, Pies mercenaires d'Espagne? De quoy se couvroiroit Gregoi-



remesme contre l'autorité & la vertu des souuerains iugemens de France, si le puissant iugement de Dieu mesme prenant la iustice des hommes n'auoit desia vengé par sa mort ses audaces desreglees, & l'iniure faite à la France? Qui empeschera que toutes les grandes & souueraines compagnies de la iustice de France ne s'employent en ceste affaire si dangereuse, ne reçoient l'appellation de l'Eglise Galicane, & n'apportent icy la grauité de leurs iugemens contre les temeraires entreprises de Gregoire, & d'Espagne? Qui reuoquera plus en doute leur sacré pouuoir? Qui se deffiera qu'elles ne puissent casser les abus de ces superstitieux liens? Qu'elles ne puissent deliurer les plus froids & plus foibles subiects du Roy du vain scrupule qui pourroit assaillir leurs consciences? Les Magistrats de l'Empire, & de Frâce, comme de tous les royaumes ont traitté les plus grandes & plus importâtes affaires de l'Eglise, & les peres anciens y ont prins



# PHILIPPE I.

leur adresse en toutes occasions, ils ont esté tousiours les maistres & directeurs de la discipline, & les conseruateurs de l'Eglise : ils ont souuent cognu des iugemens des Papes & les ont retractez : On a mille fois & en mille lieux casse, deschire, & brulé semblables Bulles, en Frâce plus courageusement qu'ailleurs, on a tousiours eu recours aux Magistrats contre les foulles & oppressions des Papes, ils ont autre fois iugé leurs personnes mesmes, les ont destituez & bannis, & on oseroit mettre en doute si les cours souueraines de France, les plus sainctes & plus celebres iustices du monde pourroient esbranler les iniques censures de Rome, reuoker & abolir ces iniustes Bulles forgees dans la coniuration d'Espagne? N'est ce pas le mesme Magistrat de France qui a vengé tant de fois le Royaume, & l'Eglise des temeritez Romaines? Est-il descheu d'hōneur, affoibly d'autorité, rabaislé de grandeur, rauulé de courage, ou refroidy de fidelité?

Quel

Quel reproche luy feroit donc la me-  
 moire eternelle de tant de Roys qui  
 ont logé ce pouuoir sacré en sa main,  
 qui luy en ont faict rendre de si belles  
 & si honorables preuues, s'il le tenoit  
 paresseux & craintif en vn subiect si  
 extreme, ou il y va de l'honneur du  
 Roy, des droicts de tout le royaume,  
 de sa dignité mesme, de la prostitutiõ  
 del'Eglise Gallicane, de l'extinction  
 & ruine de la gloire de nostre nobles-  
 se, du salut & des fortunes d'un cha-  
 cun? où sous le voile des sainctes cen-  
 sures de l'Eglise nostre ennemy decla-  
 ré, qui nous auoit porté vne armee en  
 France, nous vouloit eternellemēt as-  
 seruir à luy, à l'Espagnol, à qui luy cust  
 donné le plus du royaume de France  
 qu'il auoit mis à l'enchere? on verroit  
 donc le royaume en vn danger si pe-  
 sant del'Eglise Gallicane mourante la-  
 menter le malheur de son affliction,  
 trauailler pour se redresser de ceste  
 secousse mortelle, se debattre toute  
 suante & harrassée pour se releuer de  
 ce mal, & le Magistrat ne luy tendroit



# PHILIPPE I.

point la main, & luy denieroit la iustice qu'il doit aux plus petits François? L'Eglise Gallicane n'est elle point de l'Empire de France? est-elle si petite & si foible partie du royaume? & il y va avec sa perte de la ruine de tout le royaume, & de la subuersion de tous les ordres? La France ne seroit elle d'ocrien à la France? elle accuseroit le Magistrat d'impiété, d'iniustice, de desertion, & de lascheté si hautement que le ciel l'orroit & s'en irriteroit: toutes les nations s'esmouuant de sa plainte se mettroient en peine de la secourir: & le seul Magistrat de France demeureroit estonné, immobile, inanimée? Il n'y auroit que la France qui n'auroit point pitié d'elle mesme? Le Magistrat ne seroit-il plus Magistrat? Quand est-ce donc qu'il vseroit de son pouuoir s'il chomoit icy? A quoy de plus grand se reseruoit-il? Quelle occasion plus nécessaire & plus pressante attendroit-il pour deployer sa force, & faire admirer son ancienne vertu? Quelle stupidité? On

verroit les estrangers se ietter dans les bras du magistrat de France pour la faueur de ce secours contre les Papes, & nos ennemis incésez penseroient qu'il fut icy lasché, inutile, & mort pour la France, & pour soy-mesme? il verroit donc comme ceste Fee Lamie ce qui se feroit hors de chez luy, & l'arroit les ieux à l'entrée de sa maison pour ne cognoistre rien de ce qui luy toucheroit de plus pres? Il destourneroit à dessein sa veüe pour ne considerer point son domnage, & broncheroit aueugle pour ne vouloir ouurir les yeux à ces dâgereuses rencontres- Ses peres luy ont monstré ce chemin d'honneur, tant d'exemples de ses ancestres luy esclairent si viuement, & on vouldroit qu'il ny vist goutte en ce brouillard si foible à la lueur de si bells lampes de gloire? Qu'il fist le boiteux & le lasche pour ne suiure point la trace de tant de pas de vertu? Que feroit-il si luy falloit rompre la glace, si lui falloit ouurir ce pas, si ces deuanciers & ses ayeulx

# PHILIPPE I.

fideles, iustes, & courageux ne l'y auoient conduit comme par la main? Voudroit-on qu'il marchandast d'auantage à resentir son autorité, & à recognoistre sa liberté? Si le Magistrat peu souuent de son honneur, & de son pouuoir negligeoit icy le seruice de son Prince legitime, s'il despouilloit le soin de l'Eglise & du Royaume, s'il desdaignoit le mal pitoyable des autres subiets du Roy, le sentiment de son dommage propre ne l'es-mouueroit il point? ne se picqueroit-il point à sa perte? ne s'esueilleroit-il point au bruit de sa cheute mesme? ne recognoist-il point que ce rauage escumeux, ce desbordement des fureurs de Gregoire, & la presse de tant de coniurations estrangeres luy viennent tomber sur les bras, fondre droict sur sa teste, & se renuerfer sur luy? Quoy! penseroit-il sortir quitte de ce ieu où il y va du reste de cest Estat? demeurer entier en vne si vniuerselle dissolutiō de ce corps? seul inuiolé au sac horrible de ce Royaume?



Qui luy garantiroit sa dignité? Quels esclairs pourroit rendre son pourpre, & les enseignes de son autorité en l'eclipse du soleil royal, qui seules anime & faict esclatter si viuement? comment les pourroit il faire reluire sous la poudre de ce bris violent de la France? Mais à qui en veut-on plus qu'à luy? Qui est plus exposé aux enuies Espagnoles que le Magistrat, cōme le registre viuant des sainctes loix, & le fidele conseruateur des puissāns droits de Frāce? N'est il pas destiné de l'ennemy à la mesme seruitude qu'on prepare aux autres subiects du Roy, & peut estre à vne plus cruelle fortune? Il ne se peut icy lier les mains sans vne tache eternelle de desloyauté, sans se declarer cōtraire au Roy, ennemy du Royaume, del'Eglise, & de soy mesme. Aussi quand par l'estrange changement de la face de cet Estat toutes ces viues & anciennes marques d'honneur François auront esté effacees & estainctes dans le cœur de quelques Magistrats, on ne doit ia-

## PHILIPPE I.


mais craindre qu'elles perdent leur force & leur lustre, qu'elles se ternissent blesmissent, ou pallissent seulement dans l'ame de tant de graues Iuges demeurez constamment en l'obeyssance du Roy, dont rien du monde ne les a peu d'esmouuoir n'y distraire; qui sont si accoustumez à bien faire, & à vanger les maux, & les iniures de la France. Ils sont la fleur, l'élite, & l'honneur des Magistrats François, seuls vraiment dignes de ce nom & de ceste gloire, qui esprouuez & s'il faut ainsi dire espurez par le feu, de tant de diuerses & mortelles afflictions ciuiles, ont quitté leurs biens, leurs enfans, leur femmes, & tout ce qu'ils auoient au monde de plus précieux & de plus cher, pour seruir fidelement leur prince, & exercer leurs charges en lieux legitimes, & monstrier qu'ils sôt seuls les vrais & naturels Magistrats de France. Leur oster ceste cognoissance si legitime, & leur rompre cest effort de vertu si necessaire, seroit charger toutes leurs naturelles

constitutiōs, peruertir l'ordre de leur  
essence, assoppir & amortir du tout  
leurs resentimens les plus vifs, vou-  
loir qu'ils ne retinsent plus rien de  
ceste premiere diuine semence Fran-  
çoise, qu'ils ne fussent plus enfans de  
leurs peres, qu'ils ne fussent plus Frā-  
çois, qu'ils ne fussent plus eux mes-  
mes.



Handwritten text, likely bleed-through from the reverse side of the page. The text is mirrored and mostly illegible due to fading and the texture of the paper.





# PHILIPPE SE-

C O N D E.

**N** O V S descouurons desia  
la coste , la terre com-  
mence à paroistre , la mer  
peu à peu se desrobe, voila  
les marques d'un port fa-  
meux & celebre. Que de nauires à  
l'ancre dans le repos de son sein, com-  
bien d'autres flottent en seureté à la  
rade. C'est l'Eglise qui commence à  
nous ouurir, & nous tendre ses bras le  
second port salutaire de la route de  
nostre nauigation ; Elle nous appelle  
de la main & de la voix , & l'eternel  
fanal de sa foy esclairant viuement en  
la plus grād presse de cest orage sem-  
ble nous tracer le chemin dās la tour-  
mente mesme pour venir à luy. Il faut  
saluer de cris d'alegresse ce saint  
Haure, il est temps de tirer les ancras,  
il faut doubler de forces pour y pour-

## P H I L I P P E II.

ser plus seuremant nostre vaisseau  
 eschappé de la fureur des vagues. Mais  
 ce beau port semble assiegé par des  
 gens qui font contenance de nous en  
 vouloir deffendre l'abord, qui s'ar-  
 ment pour nous empescher de pren-  
 dre terre. Voila encore sur nostre che-  
 min des escueils redoublés, des bancs  
 de sable entassez l'un sur l'autre, &  
 des furieuses ondes qui flot sur flot es-  
 cument iusques au ciel : voila mille  
 gouffres beants qui nous menassent,  
 ou les pirouettes de l'eau qui enfonce  
 & regorge tout à coup descouurent  
 vn danger apparent. On diroit que ce  
 sont les orages que Gregoire auoit  
 esmeus contre ce port, & les forces  
 de quelques Papes qu'il auoit affu-  
 tees pour le surprendre, pensant nous  
 garder d'y surgir. Si n'est-il pas temps  
 de faire naufrage si pres du bord, il  
 faut s'esuertuer à ceste facheuse ren-  
 contre, franchir d'extremement ce de-  
 stroit, & surmonter à coups de rame  
 la difficulté du passage. Mais voicy  
 nos aduersaires qui s'auancent, il les



faut aller recognoistre, & voir luire  
de plus pres les armes dont on nous  
menace. Ce sont quelques traits d'ar-  
rogance qu'on attribue à Antherus, *Caus. 9.*  
& à Innocent I. qui ne veulent pas *qu'est. 3.*  
permettre que la sainte Eglise Vni-  
uerselle leur mere iuge du premier  
siege, qui à leur dire iuge tous les au-  
tres, ce sont les orgueils insupportables  
& les fumees ambitieuses de Gelais,  
qui veut qu'on croye que les saints  
Decrets mesmes l'autorisent, & l'ar-  
ment de ces droicts; C'est la presump-  
tion & la gloire de Symachus qui  
ne recognoist point d'autre iurisdic-  
tion que de Dieu, & du ciel; L'auda-  
ce de Nicolas I. les fureurs de Roland  
ou Alexandre III. le changement de  
Pie II. bon Cardinal & mauuais pape,  
& autres telles vanitez que Gratian a  
lété dans son decret, & dont le colle-  
cteur des Decretales bruit aussi hau-  
tement qu'un torrent, qui enflé des  
neiges & du reste des vigueurs de l'hi-  
uer roule au mois d'Auril au pied des  
montagnes des Alpes. Quelle hardies-

## PHILIPPE II.

se, quelle desmesuree impuissance? Est-il possible que quelquesvns de ces graues Euesques du premier Siege ayant ainsi passé la main sur le front, secoué de leur visage toute honte, & qu'ayant osé s'auancer par ces artifices ils ne rougiront point quand on leur en fera reproche? Sont-ils seuls l'Eglise, Sont-ils hors de l'Eglise, ou dans l'Eglise? Si leur seule personne compose & parfaict la grandeur de l'Eglise, de quoi y seruent donc les autres Euesques? qui ont faict autresfois tant de peres princes des autres Eglises, desquels ils honorent si religieusement les reliques, & les cendres? Y ont-ils esté oisifs, superflus, supermuneraires, & vn poix inutile à la iuste cōpositiō des dignitez de ce corps mysticque? S. Cyprian accordera bien aux Papes d'estre les premiers membres de l'vnité de l'Eglise, mais il apportera aussi tost des temperaments, des restrinctions, de iustes limites, entrera incontinent en concurrence avec eux, & leur soustiendra au nō des

*Lib. 1. ep.*

*3. Contra.*

*3. de sim-*

*plicit.*

*pralat.*

pasteurs de ceste sainte bergerie, que tous les Euesques possédēt solidairement & de mesme eux partie de l'Eglise. De dire que les Papes legitimes soient hors de l'Eglise quād ils se contiendront dans les termes des saints Decrets, & dans l'enceinte de la police de l'Eglise comme leurs saints ancestres, nous n'y voudrions pas seulement auoir pensé. Ce sont les Euesques du premier siege, qui ont esté au tresfois les arcs-boutans de la constance de nostre foy, qui ont fait reluire leur vertu comme brillans esclairs au fort des plus grandes tempestes des persecutions des Chrestiens, & parmy tant d'ombrages & d'horreurs de mort; qui ont seruy d'autant de claires lampes contre les plus obscures nuicts des tenebres d'heresies. S'ils aduouent donc d'estre dans l'Eglise, pourquoy seront-ils plus que l'Eglise? Pourquoy le corps sera-il plus grand que le lieu qui l'enferme, & l'enferme? Pourquoy vn seul membre sera-il plus que tout le corps? Mais



## PHILIPPOVE II.

*Cyprian  
de simpl.  
prælat.*

ils sont par dessus l'Eglise. Quoy, es-  
goux à Iesus Christ ? n'y a-il rien de  
difference? L'Eglise est le partage du  
fils de Dieu, sont-ils ses freres ? Sont-  
ils icy seruiteurs, ou maistres? Qui leur  
a donné ceste Eglise - Qui l'a ostee à  
Iesus Christ? Qui y voudra plus de  
meurer quand elle ne sera plus à luy -  
L'Eglise comme dit Beda sur les cõ-  
templations des anciës peres est l'he-  
redité du Seigneur, comment la par-  
tagera-on avec luy? Le droict n'ad-  
met point deux heritiers solidaires.  
Moins y a-il encores d'apparence de  
la diuiser, car c'est la robbe sans cou-  
sture qui ne peut estre despeece, & le  
corps de Iesus Christ qu'elle repre-  
sente n'a esté n'y rompu n'y brisé de  
l'effort de ses tourmens. Qui l'oseroit  
despartir avec le Fils de Dieu? C'est  
sa vigne par luy plantee, le champ se-  
mé de sa main, arrousé de son sang, &  
nourry de l'humeur de sa parole:  
pour cela dit sainct Iean Chrysosto-  
me en vn sermon sur la Pentecouste  
tout ce qui croist dans son pourpris

ne flestrira iamais en faueur de ce laboureur. Les arbrisseaux n'ẽ despouillerõt iamais les feuilles, la verte chevelure n'en coulera point en hiuer, ils s'en pareront au printemps, la garderont contre le haile de l'estẽ, & s'en couvriront contre la rigueur de la plus rude saison. Et si l'Eglise comme dit S. Ambroise est la mere des viuãs, *Lib. 2.  
coment.  
In Luc.* les Papes ont-ils produit tous les enfans de ceste Eglise? n'en doit-on rien à Iesus Christ? Les Apostres n'y ont-ils rien apporté du leur? Tãt de saincts Euesques des autres Eglises n'y reco- gnoistront-ils rien de leur peine, & de leur ouurage? Ou est-ce donc que tãt de genereux Martyrs ont prodigué & vuidé tant de sang, si on n'en reco- gnoist plus les traces? Pour le moins l'Eglise de France niera d'auoir receu ses fondemens de S. Pierre, n'y prins aucun aduantage ou accroissement du siege Romain, plustost beaucoup de fascheries & de trauerses en payement du secours qu'elle luy à souuent donné, & de son assistance ordinaire,

## PHILIPPE II.

beaucoup d'autres en diront autant.  
 Et puis que l'Eglise est l'epouse de Ie-  
 sus Christ comme disent les peres sur  
 les Cantiques du Sage , sortie & ti-  
*mil* *In*ree de ses flancs dit Iunilius comme  
*Genes.* Eue du costé d'Adam , à ce compte  
 elle aura deux maris ? Qui sera le legi-  
 time, qui sera l'adultere ? L'un des ser-  
 uiteurs la prendra donc de force , la  
 voudra espouser, & violer si temera-  
 rement la couche du Maistre. En fin  
 l'Eglise est le corps sacré de Iesus  
 Christ comme le Pape Leon I. l'ac-  
 corde à la verité des autres peres : des  
 deux corps de ce verbe diuin dict  
 S. Bernard c'est icy celuy qu'il à le  
 plus aimé, puis que pour luy conque-  
 ster la vie eternelle il a voué si fran-  
 chement à la mort de la croix celuy  
 qu'il fit naistre du ventre de la Vier-  
 ge, & contre tout respect il se trouue-  
 ra quelqu'un qui se hauffera, & s'avan-  
 ragera par dessus le corps de Iesus  
 Christ mesme ? Icy pers-je toute  
 patience, icy ne me puis-je plus rete-  
 nir , icy suis-je aussi impuissant que  
 ceux.



ceux qui tiennent ces langages: icy  
 ne me puis-je plus commander, n'y  
 demeurer maistre de moy-mesmes.  
 mon cœur s'esmeut tout d'horreur au  
 son de ces paroles si estranges, & mes  
 yeux ne peuuent voir sans se troubler  
 quelqu'un s'esgaler à Iesus Christ, ou  
 surmonter l'Eglise. C'est contre toute  
 la foy ancienne, contre le tesmoigna-  
 ge des peres, contre les saincts arrests  
 des Conciles; les morts & les viuans  
 s'opposent à cela, le ciel & la terre de-  
 mentent ces audaces, c'est annoncer  
 vn nouuel Euangile. Car l'Eglise par-  
 ticuliere de Corinthe membre de l'E-  
 glise Vniuerselle n'estoit n'y à Paul <sup>1. Ad Co-</sup>  
 n'y à Cephas, ils estoient eux-mesmes <sup>rinth. ca.</sup>  
 à ceste Eglise; S. Pierre reprins par <sup>3. & 4.</sup>  
 l'Eglise & par ses freres ne les paya  
 pas de si superbe responce, Victor tã-  
 cẽ par Hirenẽe, Cornelius & Estien-  
 ne par S. Cyprian, & les autres anciẽs <sup>Cipriã. in</sup>  
 Papes par les Euesques leurs confre- <sup>epist. ad</sup>  
 res ne se couurirent iamais de ce pou- <sup>Pompein.</sup>  
 uoir si general & si absolu, contre qui <sup>6 ad Qui</sup>  
 qu'ils se soiẽt redressez, par dessus qui <sup>rinth.</sup>

## PHILIPPE II.

qu'ils se soient esleuez, qui qu'ils ayent voulu surmonter ils ont tousiours humblement ployé sous la reuerence del'Eglise. Ce seroit estre mauuais Geographe de faire vne ville plus grande que tout le monde; quand on s'enqueste & s'informe de la puissance dict S. Hierosime, il faut croire oue

*Hier. cō.* tout le mōde ensemble est beaucup  
*Iovinian.* plus fort qu'une seule ville, & toute l'Eglise plus grande & plus puissante que le seul siege Romain. Que veulent donc dire tous les coniurez de la faction d'Espagne en ceste contentiō d'honneur, en ce conflict de iuridictiō, d'esleuer ainsi Gregoire par dessus l'Eglise pou euitier l'ordre de sa iustice? Qui sera si presomptueux de se vanter contre le tesmoignage des peres du sixiesme Concile de Cartage de posseder le saint Esperit comme l'Eglise? Qui se peut dire le garde du thresor des merites de Iesus Christ? Qui les dispence & les distribue, qui en a la clef, le maniement & le gouvernement qu'elle? De qu'elle autre

par attend-on ces remedes eternels de salut? Qui pense & medicamente n<sup>os</sup> playes? Qui applique à nostre mal les sacrez appareils du sang de Iesus Christ, & les viuifiens emplastre de sa mort si ce n'est-elle? Qui attache & deslie en la terre & au ciel que par son authorité? A qui sont donc tant de iustes decrets, tant de diuins ouurages, les labeurs de tant de peres, tant de monuments anciens, tant de sainctes vrnes, & toutes ces religieuses cendres? Qui peut estre si hardy d'vser des graues paroles de ces eternels arrests, il semble ainsi au S. Esprit & à moy? Qui à peu renuerfer tant d'heresies esleuees en tous les sieges, escloues dans le Romain mesme que la vertu, & constance de l'Eglise qui à tousiours tenu droict & esclairant l'inuinible & victorieux flambeau de la foy parmy les furieux assauts des plus violans orages? D'où sont sortis tant de Conciles? Pourquoi les Synodes generaux de Nice de Constantinople & les autres sont-ils receus par nos



## PHILIPPE II.

loix à la fuitte des articles de foy qu'en  
 fa faueur, en son honneur, & comme  
 venant de son seing? Qui en à conçu  
 les confessions, qui les à enuoyees, &  
 espanduës par tout le monde, qui en  
 a commandé la creance, qu'elle? Qui  
 peut ordōner de la foy & de ceste di-  
 uine police qu'en son nom? Qui peut  
 ranger & contenir les esprits dans les  
 termes de la Religion, qui les peut  
 contraindre à l'ordre & l'obseruation  
 de tant de diuins preceptes sous la  
 crainte & la seuerité des peines eter-  
 nelles, quel'Eglise? Je dis l'Eglise tou-  
 te entiere & toute vnice. Car si les  
 Euesques d'Orient faisant bande à  
 part, & ceux d'Occident se tenant à  
 quartier d'eux auoient conclu sepa-  
 rément quelque chose, bien que ce  
 fust la moitié de l'Eglise on a debat-  
 tulle pouuoir de ces arrests; parce  
 que pour ces eternelles résolutions il  
 faut que toute l'Eglise à face ouuer-  
 te, non desmenbree, non diuisee les  
 concluë & les ordonne: & rien ne  
 peut estroitement lier nostre foy que

l'autorié de l'Eglise Vniuerselle. Il s'en faut donc bien qu'un seul Euesque puisse obtenir ce droit, & ceste haute prerogatiue contre la moitié des autres ou par dessus tous qu'il puisse vsurper le nom d'universel pour fortifier ses ambitieux desseins à la ruine de ses freres, ce titre est incompatible avec l'Eglise, & qui s'appelle Euesque universel renuerse & cõfond aussi tost, dit S. Gregoire, l'universalité de l'Eglise. Elle ne peut retenir le *Li. 6. epist.* nom d'universelle si quelque autre *24. &* prend part à cest honneur. Mais ce se- *28.* roit encores beaucoup plus d'inconuenient, de dommage, & de desordre de monter & hausser un Euesque par dessus la grandeur de l'Eglise si confirmee, qu'en luy laissant ceste egalité insupportable le faire aller du pair avec elle. Certes ceste nouvelle Theologie de la Monarchie Romaine sur l'Eglise n'a esté escloüe que dans le malheur du temps, engendree & couuee par l'ambition dans le ventre & l'oisuete, & dans le sein delaisé & des

## PHILIPPE II.

richesses. Tous les anciens peres quel que respect qu'ils rendent au premier siege ne l'auancement iamaïs par dessus l'Eglise, & ceux d'entre les Papes d'ot la memoire est marquee de saincteté ne sont iamaïs tombez en ceste intemperence. Ceste doctrine auoit-elle esté enterrecie iusques icy? Le Sainct Esperit l'auoit-il tant celee à la purité de l'Eglise, & desnié les discoures des raisons de ceste grandeur à la simplicité de premiers Papes la plus-part Martyrs, pour l'ouurir & l'espandre apres en l'aucur des plus factieux & plus insolens Euesques comme Hildebrand ou Boniface VIII. & l'imprimer par tout en langue de feu & de flamme dont quelques vns de ces Romains ont embrasé, & mis en combustion tous les Royaumes & toutes les Eglises. Ce ne fut iamaïs ce soufle diuin & ce doux esprit d'vnion; ç'a esté vn vent furieux & violent, & vn glaue de diuision qui ont renuersé tous les estats pour y marquer ce nouueau sçauoir d'orage & de ruine, &



en abreuer la terre de mille fleues de sang. Quoy? les Apostres premiers disciples de Iesus Christ n'eussent-ils pas esté capables de ce mystere d'ambitiõ? S'ils lesçauoient, s'ils croyoient le siege Romain, & la chaise de saint Pierre par dessus toute l'Eglise, pourquoy n'en ont-ils fait vn article de foy comme de la vertu de l'Eglise? Si c'estoit chose qui liaist tant les ames, si ceste creance engageoit & obligoit tant les consciences pourpuoy en ce sommaire recueil, en ceste premiere confession des fondemens & chefs substantiaux de nostre Religion ont-ils obmise la puissance des Papes, puis qu'elle estoit plus que l'Eglise qu'ils ont recommandee d'une singuliere marque, & d'une memoire particuliere? Toutes les Eglises espanduës par tout le monde ont tousiours destruit ceste vanité, & ont condamné ceste proposition ambitieuse des flatteurs de la Cour Romaine: l'Eglise Galicane s'est genereusement opposée à ce pouuoir si hautin, a conclu

## PHILIPIQUE II.

en ses Conciles & en ses escoles des  
 maximēs contraires; ç'a esté la resolu-  
 tion de la Sorbonne de Paris, & la  
 foy de toute la France. Je demande  
 aux Papes d'où ils tirent leurs mar-  
 ques de puissance, leurs titres de gran-  
 deur, & le pouuoir de leurs mission que  
 de l'Eglise? Qui leur a dit qu'il falloit  
 croire vn Iesus Christ, que l'Euangile  
 fust Euangile, que S. Pierre eust esté  
 Apostre, qu'ils fussent successeurs de  
 S. Pierre, si ce n'est l'Eglise? & si elle  
 ne l'auoit enseigné, si ce n'estoit sa  
 creance & sa doctrine, ne diroient ils  
 point avec S. Augustin, qu'ils ne pour-  
 roient flechir ny ployer la dureté de  
 leurs esprits à croire les sacrez, hauts  
 & admirables misteres de nostre Reli-  
 gion, qu'ils ne les reçoient que de sa  
 main, ny ne les embrassent qu'apres  
 ses estraintes? Sçauroient-ils autre-  
 mēt qu'ils sont Papes, & que l'hōneur  
 de paistre les berbis a esté donné à S.  
 Pierre? Quel autre garend ont-ils de  
 ceste sciēce, ny de ce pouuoir que l'E-  
 glise? C'est par là qu'ils rebutēt iuste-  
 ment

ment tous ceux qui ne se treuuent point escrius dans les sacrees tables, faute de la source de leur ministration, pour ne pouuoir monstrier leur enuoy & leur charge signee de son nom, pour n'auoir receu d'elle le S. Esprit par l'imposition des mains, pour ne faire foy de ses caracteres, pour n'auoir pris ses lettres pacifiques chargees de son tesmoignage, & de sa recommandation. A leur conte ce seroit enfin à eux d'enuoier l'Eglise, & luy donner l'autorité & la puissance. Quelle nouueauté? quelle confusion? Puis que c'est d'elle qu'ils reçoient donc cest honneur, puis que leur mission legitime n'est coulée que de son sein, puis qu'ils s'en autorisent & s'en couurent, pourquoy ne la recognoissent-ils les premiers? pourquoy affoiblissent-ils eux-mesmes leur origine? pourquoi comblent-ils ainsi la source de ce fleuve de leur grandeur? pourquoy apres en auoir tiré les enseignes de puissance, & la force du gouvernement en defauoient ils l'autho-



## PIHLIPIQUE II.

thorité & la iurisdiction? Les peut-elle enuoyer sans estre plus qu'eux? peuvent-ils estre enuoyez de samain sans estre comptables de la charge qu'elle leur a commise? Ils seront donc administrateurs sans rendre compte, chargez de la conduite de ses Prouinces sans obligation d'en donner raison, seruiteurs sans respect, quittes de la reuerance de leur maistresse, plus grands qu'elle, egaux en fin au maistre mesme? cest ordre ne se peut voir en aucune sorte d'estat. Si ce gouuernement se destruit donc de soy-mesme, s'il n'ya si chetiue nature de commandement, d'Empire, de Republique, de famille priuee qui ne le reiette; pourquoy voudra-on que ceste parfaicte Hierarchie, ceste Prouince du Royaume celeste soit ainsi composee de la corruption & du rebut des autres? difforme, contrefaicte, contre les proportions les mesures & la facon naturelle des autres corps, vn vray mōstre & des plus nouueaux, ou en vn moment le maistre deuiendrait

seruiteur, & le seruiteur deuiendroit  
 maistre? C'est mal rapporter le visage  
 & les traits de ceste premiere humili-  
 té Chrestienne qui a tant auancé la  
 Religion, & tant accru l'Eglise. C'est  
 enfoncer, & enterrer trop auant ceste  
 colonne tant belle sous vn si pesant  
 & si superbe chapiteau, les fondemēs  
 en sont trop humbles pour ne cour-  
 ber ou ne rompre point sous le faiz de  
 ceste audace. Car bien que la puissan-  
 ce Ecclesiastique cōme disent les pe-  
 res par la lumière, & la verité de l'E-  
 uangile ait esté également despartie  
 à tous les Euesques, que chacun en  
 tienne vne portion solidaire, entiere,  
 & apareille, que Iesus Christ leur ait  
 donné l'honneur de lier & de deslier,  
 encores en l'attribution particuliere  
 qui en a esté faiçte à S. Pierre tous le  
 autres y viennēt prendre part au non *P. imas.*  
 de toute l'Eglise; Et selon Primasius *in Apoca.*  
 en vn seul pierre il a compris, & en-  
 tendu tous les autres. Ce fut luy, dit  
 S. Augustin sur S. Iean, qui receut les *Tractat.*  
 clefs du ciel au non de tous les pa- *118.*

## PHILIPPE II.

steurs de l'Eglise, non particuliere-  
ment pour luy, aussi n'est-ce pas luy  
seul qui lie & qui desnoüe apres, qui  
oblige ou qui absout, c'est l'Eglise  
Vniuerselle qui attache ainsi ferme-  
ment, & qui si franchement deslie.

*August.* C'est elle, dit-il, qui a le pardon & la  
*in epi. liā.* remission des pechez en main, parce  
*tractat.* que c'est principalement a elle que  
10.

s'est adressée ceste parole, Ie te don-  
neray les clefs du ciel; & quelque  
part qu'elle se trouue on y verra re-  
luire ceste puissance toute semblable  
& vniforme, espanduë de puis Hieru-  
salem iusques au bout du monde, de  
Leuant iusques en Ponāt. Ainsi Beda  
d'une pure intelligence interprete  
les clefs du ciel en l'Homelie du iour  
de Sainct Pierre & Sainct Paul. Que  
feroit l'Eglise, dit Sainct Cyprian, si  
ceste dignité n'estoit attachee qu'à S.  
Pierre, seroit-elle oisive, inutile, & in-  
fructueuse? Ceste amoureuse Egli-  
se dit sainct Chrysostome qui a tant  
immolé de Martyrs sur le brasier ar-  
dent de l'amour qui la brusle sans re-

*In Psal.*  
115.



pos pour son espoux peut estre esgallement, & indifferamēt en tous lieux. Ceste vertu n'est donc arrestee pas, collee, & clouee à vn seul siege, c'est toute l'eglise Vniuerselle qui à l'autorité & le maniement des liens, qui retient la puissance de iuger, & qui en faiēt part aux Papes comme aux autres. Delle seule sortent ces graues & redoutables iugemens prononcez du mouuement du S. Esprit à la veuë & en la presence de Iesus Christ selon le tesmoignage de Tertuliā. Aussi n'a elle iamais permis en sa premiere integrité, en sa verdeur, en sa force entiere, & tant qu'elle à peu contenir ses enfans sous les loix de son Empire qu'ils se soient destornez de la foy de ce respect, qu'ils n'ayent humblement adoré ce pouuoir en son sein; & n'a iamais souffert qu'ils ayent prins vn non plus grād ou plus esleuē que de freres, n'y qu'on luy ait donné titre plus bas, moins dominant, n'y moins honorable que de mere. Ictez les yeux sur les anciēs Princes de

## PHILIPPE II.

toutes les premières Eglises, vous les  
verrez s'entre-caresser de ce nom d'e-  
galité & d'amitié, qu'il s'escriuent aux  
Papes avec pareilles inscriptions, que  
les Papes leur respōdēt de mesme hō-  
nesteté; & Rome ne s'est iamais parée  
de quelque trait de gloire que les au-  
tres Euesques n'en ayēt aussi tost mar-  
qué leurs sieges. C'estoit les bornes  
que l'Eglise auoit ordonnees & pre-  
scriptes à tous les Prelats, & lors qu'il  
leur aduendroit de les passer & de les  
franchir elle les menaça à Nice, à  
Sardique, & au Synode Mileuitain  
que les entreprinſes qu'ils feroient les  
vns sur les droicts & les limites des  
autres, & les abus qui se couleroient  
en l'exercices de leurs charges souffri-  
roient sa correction & censure en plin  
Concile. Ce que longtems apres  
se releuant d'une grande cheute, &  
d'un espouventable precipice ou les  
Papes l'auoient poussée elle renou-  
uela & confirma generousement cō-  
tr'eux aux Conciles de Conſtance, &  
de Basle. Pour cela il nes' est iamais

*Can. 5.*

*Con. Ni.*  
*cen.*

*Can. I.*

*& Con.*

*2. Sadr.*

*2. Tom.*

*Concil.*

*Con. Mi.*

*leuit. ca.*

*13.*

*To. 3 &*

*4. concil.*

présenté affaire important, ou differēt  
cōsiderable en la Religion ou es  
mœurs pour la resolution duquel on  
se soit reposé entierement au iuge-  
ment d'un seu Euesque, non pas du  
Pape; on l'a tousiours laissé vuider &  
conclurre à tout l'Eglise. Tesmoing  
le different des Asiatiques avec les  
Romains, les premiers scismes de  
Phrigie, les diuers opinions d'E-  
stiene I. & de S. Ciprian, & tant d'he-  
resies qui se sont formees & escluses  
des excremens, superfluitez, & mali-  
cieuses humeurs de ses enfans, ou il  
ny a qu'elle qui ait arresté prudam-  
ment ce mal, ny qui ait esté capable  
de le biē guerir. Aussi c'est de ses ora-  
cles que sont sortis les belles, & salu-  
taires ordonnances de tant de saincts  
Synodes pour le remede de toutes  
ces diuerses corruptions, pour la re-  
formation de la vie du Clergé, la pur-  
gation ou confirmation de la Reli-  
gion; ausquels on eust inutilement  
reclamé & recouru, & mal à propos  
les Papes y eussent enuoyé leurs Le-



## PHILIPPE II.

*Aneas  
Sylui.  
Balsani.  
liber Pon.  
Platin.  
Naucler.*

gats si leur seule autorité eust esté assez forte & suffisante pour decider, & terminer ces affaires, ou les estouffer & enseuelir en silence. S'ils eussent esté plus grands que l'Eglise, ou l'Eglise mesme, qu'eust deuenue la foy chrestienne & Catholique quand Liberius fut soupçonné d'Arrianisme, quand Honorius I. fut Monothelite, quand Anastase II. s'embroüilla en l'erreur d'Acatius, & que Iean XXII. fut aussi bigarré de diuerses opinions heretiques qu'on voit les animaux d'Afrique marquer, & mouche-ter de differentes couleurs? en quel estat eust esté l'Eglise? que fust deuenue la creance & la Religiõ? L'Eglise auoit donc pris fin ce coup là, car la clef de Saint Pierre auoit erré, le pilote s'estoit endormy, le gouuernail luy estoit sorty des poings, il auoit ietté sa nauire dans des gouffres, l'auoit heurtee à trauers des Syrtes, des bacs d'agereux, d'escueils effroyables, & exposée à l'horreur des môstres marins. La tempeste l'auoir accablee, les on-  
des

des estoient entrees dedás, & auoient enueloppé le pilote? c'estoit donc fait del'Eglise? Et toutesfois à ceste chaude alarme c'est elle qui la premiere se leue & se redresse en sursaut, qui prend l'effroy de ce naufrage, qui esueille ces beaux conducteurs, essaye de les ramener de leurs fureurs à vn entendement plus reposé, d'apaiser ces troubles d'esprit, de leur rendre la premiere santé, & les desgager de ce peril mortel. Tantost elle les pousse, les tire, les picque iusques au vif comme apoplectiques, ou gens tombés en pasmoison, ou en conuulsion: tantost elle les tance, les menace, & enfin ne pouuant couaincre l'vn, faute de preuves bien certaines, elle excommunique la memoire de l'autre, se separe du troisieme, & condamne l'erreur du quatriesme. Puis luy donnant tout a temps d'vn sainct & salutaire ellebo-  
re, le remet en son bon sens. Voila la charité del'Eglise comme mere, voila son pouuoir comme maistresse. Je ne veux pas pourtant effacer de ce

## P H I L I P P I Q V E II.

coup de pinceau l'honneur des Papes de Rome. Car encore que quelques-uns d'entr'eux se soyent fort oubliez, ie recognoistray de bonne foy, & avec l'honneur que ie leur doy rendre que les autres ont autant & plus seruy à estaindre les maux & desordres de la Religion, à abattre & arracher les heresies que peres d'aucun autre Siege, que presque tousiours la doctrine s'est trouuee entiere, saine, & non corrompue en leurs seins, qu'ils ont moins flechy aux assauts & secousses des persecutions, & se sont moins desuoyez du chemin de la vertu & de la foy. Mais ie diray aussi qu'en ceste grande vigueur de leur gloire, en la plus forte vogue de leur reputation s'ils ont eu quelque fantasie, ou tenu vne opinion particuliere les autres n'ont pas quitté leur aduis pour eux auant le iugement del'Eglise. Que si par fois ils se sont mirez ou formez sur leur exemple, les Papes ont aussi receu le conseil d'Irenee, de saint Ambroise, & des Euesques des autres



Eglises. Ie me resous & me contente sur ce qu'en assure S. Augustin d'Estienne I. & de S. Cyprian, desquels il faiët comme deux paralelles en ses discours contre Petilianus. Les Eueſques, dit-il, des deux grandes Eglises Rome & Cartage (il nela prise pas moins que Rome) sont distraits & bandez en diuers sens, l'vn veut relauer & retaindre ceux qui sont baptizez par les Heretiques, l'autre se contente de leur Baptisme, & premiere abblution, sans les mouiller de nouvelle eau; Et en ceste contétion quelques-vns des autres Pasteurs fauorisent & cõfirment le iugement de l'vn, les autres conspirent & consentent avec l'autre, sans toutesfois rompre l'vnité de l'Eglise. Voyez comme il les egale, comme il les fait aussi puissans en raisons l'vn que l'autre, cõme il les monstre egaleement suiuis; Mais ces mots, Sans rompre l'vnité de l'Eglise, haussent & rangent euidammēt la dignité de l'Eglise sur la leur. Aussi est elle tousiours fait honorer & redouter.

## PHILIPPE II.

pour mere aux plus puissans de ses enfans, & les saincts Conciles comme ses estats & ses genereuses armées ont rabaislé l'audace, & abatu la force des plus grands Euesques qui ont mal vſé de leur autorité, ou osé mespriser la sienne. De quelque façon qu'ils se foyent donc mescogneus, s'ils ont mal versé en leur charge, s'ils ont contreuenue à ses loix, s'ils ont choppé en quelque erreur, s'ils ont poussé en auant quelque herésie, s'ils ont heurté à quelque vice, si leur vie a apporté du scandale, si mal à propos ils ont condamné quelqu'un de leurs subiects; ou violé l'amitié de leurs freres l'Eglise en a entrepris la correction & la reformation en l'assemblée d'un Concile prouincial, ou si le differend a esté si grand, & l'affaire si difficile & espineuse que ceste compagnie n'en ait esté capable, elle y a apporté le secours d'un Concile general, & par là en est tousiours venue à bout. Ce sont les reglemens des Conciles de Nice, de Sardique, de Cartage, de la Gaule

& de toutes les Eglises. Sur le des-  
 seing & l'ordonnance desquels on a  
 fait le procez en plain Concile à No-  
 uatianus, à Basilides & martialis Eues-  
 ques d'Espagne, à Paul Samosatente,  
 Vrsacius, Valès, Auxentius, Eusebius,  
 Theodore, Acatius, Dioscorus, Geor-  
 ge de Phare, Theodore de Motue-  
 stie, Cyrus d'Alexandrie, Pirrhus,  
 Sergius, Paul, Polychronius, Ma-  
 chaire d'Antioche & autres Euesques  
 des plus grandes Eglises du monde,  
 & les plus mal-aisez à marnier. C'e-  
 stoit l'ordre de l'autorité de l'Eglise,  
 cōme dit Socrate, à laquelle les plus  
 gens de bien mesme ont demandé  
 ces hauts & admirables iugemens  
 pour se purger, & faire voir leur inno-  
 cence comme Athanase, Marcellus,  
 Asclepas, Paul de Constantinople, &  
 S. Ieā Chrisostome. Vrayemēt si l'egli-  
 se est cōme l'Arche de Noé, iustemēt  
 comparee à vne nauire, si hors d'elle  
 il ne faut point esperer de salut ny de  
 vie, si hors de ses flancs on est subiect à  
 la vengeance du Deluge, exposé aux



## PHILIPPE II.

vagues & furieux affauts d'une mer irritée, le jouët des flots & des vens, la pasture & la proye des plus cruelles bestes marines, il se faut enfermer dās l'Eglise, & se loger à couuert dans la seurte de son sein. Et puis que c'est entre ses bras que nous deuons parfaire nostre nauigation & le perilleux voyage du monde, les Papes & les plus grands Euesques ont beau se donner tant de rangs d'honneur, y prendre les plus hautes places, y tenir les premieres charges, y faire les braues & y marcher à leur plaisir, il faut aller avec la nauire, cingler de mesme vent, & fendre les ondes à mesmes sillons, ou qu'on tourne, ou qu'on regarde, ou qu'on se pourmene on coule tousiours avec elle, son mouuement & son cours emportent tous les autres qui chancellent a toutes ses secousses, & qui de leur pesanteur mesme fondroyent & enfonceroyent biē tost dans l'abyssme s'ils n'estoyent supportez d'elle. Les estoiles ont beau briller la nuit, de quelque grandeur qu'elles soient pre-

miere ou sixiesme, les grandes comme les petites, les plus esclairantes comme les plus sombres sont fichees au firmamēt, qui les tient, & les possede cōme parties de ses cercles, ce sont petits nœuds de son cristall formez de sa matiere la plus luisante, la plus vnue & la plus pressée, petits clouz de feu qui attachēt sa grandeur, & qui n'ont poinr d'autre tour naturel que le sien emportez de son mouuement, & de son bransle. De mesme toutes les plus hautes Eglises, & tous les plus superbes sieges ont beau leuer la teste, ils sont dans le seing de l'Eglise Vniuerselle, petites pieces de sa grandeur, façonnees de sa propre main, estoiles dont sa riche robbe est semee, qui rollent avec elle, & ne peuuent faire autre chemin sans s'esgaller ou se perdre. Et quand elle se redresse, & se pare sa clairté offusque tous ces autres feux, & faict esuanouir à son iour ces plus viues lumieres, qui se cachent à sa veüe comme les plus beaux astres au leuer du Soleil. Que toutes ces

## PHILIPPE II.

premieres & ces plus riches chaises  
 se releuent, se haussent, & se mesco-  
 gnoissent donc tant qu'elles voudrôt,  
 qu'elles esclatent de nouuelle lune,  
 qu'elles se monstrent plus belles les  
 vnes que les autres, ce sont veines  
 d'or, & lingots de la substâce de mes-  
 me terre, & de la mesme masse, ce sont  
 pierres precieuses tirees de mesme  
 mine, & d'une mesme roche, formees  
 de pareille matiere que les pierres  
 communes, differentes d'une qualite  
 plus subtile & plus precieuse que leur  
 a donne ceste mesme terre qui les a  
 plus recuites & plus espurees d'un se-  
 cret influ du soleil, dont la vertu les  
 a ainsi animees de ce lustre, leur a  
 congelé ceste belle eau, y a inspire  
 & allumé ce doux feu qui les rend ad-  
 mirables, & esblouit doucement nos  
 yeux de ses esclairs. Toutes ces lam-  
 pes si brillantes qui nous guident en  
 la nuit de ces tenebres de mort sont  
 nourries de l'humeur de ceste belle  
 oliue des champs, qui mesnage & dis-  
 pence prudemment son huile, en res-



pand & en verse dans le vaisseau de chacune autant qu'elles en peuuent auoir affaire, par ce qu'elles se peuuent aussi tost noyer & estouffer du trop de sa liqueur, que languir ou s'estaindre pour en auoir faute. Cest Euphrate bruyant, ce Tygris, ce Gange ont bel estonner le monde de leur murmure effroyable, de la violence de leur course, de la longueur de leur chemin, & de la largeur de leur canal; ce Nil limonneux a sept bras qui engraisse l'Egypte a beau cacher ses testes & ses sources: ils sont tous fils de l'Ocean, tributaires & vassaux de la mer comme la plus petite riuere, & viennent tost ou tard de si loin qu'ils prennent leur fil & leur traicte luy faire honneur & hōmage, se desgorger & vider tous dans son sein, les petits par la bouche des plus grands, pour apres en renaistre & s'en retourner par autres conduits plus desliez. L'origine des autres grands fleuues vient de mesme lieu. de la mer ils ont pris naissance, & tressailly à petites veines, à

## PHILIPPE II.

mille sources sousterraines & secrettes . pour s'enfler peu à peu de tout se qu'ils artirent en leur chemin , & des despoüilles des plus foibles ruisseaux dont ils ont ioint les ondes à leur course , pour s'esleuer apres de si superber ondes. Il faut aussi que leur cours les plus rapides se viennent enfin descharger dans la mer, là s'escoule & se rompt leur force, & là leur mouuemēt s'esuanoüit, ceste cheute si hautaine dōt ils grōdoiēt si furieusement se rēd sourde parmy le bruit des flots couroucez , & leur train se perd dans les grādes vagues, sans qu'on en puisse remarquer seulement la trace effacee des premieres ondes de ceste grāde Amphitrite. Tous ces gros bouillons qui s'esleuoient si haut , qui ronfloiēt au parauant effroyables dans l'estroit de leur canal s'aplatissent aussi tost , & se rangent dans l'estendue de la large compagnie de l'Océan , prennent & empruntent sa couleur , s'enflent de mesme vent, vont à mesmes secousses & n'ont iamais plus grand honneur

que de resioindre leur cōmencemēt. Qu'ils ne desaduouent donc pas leur naissance, que d'un mouuementforcé & contre nature ils ne recourēt point contre-mont leur source, ils s'y perdront tousiours, & s'efforceront à leur ruine. Et quoy ces arbres verds si superbes de feuillage, qui de la teste menaçēt les nuës, qui luitent si hardimēt contre les vents les plus furieux, & estonnent les plus grandes forests de leur bruit? Ne sont-ils pas ainsi réggez d'ordre dās le pourpris d'un mesme champ, tous douëz de pareilles qualitez, tenāt de mesme nature, plātez & cultiuez de mesme main pour le seruice d'un mesme maistre? Tant de belles fleurs parces de ce tainēt vermeil, animees de si viues couleurs bigarees de tāt d'esmail diuers, dont le bel œil attire & retient nostre veuë ne sont elles pas sœurs, escloses d'un mesme soleil, venues de la peine & de l'ouurage d'un mesme laboureur, germes dans mesme terre, nourries de mesme humeur, & arrousees de mes-



## P H I L I P P I Q U E    I I .

meau quoy que differentes de proprietez & diuerſes de beauté, nō pour leur gloire mais pour le contentemēt & l'honneur d'un ſage pere de famille? En fin ces colonnes doriques, ces arcs, ces termes, ces ſtatues, ces riches tables d'attente, ces iaſpes, ces marbres de diuerſes couleurs ſont toutes pieces d'un meſme edifice. Ainſi, quoy que les particulieres Eglises ſe contrefacent, quoy qu'elles ſe parent, ſe deſguiſſent, & ſ'enorgueilliffent, ce ſont lumieres eſclairantes d'un meſme feu, fleuues pouſſez de meſme ſource, arbres d'un meſme verger, fleurs de meſme par-terre, parties de la cōpoſition d'un meſme baſtimēt, & toutes filles d'une meſme mere qui les a allaiçtees, nourries & eſleues & les plus braues d'entre-elles ne peuvent dementir leur naiſſance ſans ſe dire illegitimes & baſtardes. De là elles prēnent leur force & leur vigueur, comme leur eſtre: là vont-elles allumer le flambeau de leur foy, là vont-elles eſmouler, & donner la pointe, le

fil, & le tranchant au glaiue de leur doctrine. Et l'Eglise vniuerselle d'une mesme pierre, d'une mesme cueux les affille & les esmouffe quand elle veut. Je ne sçay comment les Papes depuis quelques anneés ont fait semblant de la mesconistre telle, & de desdaigner la grandeur de ses iugemens, comment ils ont osé faire les rudes, & les reuesches contre les efforts & les aigres pointes de sa correction, pour entreprendre en fin de s'esleuer presumptueusement sur elle. Car de tous les Euesques du monde ce sont eux qui ont plus esprouué la force & la iustice de sa discipline, de qui elle a plus souuent amendé les iugemens, & reformé les actions & la vie. C'est chose trop cognüe que le Concile d'Arles vuida l'appellation interietree de Miltiades, & que l'Eglise Gallicane print cognoissance des sentences des Papes, là où Gregoïre s'est osé ingerer de iuger seul, & souuerainement ceste grande Eglise. Mais apres ce temps, cōme Iules I. eut trait-

## PHILIPPE II.

*Arbana.*  
*Apol. 2.* tē au Concile de Rome la cause d'A-  
thanasē, l'eut declaré innocent, & di-  
gne de l'honneur & reſtabliſſement  
de ſon Siege? ce pere teſmoigne en  
ſes Apologies que ce iugement Ro-  
main fut receu au Concile de Sardi-  
que. Iules meſme en la lettre qu'il eſ-  
criuit à Narciffe, & Eusebe represen-  
tee fidelement dās les meſmes Apo-  
logies, dit que les Eueſques Orien-  
taux ne doiuent trouuer nouuelle, ny  
mauuaife ceſte façon de iuſtice re-  
ceue & pratiquee en l'Egliſe, puis que  
tous les peres du Concile de Nice ne  
s'offencerent point quand on voulut  
examiner & eſplucher la foy de leurs  
decrets és autres ſainctes aſſemblees  
de l'Egliſe. Auſſi tous les Papes n'ont  
pas eſté frappez ſi auant à ce coing  
d'ambition, ny oſé leuer le front & le  
sourcil ſi haut que quād ils ſe ſont ren-  
contrez és grands comices de l'Egli-  
ſe, eſmeus & comme eſtonnez de la  
veuë, de la preſence & grauité de tant  
d'Eueſques leurs freres ils n'ayent  
rendu l'hōneur entier à l'Egliſe, & ne



se soient plusieurs fois appuyez de son nom. S'ils se sont repus de ceste vanité ç'a esté par escrits particuliers, par lettres, lors qu'ils ont pensé qu'on ne leur pouuoit contredire. Iean IX. auoit bien excommunié Lambert & Holbard qui auoient pris & occupé quelques terres sur le siege Romain, mais se trouuât au Concile de Troye? *Gaguin. lib. 5.* en Champagne il supplia modestement l'Eglise de confirmer cest anatheme. Depuis Innocēt 3. bien qu'infinitement hardy, & grand entrepreneur fit toutesfois conceuoir les decrets du Concile general de Rome qu'il voulut publier & mettre au iour en son nom, sous l'honneur de cetemperament: de l'approbation du saint Concile. Paroles toutes couuertes de *Tom. 3. Concil.* marques bien pures & bien nettes de la reuerence & subiection que les Papes doiuent à l'Eglise, & aux Conciles. Innocent III. fut bien aussi presomptueux & aduantageux que luy: mais encores cōme la verité sort sans qu'on y pense, il luy eschappa de dire

## PHILIPPE II.

en la Bulle de l'excommunication de  
 Federic II. bastie au Concile de Lyô,  
 qu'il estoit prest & disposé à faire rai-  
 son à l'Empereur par le prudent aduis  
 des peres, & soubz la moderation du  
 Concile. La mesme en la presence de  
*Pataleo* tant de saincts Euesques le Roy d'An-  
 gleterre fist proposer des plainctes  
 estranges contre ce Pape, pour les exa-  
 ctions & leues de deniers d'ot il fou-  
 loit son Royaume, iugeant bien saine-  
 ment que les Peres estoient capables  
 & assez forts pour luy en faire iustice.  
 Car c'est aux Conciles & en l'assem-  
 blee de l'Eglise qu'on bride ces hom-  
 mes les plus farouches, qu'on arreste  
 & ramene ceux qui s'essancent trop  
 auant, qu'on a la raison des plus mal  
 aisez à manier, qu'on compte avec  
 eux, qu'on retransche leurs superflui-  
 tés, qu'on racourcit leur volée, qu'on  
 retransche seuerement leurs impuden-  
 ces & iniustices. C'est là que Philip-  
 pes Auguste, Philippes le Bel, Char-  
 les VI. Loys XII. les Empereurs d'A-  
 lemagne, les Roys d'Angleterre, de  
 Sicile,

Sicile, d'Aragon, de Portugal, de Pologne, les Venitiens, les Florentins & tous les Estats du monde ont tousiours acculé les Papes, les faisant troubler à ceste seule menace, comme petits escoliers à la veuë du maistre. Bien souuent on ne leur a pas voulu faire tant d'honneur de mander & assembler toute l'Eglise. Car les Princes conuoquans les Euesques & autres Ecclesiastiques de leurs Estats ont faiët iuger par les Synodes du Royaume les abus des sentences Romaines, casser les nullitez des Bulles & condamner les entreprises faiëtes sur leurs personnes, & leurs Empires: cōme l'on vit aux Conciles de Paris, de Baugëcy, de Tours, de Lyon, Erford, de Vvormes, de Basle, Maiançe, Mantouë, Paue, & autres semblables. Mais lors que l'Eglise recueillie en vn par les Princes s'est voulu recognoistre & desployer ses forces entieres, elle a bien plus rudement chastië ces Archeuesques Romains quand ils se sont trop oubliez au rang qu'elle leur



terrer & mettre hors du tombeau; *Pluin.*  
 puis l'ayant reüestu par mocquerie de *Sabellie.*  
 ses habits pontificaux les plus riches  
 luy fist couper les doigts, & ietter  
 apres le corps dans le Tybre. Toute-  
 fois il fut vengé de ceste demesurée  
 & desnaturee insolence par Iean IX.  
 qui au Concile de Rauenne fist brus-  
 ler de l'ordonnance des peres, en  
 la presence de l'Empereur, les violans  
 decrets d'Estienne VI. & condamner  
 pour iamais ceste rage barbare. Mais *Pantaleo*  
 l'Eglise ne se fist elle pas bien voir en-  
 cores plus grande & plus vigoureuse  
 quand sous l'Empire d'Otton I. elle *Luilpr*  
 deposa Iean XII. dans le temple de *lib. 6. ca.*  
 saint Pierre? Quand elle fist chasser *10. Blöd.*  
 & enuoyer en exil perpétuel Benoist  
 V. qui se disoit Pape comme luy? C'est  
 ainsi que d'un seul coup elle fist sentir *Blond.*  
 son autorité, & la vertu de son cou- *crant.*  
 rage à trois Papes, Benoist IX. Sylue- *4. cap. 4<sup>e</sup>*  
 stre III. & Gregoire VI. qu'elle destitua *in Saxons*  
 & chassa au Concile Sutrin sous la  
 direction & pieté de Héry III. Hilde-  
 brand n'estant que moine de Cluny

## P H I L I P P E   I I.

entreprint bien de faire souffrir ceste discipline & la force des Conciles à Benoit X. qu'il eust le credit de faire priuer du Pontificat en vn Concile Romain, pour subroger & substituer en sa place Nicolas II. Mais apres que par ses artifices il fut luy-mesme promu & aduancé à la chaise de S. Pierre sous le nom de Gregoire VII. qu'il eust mis le feu aux quatre coings de la Chrestienté, attiré sur soy l'enuie & la haine de tous les Roys, & les dernieres imprecations de toutes les Eglises il voulut mesconnoistre & gauchir ceste iurisdiction. Toutes fois l'Eglise faisant reluire bien viue & bien esclairée ceste dignité en sa main, le depoussa & excommunia à Bresse à Vvormes, & depuis Mayance & à Paue.

*Auëtim.*

*5. Ann.*

*Boior.*

Cest arrest eust esté reellement, & vigoureusement executé si ce Pape eust peu estre representé en personne: mais il recourut à la force, & fit la guerre pour toute requeste ciuile contre la grauité de ce souuerain iugement. Paschal II. s'apperceuant par

l'aduertissement de sa mauuaise vie, mesme qu'on le vouloit manier de ceste iustice, fila d'ouï tant qu'il fut pres de l'Empereur, & fit apparence de ce soubz mettre à la grandeur de l'Eglise. Mais s'estant sauué en France pour leuer plus à l'aise vne puissante armee en Italie, on n'en peut iamais tirer raison, tant il deuint bon Capitaine. Honoré II. n'en eu pas si bon marché. Estant amené en la face de l'Eglise assemblee à Mantouë, Hanno Archeuesque de Coloigne luy proposa ses accusations cōme à Alexandre son aduersaire, leur fit les interrogatoires, exerça contr'eux tous actes de iuge legitime: & en fin le Concile osta d'un arrest eternal l'Euesché de Rome à Honoré. On eust fait autant à Adrian III. à Alexandre III. & autres s'ils ne se fussent retirez en France leur abry, & leur port ordinaires es orages de leurs afflictions. Toutefois les Conciles mādéz pour leur destitution ne laisserent pas de proceder contr'eux, & de les exautorer.



## PHILIPPE II.

par coustumace. Si Boniface VIII. ne fust mort de rage Philippes le Bel estoit resolu de le ranger là. Mais encôres que sa mort eust prévenu ceiu-  
gément qui eust esté exemplaire, & effroyable a tous ses successeurs, on luy fit le procès au Concile de Vienne, ou le Pape Clement V. vouloit faire condamner pour iamais sa mémoire pour monument de la grandeur, & de la gloire de France. Enquoy parce qu'il estoit desia mort frappé du iugement de Dieu mesme, les peres se contentèrent pour couvrir & cacher les hontes de l'Eglise Romaine, de casser les injurieux decrets qu'il auoit semez contre la Maiesté du roy, & l'honneur de ce Royaume. On alla vn peu plus hardiment contre Iean XXII. En plain Cōcile ou présidoit son Antipape esleu par Loys de Baviere, en presence d'vne grande trouppé de Cardinaux il fut iugé heretique, & comme tel brulé en peinture. Ce qu'au parauant Estienne XII, & les Euesques assemblez à Rome auoient fait

*Iean le  
Maire.*

*Crantz.*

sentir en effect à Constantin bruslé  
 tout vif cōme dit Marianus Scotus, &  
 mis en cendre par arrest d'un Conci-  
 le, encores qu'il eust esté autresfois re-  
 ceu & recogneu pour Pape legitime.  
 Iamais l'Eglise ne se mōstra plus forte  
 ny plus genereuse en ces nobles fun-  
 ctions, ny si hardie en l'exercice de  
 sa discipline qu'ez Conciles de Pise  
 & de Constance, ou elle donna des  
 preuues bien sensibles, & d'eternels  
 tesmoignages aux Papes qu'elle estoit  
 la mere & la maistresse, & leur fit voir  
 pour vn bon coup qu'ils estoient de *Naucler*  
 beaucoup inferieurs à sa dignité, & *La mer*  
 à la grandeur de ses iugemens. A Pise *des hist.*  
 Benoist xiiii. qui tenoit le Siege en *Sabellie.*  
 Auignon, & Gregoire xii. qui presi-  
 doit à Rome furēt citez pour respon-  
 dre de leur vie, ne comparans point  
 le procez leur fut faiēt par deffauts, &  
 tous deux perdirent le Papat par de-  
 cret des Peres qui creerent en leur  
 place Alexandre V. Apres la mort *Naucler.*  
 duquel Iean xxiii. qui s'estoit esleu *Platin.*  
 loymesme, Gregoire xii. & Benoist *Monf. ol.*

## PHILIPPE II.

XIII. qui retenoient encores le nom de Papes contre l'autorité du Concile de Pise ; & au mépris des iugemens de l'Eglise, furent tous trois sous la conduite de la sage prudence de l'Empereur Sigismond adiournez à Constance, ou par vn saint arrest les peres les mirent hors de leurs dignitez. Il est vray que Iean XXII. bien que preuenu de quarante chefs d'accusation pour s'estre humblement abaissé & soubmis volontairement à la correction de l'Eglise fut laissé en l'ordre des Cardinaux pour obeir à Martin 5. promu par sa priuation au siege de Rome de l'autorité de l'Eglise. Là les peres cōclurēt deux genereux decretz, rafraichis & grauez en lettres d'or sur le front de l'eternité au Concile de Basle. Par lesquels l'Eglise militante & les saints Conciles furent esleuez par dessus toutes dignitez Ecclesiastiques, voire Papales, & declarez legitimes & capables de faire le procez aux Papes, & de les destituer quand ils en appresteroient occasion.

Tom. 3.  
 & 4.  
 Concil.



Eugene III. fut passé par la iustice de ces loix , & eust souffert l'exécution de sa destitution ordonnée en ce Concile , si nos Roys ne l'eussent garenty. Mais les peres ne peurent poursuivre ceste belle poincte de leur vertu faucee & interrôpuë par Loys XI. lors Dauphin, qui menât vne forte armee iusqu'aux portes de la ville de Basle, ne voulut iamais permettre qu'un Pape authorisé & appuyé de la grandeur & Maiesté de France fut ainsi ignominieusement dégradé. Bien fait que les Romains ont mis en oubly cōme beaucoup d'autres, & dont Gregoire auoit destourné à dessein sa veuë, pour ne rougir point de honte vaincu de l'infinité des biens, & graces de nos Roys. Voilà donc maintenant la force & la constance tant vantée des Bulles des Papes , voilà l'airain eternal & l'immutabilité de leurs Decrets, voilà cōme l'Eglise ne les a osés branler, comme elle a respecté & espargné leurs personnes mesmes quand ils l'ont offencée, & prouoqué sa iusti-

Sessio 34

Tom. 4.

Concil.

Pantaleo

reuses traces de ses ancestres, quand elle ne voudra point dementir leur grandeur, l'honneur de sa naissance, & l'ordre de sa succession, elle seule se trouuera assez grande, assez capable & assez forte pour reuôquer & annuler tous ces abus, & les reduire en fumee. Qui la rendroit plus foible qu'au temps de ses peres au Concile d'Arles? Est-elle moins courageuse, moins affectionnee, ou moins fidelle que sous le regne de nos autres Roys, ou les Euesques de France ont brauë les Romains, & se sont moquez de leurs vaines censures? A elle moins de cœur & de valeur que les Eglises des autres Royaumes qui se sont vertueusement reuêchées de semblables iniures? Le nom de l'Eglise Gallicane va bien loing deuant les autres; elles n'ont fait qu'imiter ses pas, mouler & façonner leur vertu sur ses beaux exemples; & ne viennent qu'apres nous. Encores qu'une partie de ceste Eglise ait oublié sa premiere grandeur en tremblant si poureusement au bruit de

## 301 PHILIPPE II.

ces tonnerres, & mesconnoissant l'obeissance qu'elle doit à son Roy, combien que nostre Eglise semble bādee, deschiree, diuisee en soy-mesme, que l'Espagnol pour s'aduanecer de nos contentions nous ait dressé autel contre autel, esleué temple contre temple, toutesfois celle qui est demeuree constante dans les termes de son deuoir, qui n'a iamais fleschy n'y ployé à tant de rigoureuses alarmes qu'on luy a donnees, tousiours ferme, immuable, de mesme visage, vrayement Gallicane & Françoisse attirera en fin l'autre partie qui s'estoit retiree d'elle, & fera paroistre aux perturbateurs de nostre Estat & de son repos, qu'elle est aussi grande & vertueuse que iamais, que les playes qu'elle a receuës de ces diuisions ne l'affoiblissent point, ne luy abbatent point le cœur, & ne pourront iamais flestrir le lustre de sa viuë dignité. Elle par des effectz genereux montrera bien aux ennemis de sa fidelité, & aux enuieux de sa gloire, qu'elle re-



tient tousiours son autorité ancienne, son pouuoir, ses libertez, & honorables prerogatiues. Dieu luy suscitera des Hirences, des Hilaires, des Saluiás des Droçons, des Hincmarus, des Arnouls, & des Gerbers qui ne la lairrôt ny diminuer ny deschoir. peut estre ne fera-il point hors de propos de parer ou pour le moins d'accroistre cest ourage d'une medaille de l'Eglise Gallicane, bien qu'encores vn peu rouillée, crasseuse, & mal polie comme fraichement trouuee dans les masures de tant d'anciennes ruines, deterrée de l'oubly, & de la longueur de tant d'annees. Les tableaux de nos ancestres nous releuent le courage, & nous sont autant d'esperons & d'irritemens de vertu. Les marques & les preuues de la Noblesse Romaine consistoyent en la monstre des plus vieilles & plus enfumées images, c'estoit l'escolle d'honneur des Romains, par là ils s'animoyent à la gloire, & la veüe de tant de rangs de statues de leurs ayeuls, le seul regard des lieux ou el-

## PHILIPPE II.

les estoient plâtes les renuoyoiēt tous  
 enflammez d'ambitieux desirs, & d'vne  
 genereuse enuie sur les victoires  
 paternelles. Que ceste image est agreable  
 comme accomplie de beaucoup de rares parties  
 qui la peuuent faire admirer. Soit qu'on en  
 prene les perfections ensemble, ou qu'on en di-  
 uise les traits, on trouuera qu'ils mar-  
 quent, & demonstrent tous vne extra-  
 ction bien ancienne & bien haute, &  
 donnent de certaines apparences du  
 bon lieu de son origine. Sa premiere  
 rencontre porte quelque chose de  
 fort noble sur le front, son regard don-  
 ne lumiere d'vne magnificence natu-  
 relle, sa graue contenance monstre  
 vne grandeur de cœur, elle descou-  
 ure par tout vne beauté nonpareille,  
 & ne voit on si petit poinct en elle qui  
 ne comprenne les misteres de quel-  
 que grande vertu. Efforçons-nous de  
 la descrire, & d'en faire parler le ta-  
 bleau. On diroit à la façon qu'elle  
 trouue estrange que le Pape Innocent  
 I. ait si hardiment aduancé qu'elle a

esté fondée, bastie, & accruë par S.  
Pierre, & ses successeurs au siege Ro-  
main. Ce pere s'estoit de beaucoup  
mesconté, la France ne doit l'obli-  
gation & l'honneur de la naissance de  
son Eglise qu'à S. Paul, s'en est le fon-  
dateur & le pere. Il enuoya Cresceus *Euseb. l.*  
l'un de ses disciples en Gaule, qui pla- *3. cap. 3.*  
rant l'Euangile à Vienne donna com- *Ado Vie*  
mencement à nos Eglises, escluses en *nē. etat.*  
mesme temps que la Romaine, d'une *6.*  
mesme portee, sous le bon-heur &  
l'influence d'un mesme accendant. Il  
est vray que Adon de Vienne, & Pier-  
re le venerable Abbé de Cluny ac-  
couplent vn compaignon de gloire à  
Cresceus, soustenât que Trophime for-  
ty de la mesme eschole de S. Pol vint  
establir l'Eglise d'Arles. Ainsi quel-  
ques histoires, & vies des saincts  
creent en mesme temps Nathanaël  
Euesque de Bourges, le Lazare de  
Marseille, Simon du Mans, S. Gatian  
de Tours, S. Saturnin de Thoulouse, *Gre. Th.*  
& S. Denis de Paris, que Gregoire de *ron. lib.*  
Tours rapporte & reiette tous avec *1. ca. 30.*



## PHILIPPE II.

Trophime mesme en vn siecle plus reculé sous l'empire de Decius. A ces premiers peres de nos Eglises quelques-vns adioustent Paul Euesque de Narbonne, Strémonius Euesque d'Auvergne, & Martial Euesque de Lymoges, dans les labeurs desquels les yeux les plus clairs, les plus aigus, & les mieux voyans ne sçauroyent remarquer ny traces ny vestiges de ceste fondation romaine. Le Pape Zozime mesme rabbattant ceste presumption de son predecesseur, tesmoigne en vne epistre que les beaux fleuues de la foy qui ont arrousé si fecondement la Gaule ont roulé du sein de Trophime comme d'vne eternelle & plantureuse source. Il auoit bien raison de la nommer ainsi. Car ceste celeste origine fut si fertile, si feconde, & si croissante que voila soudain vn grand nombre d'Eglises espanduës par la Gaule, à Arles, à Vienne, à Lyón, & autres endroits, comme on void par l'e-

*Euseb. li. iij. epistre du martyre de nos premiers*  
*5. cap. 2. saints rapportee par Eusebe. Tertulien*

faiçt

faict honorable mention de ces Egli-<sup>Tertul.</sup>  
 ses Galicane si fameuses ; S. Cyprian <sup>contra</sup>  
 louë celles de Lion & d'Arles, mon- <sup>Iudeos.</sup>  
 stre qu'il y auoit fort grand nombre <sup>Cyprian.</sup>  
 d'Euesques en Gaule, & Gregoire de <sup>lib. 3. ep.</sup>  
 Tours faict naistre sept de nos plus <sup>13.</sup>  
 beaux sieges au temps mesme de ce  
 grád Prelat d'Affrique. Les gráds per-  
 sonnages que nos Eglises eurent pour  
 Euesques les rendirét ainsi renômées  
 & celebrees, & leur firent leuer la teste  
 pour fleurir en hõneur & sainteté en-  
 tre les premieres Eglise du monde.  
 Car Martin disciple des Apostres, & <sup>Ado Vie</sup>  
 Zacharie se faisoiet admirer à Vienne <sup>dés.</sup>  
 dés le temps de Trajan, ausquels Iu- <sup>etat. 6.</sup>  
 stus succeda : Photinus illustra l'Eues-  
 ché de Lion, par la mort duquel Ire- <sup>Enseb.</sup>  
 nee l'un de ses Prestres promu à la <sup>5. cap. 4.</sup>  
 dignité de ce Siegerendit tant de vi-  
 ues preuues de vertu, de courage, &  
 de doctrine qu'il fut aussi tost reco-  
 gneu pour le premier Euesque de son  
 temps, Prince des Eglises de Gau- <sup>Fasciana</sup>  
 le. De son aage presque Regulus tint <sup>lus tems</sup>  
 l'Euesché d'Arles, Lutian celle de

## PHILIPPOVE II.

*Vincen  
ius.*

Beauuais, Caranus prescha à Chartres Taurinus à Mureux, Gágoricus à Cambray, Victorinus à Poictiers, Benignus disciple de S, Policarpe sema la parole de Dieu par tout la Gaule, & ainsi la plus part des sieges furent remplis, & garnis de graues pasteurs. La saincteté desquels apporta tant de voguc & de reputation à nos Eglises, en espendit le non & la gloire si auant & si loin, que lors des troubles qui entamerent si au vif l'Eglise pour les heresies de montanus, Alcibiades, & Thedorus la Phrigie si esloignee, & si escartee ne s'adressa point pour composer son schisme à l'Eglise Romaine, qui en fut elle-mesme troublee, elle regarda vers la Gaule, choisit Irenee trouué seul capable pour remedier à ce mal croissant, qu'il ar-

*Euseb. l.*

*s.c. 3*

resta & estaignit heureusement. Hé comment se fust-on plustost retiré & pourueu à l'Eglise Romaine qu'à la nostre? Ses Euesques s'estoit si profondement en dormis, que beaucoup d'erreurs, comme meschantes herbes



nées & poussées de la culture negligente, & du foible labourage luy firent estrangement la guerre, contre lesquelles on n'esprouuany ne tira secours que de la Gaule. Les epistres *Enseb. l. 1* d'Irenee à Blastus, & Florinus mon- *5. 19.* strerent assez ceste necessaire assistance. Aussi voit-on bien comme ce grand pasteur Gaulois plain d'autorité & de courage manyoit vertueusement *Enseb. lib 5. cap. 24* le Pape Victor, comme il releuoit les autres quand ils s'esgaroient de la raison, ou bleissoient la societé Ecclesiastique, comme il descouuroit à nud leurs veritez, & reprimoit aigrement leurs entreprises. Depuis ce temps Dieu benit tellement la paine des ouriers qu'il auoit enuoyez pour remuer ce champ fertile de la Gaule. qu'on vit nostre Eglise croistre sensiblement en sainteté, s'auancer en honneur, & se rendre admirable & redoutable tout ensemble par tous les effects & les marques qui peuuent exprimer, & designer la grandeur d'une Eglise. Car si le sçauoir, la constance

## PHILIPPE II.

de la foy, les belles & frequentes couronnes de martyre, les trophées honnorent des despouilles des ennemis de la Religion seruent à l'ornement des Eglises, la Gaule parée de tant de beaux & graues escrits de ces sçauans Euesques, tousiours moité du sang de ces champions qui vainquent par la patience, moins combatue des monstres d'heresie, moins ployée de la droicte doctrine & de l'anciēne creance, glorieuse d'auoir rompu les assauts de tant de schismes, & d'auoir heureusement triomphé de tant de sectes desreglees qu'elle a surmontees doit tenir les premiers rangs, & meriter les plus hautes places. Les lettres escrites sur la passion d'Attalus, & autres genereux combatans, les anciens Martyrologes, & les registres de toutes les Eglises sont preuues eternelles de ces honneurs iustement gaignez parmy tant de combats contre le monde. Que si le nombre des particulieres Eglises, la diuersité des sieges, & la multiplicité des riches Monasteres

*En feb. 5*  
*cap. 1.*

peuvent adiouster quelque trait de dignité à ceste grandeur remarquable: la Gaule a esté si populeuse, si fertile, & si nombreuse en Eglises qu'en ses premiers Conciles dont l'enuie *Epist. 51* du téps ne nous a laissé que les traces, *Gr 52.* on a veu iusques à quarante quatre *Leon 1.* Euesques de ses seules prouinces, & ses Eglises ont tellement augmenté par sa culture religieuse, & la deuotiō des Roys qu'on peut au iourduy compter & recognoistre plus d'Eueschez & d'Abbayes en France, qu'en trois autres des plus puissans Royaumes de la terre. Mais si les graues personages & les Euesques de nom ont mis en credit & en vœu, & esleué hautement toutes les anciennes Eglises, voyci Irenée, Marinus d'Arles, Maurin, Iustus de Lyon, saint Hilaire de Poitiers, Exupere, Gennadius, Saluian, Cassian, Eucherius, Salonius, Hilaire d'Arles, Prosper de Guyenne, Mamertus, Nicetius, Loup de Trois, Sidonius d'Auuergne, Drogon, Hincmarus, Arnoul d'Orleans, Gerbert de



## PHILIPPE II.

Reims, Iuo de Chartres, Iean de Sarrisbury, Pierre de Bloys, S. Bernard, Pierre le venerable, Hildebert du Mans, & vn grand nombre d'autres qui se presentent comme riches & puissantes colonnes de l'admirable bastiment de nostre Eglise, & solides pilliers de la Religion Chrestene. En fin si la police, l'ordre, la discipline, la conduite, & la facon du gouuernement tesmoignent la saine composition, & la iuste & mesuree harmonie de ces corps mystiques, il n'y a Eglise qui puisse faire monstre de si grande quantite de Conciles, plus anciens, n'y mieux remplis de Religieux decrets, qui ait tant fait d'essais de ces remedes necessaires pour entretenir la vigueur & le cours de la foy, & la purete de la vie Chrestienne. Car des que l'Eglise Romaine commença d'assembler ses Synodes contre l'heresie des Montanistes, la Gaule estala glorieusement les siens. Ce fut à Arles que pour abatre le schisme des Donatistes le premier Empereur Chre-

Ensb. 5.  
cap. 3.

stien consacra les primices de sa pieté  
 & du soin de la Religion, vouant à  
 la grandeur de la Gaule vn des pre-  
 miers Conciles que vit l'Eglise apres  
 qu'elle eut cōmencé d'enfater les Roys  
 Et Adon de Viēne tēsmoigne que ce *Adn. vie*  
 grand Concile d'arles tenu du temps *renf. et a*  
 de l'archeuesque Maurinus, fut com- *6.*  
 posé & remply du nombre de six cēs  
 Euesques, choses qu'on ne vit pres-  
 que iamais qu'au Concile de Calce-  
 donne. Mais la Gaule negligea elle  
 depuis les preceptes de ceste purga-  
 tion, & le bel ordre de ceste police?  
 lors que les Eglises Affricaines se font  
 renommer par la grauité & la fre-  
 quence de leurs Conciles de Cartage  
 & de Malte, la nostre produit & met  
 heureusement au iour les autres Con-  
 ciles d'Arles, de Valence, de Bazas,  
 Carpentras, de Tours avec vn grand  
 nombre de semblables? & a longue-  
 ment continue ces lustres & censures  
 pour la guerison & reformation de  
 tous ses membres, & la conseruation  
 de sa gloire, sans mouuoir ny depen-

## P H I L P I Q U E II.

*cap. 18.* dre en rien des Papes. Au contrai-  
*Tom. 1.* re ce grand Concile d'Arles si nom-  
*concil.* breux enioint à tous les Euesques de  
 la terre quelque part qu'ils soient de  
 ne marquer iamais aux Synodes pu-  
 bliez de l'autorité de l'Archeuesque  
 d'Arles: & Leon I. se plaint en vne  
 epistre qu'il adresse aux Prelats de la  
 Prouince Vienne, depuoy Hilaire  
*Leo 1. epi.* d'Aales tenant fermes les prerogati-  
*89.* ues de son sieges indisoit sans luy les as-  
 semblees Ecclesiastiques de la Gaule,  
 Que si l'exil des Papes les a faictz rem-  
 contrer en nos Synodes, les Euesques  
 de France assistez de S. Benard s'a-  
 uancet pour conclure & dresser seuls  
 les couffessions de foy à leur veüe, &  
 sans qu'ils y mettent la main: d'où for-  
 tirent les grandes prises des Cardi-  
*Orophin.* naux d'Eugene III. contre ce S. Abbé  
*ingenj. li.* au Concile tenu à Paris pour la ceuse  
*1. c. 55. c.* de Gibet Euesque de Poictiers. Je  
*in. Siegb.* ne nieray pas que les Papes s'estant  
*Naucler.* ainsi jettez dans les bras de nos Roys  
 pour se desgager, & tirer de la pres-  
 se de tant de querelles de leurs puis-  
 sans



sans ennemis, n'ayent assemblé quel-  
 ques Conciles en France; mais ça esté  
 par souffrance & permission de leurs  
 Maiestez, qui estant de tout temps en  
 possession de ce droit, leur accordoiēt  
 ainsi ceste partie de police, comme  
 pour carcéser de quelque nouuel hon-  
 neur la venue de leurs hostes, qui se  
 vouloient ainsi incorporer en nostre  
 Eglise, ayant esté chassés de la leur. Il  
 ne se faut donc point estōner si saint  
 Hierosme racontant les Eglises, qu'il  
 met en teste à la Romaine, donne le  
 premier lieu à la nostre & ie ne crain-  
 dray poinct de dire que le siege Ro-  
 main ne sçanroit rie mettre en veuë  
 de si beau ny de si noble, que nous  
 ne luy oppositions des choses aussi pre-  
 cieuses, que nous ne lesblouissions  
 d'aussi vifs esclats de gloire, que nous  
 ne fassions presque passer son plus  
 haut lustre des esclairs de la lymiere  
 de nostre Eglise. Rome se pare pour  
 la monstre de deux superbes & ri-  
 ches ornemens, du nom d'Apostoli-  
 que, & de la dignité du Primat. Mais

## PHILIPPE II.

la France n'a-elle rien de pareille  
beauté, & de mesme lueur? Qu'on  
regarde les premiers Conciles d'Or-

*In Concil.* leans, d'entree on trouuera que nos  
*1. Aurel.* Euesques s'appellent tous Apostoli-  
*Tom. 2.* ques, & que nos Roys les salüent de  
*Conc.* ce titre d'honneur: que les Euesques  
*Greg. Tu-* assemblez au Concile de Poictiers  
*ronens. lib* conçoient les lettres qu'ils enuoyent  
*9 cap. 41.* aux peres demeurez à la cour de Gō-  
tran avec ces honorables inscriptiōs,  
essentieles & inseparables de la digni-  
té episcopal: & Benoist Diacre de  
Maience monstre cōme nos Pastens  
se maintenoient constamment en ceste  
honneur de la succession des Apo-  
stres. Beaucoup d'autres Eglise ont  
sans enuie partagé comme nous ceste  
marque de gloire avec les Papes.  
Gregoire de Nazienze en peint & en  
dore son siege: les peres du Conci-  
*Theodoret* le de Sardyque adressent les confes-  
*lib. 2. c. 8.* sions de leur epistre synodale à tous  
*Idem lib.* les Euesques de l'Eglise Catholique &  
*5. cap. 9.* Apostolique quelque part qu'ils soiēt:  
Les peres du Concile de Constantino

PHILIPPIQUE II. 110

ple appellent Antioche vrayement  
Apostolique: les Euesques Oriëtaux  
faisans responce à la lettre de Dama-  
sus apres le grand Concile Romain  
se disent ses compagnons au Royau-  
me Apostolique? & S Hierome nom-  
me esgallement tous les Euesque suc-  
cesseurs des Apostres. On voit ainsi  
au Concile d'Agde, dans Sidonius & *Cap. 35.*  
les autres de son aage cōme nos Pre- *Tom. 1.*  
lats se donnent tantost le non de sou- *Concil.*  
uerains Pontifes, tantost de Princes  
des Euesques, & autres semblables  
dont toutes les premieres chaise se  
peuvent iamais estre parees. Quand  
au Primat i'en croy les Papes mes-  
mes, & le tesmoignage incorruptible  
des morts. Car Eleuthere en la lettre  
qu'il adresse aux Euesques de Gau-  
le confesse que I E S V S C H R I S T leur  
amis sur les espaules la conduicte de *Tom. 1.*  
l'Eglise Vniuerselle, à fin qu'ils pren- *Concil.*  
nent le soing de toutes les Eglises,  
trauailent constamment pour elles,  
& les aydent & secourent au besoing.  
Si cen'est vne marque indubitable de



## P H I L I P P E II.

Primat, ieneſçay qu'elles proprie tez  
 & qualitez plus certaine ils enfer-  
 ment en la definition du leur. Il euſt  
 eſté bien mal-aiſé à ce Pape d'ymbra-  
 ger & obſcurcir ceſte gloire à le Gau-  
 le, qu'elle a ſi anciennement acquiſe,  
 & ſi longuement conſeruee. Car que  
 peut-on dire autre choſe des tauaux  
 Chreſtiens, & des ville ordinaires  
 d'Irenee de courir ainſi par le mon-  
 de, de ſoulager les Eglife affligees,  
 d'asſiſter & deffendre la Romaine au  
 fort de tant deguerres, & de trauer-  
 ſes d'heresies? Comment peut-on  
 nommer autrement ce partage de la-  
 beur & d'honneur baloté entre S. Hi-  
 laire Eueſque de Poictiers, & Eusebe  
 de Vercelles quand ils entreprindrent  
 de viſiter & reformer toutes les Eglif-  
 ſes d'Orient, & d'Occident? De voir  
 S. Hilaire apres ſon retour d'exil aller  
 regler l'Eglife Romaine, & repurger  
 toute l'Italie? Ceſte inſpection ſi ge-  
 neral eſprouuee ſi neceſſaire par Ro-  
 me meſme ne rapportte-elle point de  
 traits bien nets, & bien apparans de

Rn. lib.

1.ca. 30.

31.

Primat Ceste dignité qui faict si viuement esclater nostre Eglise, qui estant ses rayons si loin iusques dans l'Italie, & dans les portes de Rome mesme n'est pas desnuée de bons tiltres, ny desprouuë de forts & ancines appuys, confirmez d'une longue possession, Car dès le temps que l'Italie & la Gaule seruoient vn mesme maistre qui pouuoit ordonner à son gré de ceste prééminence, nous trouuons par vne nouuelle de Theodose II. & Valentinian III. que Léon I. s'estoit plaint à eux de ce qu'Hilaire d'Arles faisoit tout office d'Archeuesque absolu en Gaule sans attendre son aduis, ny son iugement. C'est dequoy ce Pape pensoit ietter ce saint & genereux Euesque. conseruateur de nos libertez en l'enuie de ses freres, luy reprochant qu'il affectoit comme vne principale sur nos Eglises, qu'il deposoit les Euesques cōme Celidonius & Proiectus, qu'il en instituoit de nouueaux, & indisoit les Consiles, pour se donner la iurisdiction entiere sur le Cler-

*Leo. I. c. 89 ad Epi  
scop. per  
Viennens  
Provin.  
Const.*

## PHILIPPE II.

g  de Gaule. Et toutesfois vn grand nombre de peres en plain Concile auoient attach  & coll  ce droit au siege d'Arles. Car apres que le Concile de Nice eust fait en gros l'estat & le departement des Archeuesques, ou Patriarches, la Gaule se forma vn Primat au Concile d'Arles qui suiuit de bien pres l'Assemblée de Nice, en apandit les tiltres   la ville d'Arles, & resolu que la conuocation de ses Conciles, comme toute la police des autres affaires seroit sous la direction del' Archeuesque de ceste Eglise, avec menasse d'Anatheme   qui contreuindroit au reglement de ce d cret. Il est vray qu'au Concile de Turin sur la cont tion esmu  entre les Prelats d'Arles & de Vienne, on arresta que la prerogatiue dem urerait   celui dont la ville seroit capitale de la Prouince. H neur deu   la ville d'Arles, ou les Empereurs ont fait residence, & tenu autrefois leur siege, & qui   port  quelque temps le titre de Royaume. Aussi ceste belle prefe-

*Concil.*

*Arl. 1.*

*Cap. 18.*

*Tom. 1.*

*Conc.*

*Cap. 1.*

*Tom. 1*

*Conc.*



rence, & la dignité du Patriarchat ne s'yternist que bien tard. Elle estoit en cores florissante & vigoureuse du temps de S. Gregoire, qui enuoyant Augustin en Angleterre luy deffendit de rien toucher à l'Eglise de France cōduite, & gouuernee de l'œil de l'Archeuesque d'Arles: & dōt le siege estoit fort redouté des Papes comme remarquable par vn des plus grands iugemens de l'Eglise, qui diffiera à la Gaule l'honneur des appellations interiectees de la sentēce du Papes Mil-tiades. Il ne faut donc pas s'estonner si ceste grandeur de l'Eglise Galicane faisoit porter anciennement aux Pasteurs de ses premieres chaise les titres de Patriarche, qui sont les plus grands noms qu'on ait iamais donné aux plus hautes Eglise comme la Romaine. Enquoy puis que nous en sommes si auant il faut que i'acheue de dire ce que i'en ay sur le cœur. Je hay les changemēs d'estat en l'Eglise comme es Royaumes, & lors que les Papes n'apporteront poinct d'altera-

*Greg. Tu-  
ron. lib. 5.  
c. 20.*

## PHILIPPE II.

tion à l'ordre de l'Eglise Gallicane qu'ils n'abuseront point contre nous de l'autorité de leur siege comme Gregoire, ie seray tres-aise de voir du rer nos alliances en la façon qu'elles ont esté iurees & longuement entretenues par nos peres ; tant que l'honneur du Roy, & la liberté du Royau-  
me n'en ressentiront ny affoiblissement ny perte. Mais quand les papes se lair-  
ront emporter au fil & au courant des temeritez de Gregoire, qu'ils suivront  
la piste de ses violentes actions, & que  
notre sage Prince voudroit monter  
& esleuer au titre de Patriarche quel-  
que Siege de France pour l'oposer &  
en faire teste à ces entreprises Romain-  
nes, comme par la vigilance & inspe-  
ction general de toutes nos Eglises:  
Je diray oñfidentement qu'il seroit  
au pouuoir de sa Maiesté de le creer  
& le stablir ou il voudroit, quil n'ex-  
cederoit en rien les droicts Royaux,  
& ne violeroit point les loix de la po-  
lice de leglise. Car pourquoy est-ce  
donc qu'on a dōné l'honneur du pre-  
mier

mier siege à Rome qu'au n<sup>o</sup> de la premiere ville, & en cōsideratiō de l'Empire? Pourquoy la ville de Constantinople a elle obtenu le second rang qu'en faueur des Empereurs, & cōme renduë la seconde Rome par le changement de leur demeure, par la translatiō des enseignes Royales, & l'attraction de la Majesté de l'Empire? Pour qu'elle autre raison a elle deuancé les autres trois sieges Archiepiscopaux qui en auoient la marque plus antiēne? A qui importoit il plus qu'aux princes d'auoir l'œil ouuert sur ces charges si grandes? qui en pouuoit mieux disposer puis qu'elles estoient si redoutables à leurs estats, images de leurs sceptres esclats & pieces coupées de leur ancienne Courōne, eclipsēmēt de leur souuerain pontificat? Encorés que ce Pape qui est allé songer tant de degrez de Pontifes Ethniques nous ait voulu conter que sur ce dessein on auoit basti & formé l'ordre des Metropolitains, & Archeuesques & qu'on en auoit attaché la dignité à

*Platin.  
in Bonif.  
Can. 3.  
Synod.  
Const.*



## P H I L I P P I Q U E II.

mesmes villes, ne sçait-on pas que ces noms de commandement n'auoiēt esté ouys en l'Eglise qu'un bien peu de temps auant le Cōcile de Nice? qu'auant cest aage on ne cognoissoit que le nom des Euesques? & que ce? tiltres plus releuez sont plustost nez de la grādeur des villes, de la personne des Euesques qui y ont auancé leurs sieges, ou de la grace des Princes, que de vertu particuliere affectee plustost à la charge del'un que de l'autre? Ne voyons nous pas que les villes qui possedoient l'honneur de premiers Magistrats politiques. ou ils faisoient leur ordinaire residēce, ou ils auoient planté, & arresté leur tribunal ont attiré comme par la force d'un exemple, & d'une consequence necessaire les sieges des Euesques & Archeuesques, pour les proportions, les similitudes, & les conionctions de leurs offices, pour la relation du spirituel au temporel? Pour ces raisons les Empereurs Romains ont tousiours estimé, & iugé prudem-

ment estre de leur grandeur, de departir & distribuer les places des vnes & des autres dignitez, d'accroistre à leur plaisir l'honneur des Sieges Ecclesiastiques comme des Magistrats ciuils, & de donner le territoire aux vns & aux autres aussi grand qu'ils ont voulu, ou pensé estre nécessaire à l'exercice de leurs iurisdctions. Aussi la loy de Zenon declare qu'à sa maiesté seule touche de disposer de l'ordre, rang, & prerogatiue des Patriarches. Mais les Princes n'ont-ils iamais pratiqué ce droict? se sont-ils fermes & retenus aux simples termes de puissance, sans la produire en acte, & la monstrier par effect? Le Roy feroit-il yci nouuelle ouuerture? esbrecheroit-il le premier ces pretentions Romaines? Qui ne sçait point que Iustinien se resouenant de la grandeur, & du long courage des Eglises Affricaines qui n'auoient iamais sceu ployer sous tant d'entreprises de la Romaine recueillit & assembla en l'honneur de Cartage la gloire & les prééminan-

*L. decer.  
C. de sac.  
cr. Eccle.*

*Nonnel.  
37. &  
131.*

## PHILIPPE II.

ces de tous les Sieges, & monta ceste ville à la dignité du Patriarchat?

*Nouvel.* 9. N'auons nous point encores ces nouuelles qui ont esleué, & rehaussé à ceste d'honneur la premiere & seconde Iustinianee? Et de qui tiennent

*Platinin*

*Bonif. 3.*

les Papes l'vniuersalité, & ce Primat si diffus que de Phocas? Car les

Conciles ne leur auoient accordé pour tout que le rang du premier siege, & l'Archeuesché d'Italie, qu'ils ne retenoient anciennemēt que par coustume? Ces titres de grandeur ne sont

ils pas signez des mains violentes de cest Empereur? auāt que Phocas eust osé chercher l'Empire, & le diademe Romain dans le sang & la mort de son maistre, affectoit-on ceste vniuers-

*Greg.*

*Magn. l.*

*7. epist.*

*30. ad*

*Eulogiū.*

*Sim neta*

salité? S. Gregoire ne l'auoit-il pas cōdamnée en l'Euesque de Cōstantino-

ple? ne l'auoit-il pas repoussée loing de soy-mesme quand elle luy auoit

esté offerte par Maurice? Et Maurice en la luy presentant ne iugeoit-il pas

bien qu'il la pouuoit donner, si la sainte vniuersalité de l'Eglise eust peu



compatir & durer avec ceste vanité  
 de quelque particulier siege? Mais en-  
 cores, les Empereurs n'ont-ils iamais  
 esgalé quelqu'autre croce à la Ro-  
 maine? Honorius & Theodose le ieun-  
 ne s'accorderent-ils point à Constan-  
 tinople toute l'entiere prerogative de  
 l'Eglise de Rome? N'auōs-nous point  
 deux loix en nos liures & sous mesme  
 titre, en l'vne desquelles les Empe-  
 reurs font Rome la premiere Eglise,  
 & Constantinople en l'autre? Iustinian  
 ne nomme-il point l'Archeuesque de  
 Constantinople Patriarche œcume-  
 nique? & Adrian I. ne pria-il point  
 Charlemagne de luy assuiettir les au-  
 tres Eglises? Les Princes ne se iouoiēt  
 ils point à leur plaisir de ceste pré-  
 minance, la despartant tantost à l'vn  
 tantost à l'autre, sans mesurer ceste  
 grandeur qu'à l'egal de leur affection,  
 sans balācer ces graues dignitez qu'au  
 poix des merites des Euesques, & n'a-  
 lignant qu'au seul niueau de leur vou-  
 loit la hauteur de toutes les Egli-  
 ses? Icy on respondra que Phocas a

*L. omni  
 innotat  
 tione c.*

*de sacr.*

*Eccl.*

*In l. nos*

*reddētes.*

*l. Cōstan-*

*tinolita-*

*na c. l.*

*decerni-*

*mus.*

*c. cod. L.*

*cognosce-*

*rg. c. de*

*sum. arin*

## PHILIPPE II.

donc peu donner le Primat, & qu'on le tient de bonne main. Je le veux & en suis d'accord: mais en ce iugement forcé de l'artifice que chacun sçait dequoy pouuoit Phocas aduantager Boniface troisieme sur la Gaule? Luy pouuoit-il acquerir n'y transporter plus de droit qu'il n'y en auoit? Et il n'auoit plus que voir en ce royaume. Les superbes aigles de l'Empire auoient quitté la place à la venue des Lys victorieux. La Gaule ne mouuoit & ne releuoit plus que du sceptre souuerain de nos Rois: qui doit bien faire voir aux plus aucugles que la puissance Romaine de quelque mesure si ample qu'elle soit, & tant à plain fonds qu'elle ait esté taillee par Phocas, ne se pouuoit contre la volonté de nos Roys estendre sur la Gaule, suiette à vn autre maistre. Encores que les Eglises de Milan & de rauenne eussent vertueusement résisté, & seussent courageusement efforcées de retirer le col de ceste domination nouuelle,

force leur fut à la fin de fléchir, & de faire plustost ioug aux commandemens des Empereurs, qu'à l'autorité des Papes. Mais aussi des que Rome se fut desrobée & soustraite de l'obeissance de l'Empire, que les Papes l'eurent enleuée par les arts de l'excommunication, Rauène cōmença à secouer sa subiection contrainte, prit nouveau nom de Patriarchat, pensa à bastir des dignitez à part, suiuit l'ordre de la grādeur Romaine, & luy opposa des traictés de mesme grandeur. Enquoy les Empereurs l'authoriserent pour l'entretenir en ceste poincte cōtre les papes, parce que Rome auoit changé de Seigneur, & les princes Grecs plus aduisez par ceste perte ne pouuoient souffrir que les villes de ce reste de leur estat, fussent sous l'inspection & la garde d'autre euesque que leur subiect, ou comme souuerains ils peussent estre tousiours recogneus protecteurs de la discipline, & plus diligens reformateurs des abus ecclesiastiques. Sur le mesme subiect de



querelle Constantinople & les Eglises Orientales regagnerent la liberté qu'elles auoient longuement defendue, & leurs Princes leur rendirent la franchise que seuls ils leur auoient peuraier. Maintenant ie demande d'où sont sorties les institutiōs & fondatiōs de la pluspart des Eueschez que de la pieté des Princes? Qui a establi, ou doté les grandes Eglises de Frâce que nos Roys? qui a ordonné vne partie des Eueschez des autres estats que les Princes? Car laissant à part les grands biens dont les rois de France de la premiere race remplirent toutes les Eglises, & les tiltres d'honneur & de pouuoir qu'ils leur accorderent, Charlemagne institua quatre Eueschez, & departit les terres qu'il auoit conquises sur les Saxons en autant de mitres qu'il voulut, L'Empereur Henry I. donna ce droict au Duc de Baviere en ses terres, Otton III. crea sept Eueschez nouueiles, Henry I. Roy d'Angleterre rendit Cariol ville episcopale, donna ceste marque au mo-

*Vincent.*

*Auentt.*

*h. s. An.*

*Pel d r.*

naftere Helience: David roy d'Escof-  
 se erigea neuf Eueschez , & Guilla-  
 me adiousta la douziesme, Megillas *Cromer.*  
 Roy de Pologne en bastit neuf, les *lib. 3.*  
 roys de Portugal firēt Lisbonne Ca- *Cont. Si-*  
 thedrale: Balduin Roy de Hierusalem *geb. Ty-*  
 promeut Bethlehem à ceste dignité, *rius de*  
 & i'en pourroy' dire autant de beau- *bell. sac.*  
 coup d'autres Princes. C'est eux qui *lib. 11.*  
 ont monté les Eueschez plus haut, &  
 les ont poussees à l'honneur Metro- *L. Vna-*  
 politain. Valentinian y esleua Nico- *quaque*  
 medie, Martian, Calcedōne, & les au- *C. de epi.*  
 tres firent les Eueschez & Archeuef- *& cleri.*  
 chez comme ils voulurēt: ceux de po-  
 logne ont parer de ceste grandeur les  
 Eglises de Gracouie & de Gnesné, &  
 les Roys de Hongrie ont donné le  
 pallium à la veuë des Papes. Sur la rai-  
 son de ces plus anciens exemples les *Conc. Ta-*  
 Conciles de Tolledē laisserent en la *let. 12. 2.*  
 main des Roys Gots l'erection des *Tom. con,*  
 Patriarchats, & les Eglises de Leuant *Ius Ori-*  
 la confirmerent à Alexius Comne- *tal.*  
 nus. De là Charlemagne entreprint  
 de former vn nouveau Patriarche à

## PHILIPPE II.

*Vincent.* toute l'Espagne qu'il arresta à Compostelle, voulut raduire toutes les Eueschez de France sous la direction  
*Fascic.* del'Euesque de Paris, & l'empereur  
*temp.* Otton I. auança au Primat d'Allemagne le siege de Magdebourg. Qu'elle enuie porteroit-on donc à la France quand le Roy la voudroit renger sous les loix & la conduite d'un Patriarche? Puis que les Princes ont fondé les eueschez, puis qu'ils ont peuployer vn nombre d'eglises episcopales sous la iurisdiction d'un Metropolitan tels qu'ils l'ont voulu choisir, & au lieu ou ils en ont voulu fermer la dignité, pourquoy n'esleueroient-ils point vn Archeuesque pour renir le timon par dessus les Metropolitains mesmes? Pourquoy ne pourroient-ils sur le tout ce qu'ils peuuent sur toutes les parties separées? Et si les Roys ont créé de nouveaux Primats & patriarches à leur volonté, s'ils en ont esgalé les Sieges à Rome, pourquoy interdiroit-on en France ce pouuoir à nostre prince? pourquoy ne graueroit-il



point sur la face de l'une des Eglises de son Empire l'unique forme de son gouvernement, cōme les rayons du soleil imprimēt son visage au seing humide d'une nuë ? Pourquoy la France ne pourroit-elle point rateindre, & regagner l'honneur de son ancien primat ? Pourquoy le Roy ne luy pourroit-il point rendre, s'il n'estoit si perilleux & si redoutable à l'aduanement, & repos de ses affaires ? Car s'il est permis à l'affection tres-humble que j'ay au service de mon Prince de dire ce que j'en pense, sa Maiesté ne doit iamais pousser aucun siege Ecclesiastique à l'entiere diguité de patriarche, ou Archeuesque de France. Ce seroit presque se faire vn compagnon au Royaume, l'Empire des ames est estrangement puissant, chatouilleux, & plein de danger, principalement icy ou le nombre des Ecclesiastiques & personnes Religieuses est si grand & si fort, que par les superstitions des censures mal ictees, par les scrupules & autres traiets d'artifice on pourroit

## PHILIPPE II.

bien remuër du mesnage , & exciter des desirs de choses nouvelles dans des esprits si malades, & si disposez au changement , pour se couler en biaissant dans l'Estat. Encores que le Magistrat François se formant sur la prudence des loix Romaines , eust le soing & l'authorité sur ceste si haute puissance ecclesiastique pour la restreindre , & la contenir dans les frontieres & les termes du deuoir , & de la fidelité , sans luy laisser passer l'enclos & le cerne de l'attribution que sa Maiesté luy auroit mesuree , & marquee , on a toutesfois veu que les Papes s'appant le pouuoir des Magistrats n'ont pas laissé de gaigner Rome , & de l'arracher des poings des empereurs. Les Patriarches mesmes de Constantinople bien que plus retenus , abusant sous couleur de Religion de leur autorité si ample ont beaucoup donné de peine & d'affaire aux Princes d'Orient. Par là Gregoire vouloit rendre la France à l'espagnol , & n'entendoit de la luy garentir d'autte ti-

tre. La chaleur de ce discours nous a emportez plus auant que nous ne pensions, & nous a vn peu destourné la veüe des plus nobles perfections, & plus essentielles beautez de l'Eglise gallicane, pour nous estre laissez trop longuement raurir à l'admiration du seul front & premiere face de son magnifique edifice, & des titres de ses portes grauees de si glorieuses inscriptions. Il faut rentrer en la contemplation du corps de ce riche bastiment, & de tout ce qui est plus substantial & plus precieux en luy, recognoistre encores vn coup si toutes les autres parties se rapportent à la monstre de ce riche frontispice, & si les effects de la vertu de ceste Eglise respondent aux enseignes de tant de maiesté exterieure. Ces seuls noms d'Apostolique & de Primat ne seroyent que fard & enlumineure, que bouffees de vent, & de fumee si les glorieuses actions n'estoyent esgales & pareilles à la reputation. Vrayement celustre tant esclattant ne s'est pas seulement



## PHILIPPOYE II.

arresté à l'escorce, comme foible dorure, incrustation, esmail, & peinture dont la crouste legere s'esclatte & tombe facilement, ou s'enleue en y touchant du doigt. Nostre Eglise a donné des preuues bien solides & bien fortes de ce soing si genereux, de ceste inspection tât admiree, & des vertus de ceste renommee, de quelque façon qu'on le regarde, de quelque sorte qu'on la cōtemple on trouuera qu'elle est iustement proportionnee à la grandeur de son nom. Car s'il a fallu prendre à cœur le soing de la propagation du Christianisme & de la conuersion des estrangers mescreans, & Ethniques qui n'auoyent iamais veu luire le soleil de nostre foy, endormis dās la nuit & les espesses tenebres de l'idolatrie, nostre Eglise a espandu sur eux les rayōs de ceste celeste lumiere, les a hautement esueillez, leur a dessillé, & faict ouurir les yeux au iour & à la lueur de ses miracles. On ordonne

*Vincent.* en vn de ses Conciles qu'Ægitus & Eustacius deux saincts hommes & des

plus renommez entre ses pasteurs seront enuoyez de sa part pour reduire à la foy les nations voisines, & y planter & ietter les fondemens de nostre religion. Sainct Gregoire prie Theodert & Theodoric de ne permettre point que les Prelats de France se diuertissent, ou se lassent en la cōuersion de l'Angleterre: & il n'y a personne qui ne sçache combiē d'Euesques elle a destineez à la conqueste des âmes infidelles par toutes les prouinces, & pour faire goustier aux vieux Saxons & autres peuples la verité du Christianisme. Sont-ce les derniers traits de sa gloire? Si on demande des iugemens celebres qui sont les nerfs de la vertu de toutes les Eglises, & les moyens par où la Romaine s'est tant accreuë; on trouuera que les Affricains ne rechercherent, ny ne voulurent souffrir d'autres Iuges que tirez de l'integrité de la Gaule, qu'ils ne se fierent point en la probité de Miltiades s'il n'estoit assisté, & comme contrerollé par trois de nos Euesques,

*Gregor.  
epist. 158  
lib. 5. In-  
dict. 4.*

## PHILIPPE II.

Mais si nostre Eglise a eu affaire de iustice pour elle-mesme, elle s'est recogneuë si grande & si capable qu'elle n'a rien emprunté d'autrui ; elle a logé tousiours chez elle assez de vertu & de courage pour amender la vie de ses naturels Euesques, & n'a sceu attendre l'aduis & les suffrages des Papes pour en conclurre le iugement. On le vid és procès de Celdonius, Salonius, Sagitaire, Pretexatus, Ægide, & autres semblables tous traittez & vuidez par ses sainctes assemblees, & selon l'ordre de ses anciennes prerogatiues recogneuës biē nobles, & bien grandes par Boniface I. qui en vn de ses Decrets deffent de troubler en rien les iugemens de la Gaule. Les belles traces de ceste authorité reluisent particulièrement au Concile de Reims tenu sous le Roy Hue Cappel, ou Arnophle Euesque d'orleans d'une oraison belle, polie, & genereuse fait esclater cōme vn soleil l'hōneur de leglise Galicane, deffend aux Papes de mettre la main sur

nos

*Leo 1. ep.*  
89.

*Bonifac.*  
*epist. 2.*  
*Tom 1.*  
*conc.*

*cap. 28.*



nos Euesques, rembarre viuemēt tous ceux qui leur vouloiēt reuoyer l'accusation d'Arnolphe Archeuesque de Reims, se roidit constamment pour la defence de nos libertez, & reproche aux Romains des choses si estranges que nostre timidité n'en oseroit au iourd'huy ouurir la bouche, & trembleroit presque en y pensant, L'arrest est-il donné, nos prelates ont ils prononcé sur quelque affaire d'importāce, ils pensent que leurs decrets lient les Papes mēmes. Les peres du premier Cōcile d'Arles enuoyerēt pour cela leurs resolutiōs à Syluestre I. ou si on y ueut remuer quelque chose, nos Euesques veulent que le different en meure dās la Gaule, empeschent que les appelletiōs n'aillēt à Rome, & defendent d'en faire poursuite ailleurs que deuant eux. Salonius & Sagitaire apres le iugemēt du Concile de Lyon se retirerent au Pape Iean qui escriuist à Gontran pour les faire remettre en leurs Sieges ; & nostre Eglise se rassemblant encores vn coup à Chaa-

## PHILIPPE II.

lons en Bourgongne reietta pour la  
*Greg. Tu* seconde fois ces mauuais Euesques.  
*ron. li. 5.* Hincmarus claire lampe de la vertu  
*c. 20. &* François dissipa les confuses nuës  
*27.* de ceste plaiderie Romaine des ef-  
 forts de son courage ordinaire, vingt  
*Ep. Hinc* Euesques assemblez en vn Concile  
*mar. ad* pour la cause de Normanus s'oppo-  
*Adri. 2.* serēt valeureusement sous le Chau-  
 ue à la temerité du ieune Hincmarus  
 Euesque de Laon, qui osoit rentamer  
 de ceste ouuerture dangereuse la di-  
 gnité de nostre Eglise, & trahir l'hon-  
 neur de la France en recherchant les  
 iugemens estrangers: Gerbert de Reims  
 soustint en plein Concile a la face du  
 Pape la iuste degradation de l'Arche-  
 uesque Arnolphe, & nos peres ont  
 tousiours monstré en cest endroit vn  
 esprit plus genereux, que celuy dont  
 les Eglises Affricaines se sont tant  
 fait renommer par la longue conser-  
 uation de leurs fréchises. L'Eglise Ga-  
 licane ne s'est pas contentée d'admi-  
 rer sa vertu, & de vanter la constance  
 de ses décrets dans l'éclos de ses Cō-

ciles. Hildebert Euesque du Mans l'é-  
criuit de cholere au Pape Honorius,  
& estouffa & retrâcha aussi seuerémēt  
les appellations transalpines comme  
les Affricains les transmarines. Pour-  
quoy se fust-on fait tant de tort de de-  
ferer à l'appel romain? Nos Euesques  
ont bien eu l'ame assez forte & vigon-  
reuse, & se sont iugez assez grands  
pour instruire avec l'assistâce de leurs  
freres d'autre nation, le procès crimi-  
nel aux Papes mesmes, cōme à Iean  
xii. & à Hildebrand aux Conciles  
de Brice & de Pauie, & à Urbain ii.  
au Concile de Plaisance? La Sorbon-  
ne vn seul College de nostre Eglise  
condempna sainctement l'heresie de  
Iean xxii. bastit l'ordre & la forme  
pour demettre & deposer Pierre de la  
Lune, pape du nom de Benoist xiii.  
sur lequel desceing il fut après degra-  
dé, & nōs Euesques opinerent graue-  
mēt de leur franchise naturelle en ce  
Concile qui fit brusler les impitoya-  
bles actes, & cruels deerets d'Estien-  
ne vi. contre Formose. S'il a donc salu

*Auent. l.*

*5. Annales*

*Naucler*

*Vincennes*



## PHILIPPE II.

iuger nos Euesques, ç'a esté à nos seules Eglises de l'ordonner, s'il les a fallu destituer, la Gaule a repoussé de ceste entreprise les Papes qu'elle a peu deposer, & s'est reseruee ceste authorité absolue en l'exautoracion de

*Aimoin* Cclidonius, Ægide, Anselme, Vvol-  
*4.c.105.* phod, Theodulphe, Ganelon, RO-  
*6. 106.* taldus, Arnolphe, & autres. Là où  
*du Tillet.* Gregoire pensoit condamner & per-

dre seul nostre Eglise, entiere, & en supprimer & effacer pour iamais la gloire, d'un traict de sa plume iniurieuse, trampee & noitcie d'as le mortel poison de ceste enuie Espagnole. Aussi quand il a fallu promouvoir nos pasteurs à leurs charges sacrees on n'en a pas seulement laissé approcher. Les Romains, qui n'auoient que voir en leur creation, non plus qu'en la destitution. Hilaire d'Arles ordonnoit religieusement nos Euesques du temps que la Gaule viuoit sous l'Empire comme Rome, bien que Leon I. s'efforçast de l'en reculer. Ce Pape qui en a tant voulu au courage de cest Archeues-

*cap. I.*  
*concil.*  
*Tauria.*

que des Gaules, protecteur de nos Eglises recognoist librement aux Euesques de la prouince de Viëne qu'il *Epist. 89* ne voudroit pour rien auoir pensé à les troubler en l'ordre de leurs institutions, que si par fois il s'en mesle ce n'est point d'entreprise, que rien ne l'y pouffe que le seul desir & le soing de leur bien, de leur grandeur, & de leur repos, traits desliez de la cabale Romaine. Mais nos Princes recueillant depuis ce droict purement Roial comme attaché à la conqueste du Royaume, l'ont exercé d'une longue Religion, sans attendre l'aduis n'y l'aprobation des papes. Les Conciles *Tom. 2.* d'Orleans, de Soissons, & de paris le *et 3. conc* leur ont plainement confirmé, & si quelqu'un mal à propos, & contre l'ordre de la France s'est aduancé a l'honneur de ces saincts ministeres, on sçait comme Hugo fut depossédé de la dignité de Reims par le Concile de *contin.* nos prouinces. En fin si quelques uns *Reginon.* de nos prelatz ont tant rapporté de scandale à l'Eglise qu'il les ait fallu

Q ilj

## PHILIPPOVE II.

chasser de la communion des Chrétiens, comme du siege, la Gaule n'a point laissé couler de sa main ceste autorité, que les Conciles d'Arles d'Agde, d'Aurange, Carpentras, & autres y ont si honorablement logee.

Elle la fit bien viuement reluire contre

*August.* tre Splendonius du temps de Saint  
*l. 3. contr.* Augustin, elle seule excommunia a-  
*liet. petil* uec grande ceremonie Ursicinus E-  
*Gre. Tur.* uesque de Cahors luy enioygnant  
*h. 8. c. 20* vne penitence publique; & l'ordre  
certain de nos Conciles tesmóigne  
la saincte seuerité de ses censures sur  
ses autres Euesques. Au déclin mes-  
me de ceste grandeur, si les papes ont  
eu enuie de frapper quelque Euesque  
d'anatheme, ils ont enuoyé leurs Le-  
gats en France pour en resoudre avec  
nos pasteurs la cause; & la iustice  
en plain Concile. I'en diray autant  
de l'absolution; Nos peres n'ont ia-  
mais trouué bon qu'on l'ait esté man-  
dier ailleurs. Ils ont déclaré par les  
Conciles de Turin, d'Aurange, Car-  
pentras & autres pareils que nostre



Eglise pouuoit diffoudre les plus fortes estraintes des nœuds d'excommunication, relascher les attaches des pechez les plus tenants, & on en vid la pratique contre les papes mesmes au regne de Loys Debonnaire, & du Chauue. pour les proces, les contentions des Sieges, & autres choses de moindre importance, & plus facile disquisition à plus forte raison nes'est elle iamais estimee si foible que de les lascher aux papes, elle les vuidoit en ses Conciles, mesme pour les plus hautes dignitez. Les Euesques de Gau<sup>concil.</sup> le deciderent les preferences des Ar-<sup>Taurin.</sup> cheuesques d'Arles, de Vienne, & de<sup>cap. 1.</sup> Marseille au Concile de Turin, le dif-<sup>Gregor.</sup> ferent des Euesques de Rodéz, & de<sup>Turon. lib</sup> Cahors prindrent fin en France: & Drogon de Mets osa bien plaider cōtre le pape Sergius pour le droict de quelques Eglises. Mais qui a mieux reconnu que les Romains la grandeur & dignité de nostre Eglise, qu'ils ne peuuent debattre sans que l'iniure en reialisse, & en retombe sur eux?

## PHILIPPE II.

pourquoy se sont-ils tant de fois retirez, & sauuez en France que pour se couvrir de nos aïsses, se mettre à l'ombre de nostre vertu, & se fortifier, & remparer de nostre courage? N'est-ce pas du nom & de la vigueur de nostre Eglise qu'Urbain II. paschal II. Calixte II. Eugene III. & tant d'autres se sont munis comme d'un bouclier à sept plis contre les efforts de tant d'Antipapes, & de tant de peuples esleuez contr'eux? N'est-ce pas là qu'ils se sont faits confirmer? Le Concile d'Estampes ne fut-il pas mendié par *Vincent.* Innocent II. pour se faire declarer pape de l'autorité de nos Euesques? La seule approbation de l'Eglise de Gaule ne les a elle pas tous mis en seureté, & renuersé sainctement leurs aduersaires? N'a ce pas esté par l'assistance de nostre Eglise qu'ils ont excommunié leurs plus puissans ennemis, trempans les traits plus vifs de leurs censures d'as la iustice de la France? Jean IX. ne fit-il pas autoriser par le Concile de Troyes l'excommuni-

eation qu'il auoit iettée contre Lam-  
 bert & Adalbert, & Innocent III. ses *Aimoin.*  
 anathemes contre Federic II. par le *5. ca. 27.*  
 Concile de Lyon? N'a ce pas esté as-  
 sez pour le comble de leur grandeur *Nancle.*  
 qu'ils ayent esté iugez Papes par la  
 seule France pour en acquerir apres  
 ou retenir le nom par tous les autres  
 Royaumes? pour en faire quitter &  
 perdre les titres à tous ceux qui les  
 auoient entrepris contr'eux? & faire  
 esvanouir les espais nuages de tant de  
 controuerses, & querelles, fondues &  
 dissipées par son interuention com-  
 me foibles brouillards par l'ardeur du  
 soleil de midi? Tant d'Eglises estoient  
 bandées & liguées contre eux, & le  
 seul appuy & adueu de l'Eglise Gal-  
 licane les a fait publier & recognoi-  
 stre Papes, a rompu la grande conten-  
 tion presque de tous les Estats; & de  
 la plus-part des Eglises; sur ses lettres  
 pacifiques, & formées ils ont eu libre  
 passe-port par tout. S'ils n'y voyent  
 encores assez clair, voicy vn grand es-  
 clat de lumiere, & de preuue qui leur



## PHILIPPOVE. II.

vient donner dans les yeux. Victor III. auoit esté esleu Pape par les suffrages & les voyes ordinaires du conclave, receu & seruy comme tel par Roland Châcelier du Siege Romain. Vnze iours apres Roland, ayât dressé vn party se faiët creer Pape en la Cisterne de Neron par quelque nombre de Cardinaux qu'il auoit attirez à son ambition. Mais dès que Victor est aduertuy de ceste faction, il le galope de si pres qu'il luy faiët quitter l'Italie, & nous le iette en Frâce. Voici des merueilles de l'Eglise Gallicane à qui on veut faire perdre le cœur. nostre Eglise surprise par mille artifices de ce desliéprelat, l'embrasse sous le nom d'Alexandre III. & le soustiët sifermement contre tous les assauts de ses ennemis qu'ils se rompët, & se brisent à sa rencontre, comme les plus furieuses marrees, & les vagues les plus enflées se renuersent & s'aplatissent au choc des plus puissans rochers. Et bien que Victor eust esté promu deuuant lui, qu'il fut premier Euesque de droit & de

temps, que Roland l'eust adoré ; la  
 Gaule luy fit demordre le papat , &  
 esleua Alexandre au siege. Sur la gra-  
 nité de ses arrests , & l'autorité des  
 Conciles tenus en sa faueur il debuta  
 encores trois Antipapes Paschal, Ca-  
 lixte, & Innocét, & les Eglises qui luy *Platin.*  
 estoient les plus contraires ne l'osant *V'spergē.*  
 plus trauerser le compterent & ren- *Radeni.*  
 gerent aussi tost au catalogue des Pa- *Frisingē.*  
 pes. Qui n'admirera icy comme moy  
 ceste grandeur, qui ne l'aduouëra cō-  
 me Alexandre III ? Nostre Eglise fait  
 Pape qui elle veut, dispose à son gré  
 de la chaise de S. Pierre contre les pa-  
 pes mesmes, à l'estonnement de tou-  
 tes les Eglises, à la teste de beaucoup  
 de Royaumes ; Sur les marques & ca-  
 racteres receus de sa main ils fendent  
 comme vn puissant esclair tous les  
 orages de leurs ennemis ; & on la pen-  
 se aujourd'huy ployer laschement cō-  
 me vn tendre roseau d'une seule bou-  
 ffee du vent des brauades d'Espagne ?  
 A cecisté tousiours le iugement que  
 les Papes ont fait de sa vertu ? Quand

## PIHLIPIQUE II.

il leur a falu chercher par force autre logis que Rome , ou que pour leur plaisir , pour l'accroissement de leur autorité, & pour des considerations volontaires du soing de leur grandeur sans contraincte ils ont voulu chager de demeure , ont-ils estimé iieu plus digne de la translation du siege de S. Pierre que la France? L'a sept Papes tout de suite depuis Clement V. ont tenu le Pontificat , & n'ont laissé qu'à regret la beauté de nostre Royaume. C'a esté l'appuy de ce grád bastiment de leur grandeur, la se font-ils les plus aduancez aux Conciles generaux & sur l'autorité de l'Eglise, par là ils ont reconquis Rome , & nous ont perdu ce pays, meslant confusement toutes choses , entamant la plus-part des droicts Royaux, & violant les libertez anciennes des Eglises. Car c'est ainsi qu'ils payent bien souuent leurs hostes. Il est vray que ne pouuant sans rougir mescognoistre honnestement la Maiesté de cest estat leur ancienne protection , qui les à remplis de tant



de biens qu'ils ont en Italie. qui les a  
ainsi parez des despouilles de tant de  
Princes, qui s'est apauury pour les en-  
richir, & n'osant desaduouer la digni-  
té de nostre Eglise qui leur a rassuré  
leurs titres si ondoians, affermy &  
fixé leurs triares flotantes au gré de  
toutes sortes de vêts, & de tant de di-  
uerses tēpestes d'ennemis cōiurez de  
toutes nations, ils ont par quinze Bul-  
les confessé & déclaré les libertez &  
grandeurs du Royaume, & de l'Eglise  
Galicane, recogneu qu'ils ne peuent  
vser contre nous d'excommunicatiō,  
qu'ils n'ont que voir sur le temporel  
du Royaume, que nos Roys ne le tiē-  
nent que de Dieu & de l'espee, & ont *cap. me-*  
dementy & foudroyé sur ce subiect *ruit de*  
l'audace de leurs predecesseurs, qui *privileg.*  
auoyent controuué & aduançé mali- *in extra-*  
cieusement le contraire comme Bo- *uag.*  
niface VIII. Voylà comme vn rude &  
grossier desseing des principaux &  
plus nobles traicts de l'Eglise Galica-  
ne, à qui on peut iustement faire part  
du nom de ce beau Lys que Cassio-

## PHILIPPE II.

dore sur les Cantiques applique à la candeur de l'Eglise ; voilà ses lineamens , ses ordinaires dimensions, ses proportiōs plus necessaires, & vn peu de son taint, & de son iour le plus pres du naïf qu'il nous a esté possible. Mais comme vne image pour si belle qu'elle puisse estre si elle porte vne contenance morne, oisiue, ou languissante n'est iamais bien agreable: & que les peintres pour mieux animer vn portraict le representent avec quelque geste & mouuement actif. par lequel il leur semble qu'ils expriment d'auantage du naturel & de l'inclination de ce que l'art de leur pinceau imite, & pensent par maniere de dire imprimer & inspirer par la feinte de quelque action vigoureuse, & releuée vne estincelle de vie à vne toile inanimée, pour deceuoir par l'artifice nos sens & nostre veüe. Ainsi nostre Eglise se monstre en ce tableau composée en vne graue & genereuse contenance, comme occupee en l'vne de ses plus nobles fonctions. Elle est tou-

te tournée, & abutée contre la violence des entreprises Romaines. C'est aussi le subiect de ce discours, nous pourrons bien tost figurer, & représenter les effects de ceste façon magnanime sans changer de pinceau ny de couleur. L'Eglise Gallicane resstant son cœur, & ses forces anciennes que la Romaine a tant admirées, & si fauorablement & salutairement éprouuées en ses plus perilleuses fortunes, les a viuement tenduës contre les Papes mesmes trop hardis; & leur a longuement faict teste quand ils se sont osez aduantagez sur elle, quand ils ont pensé d'offencer son honneur en quelque chose, ou s'auancer sur les moindres droicts de ses franchises.

León I. se plaint en vne epistre de la resistance de l'euesque de Vienne, & bien souuēt de la vertu de l'Archeuesque d'Arles. Anastase II. se voulut efforcer cômme luy de ployer nos Euesques sous l'ambition de son Empire, mais ils luy responderent constamment qu'il se meslast de ses affaires, qu'il les

*Epist. 89.**Auentin.*



## PHILIPPE II.

laissast en repos, & en l'exercice libre de leurs charges. Quand les Papes virent qu'ils ne les pouuoient auoir par là, eux qui ont gagné la plus-part des Archeuesques par la friandise & les apasts d'un vain nom de pallium (en effect marque de subiection Romaine) s'apperceuans que nos Archeuesques auoient meilleur nez que les autres pour esuanter & descourir la ruse de ce piege, qu'ils ne vouloyent point mordre à la trompeuse apparence de cest ambitieux hameçon, les voulurent honorer par force, & les contraindre à receuoir ce manteau misterieux de leur main. Mais nos prelatz se mocquerent de ceste saillie, &

*Bonif. in* Boniface de Maiance Legat de *Za-*  
*episto. ad* charie, entrepreneur de cest ouurage  
*Zachar.* n'en rapporta pour tout que des affronts, & de la honte. Albert euesque de Gaule, Clement d'Escoffe, Virgile d'Irlande, & Sidonius de Boheme se liguerent aussi tost cōtre luy, & la force vnie des Eglises rompit ce coup & cest effort assez violent. Quand les  
Papes

Papes reconnurent qu'ils n'auançoient rien par l'entremise de ces Ambassadeurs, & Lieutenans estrangers ils s'aduiserent d'esleuer l'Archeuesché de Sens à la grâdeur du Primat de Gaulle en l'absence Apostolique, pensant par là en attirer tout le gouuernemēt: à quoy nos Euesques opposerent la franchise de leur naturel courage, & repoussant grauement ceste specieuse & fardee seruitude, en reietterēt bien loing le mors trop rude, & roidirent genereusement le col contre ce ioug nouveau. Là les Romains faisans semblant d'auoir les yeux fermez sur ces braues traits de vertu, & de n'auoir rien senty de tous ces coups si bien assis, & si fermes se voulurent mesler ouuertement de la creation de nos Euesques, comme s'ils estoient desia tous rengez, & courbez sous le faix de leur iurisdiction. Mais ils ne l'eurent pas plustost pensé, que nostre eglise chassa par le poing Pierre Archeuesque de Bourges, promu par *Pap.* Innocent contre la volonté du Roy *Aemo.*

## PHILIPPE II.

Loys le ieune. Les autres belles  
 preuues de la magnanimité de nos  
 Euesques iointe à la honte de tant de  
 dommages rapportez de ces entre-  
 prises si hardies, les deuoient rendre  
 plus cōsiderez & plus retenus. Car il  
 leur estoit encore arriué pis au Con-  
 cile de Reims quand ils s'estoyent ad-  
 uancez pour toucher à la destitution  
 de nos Prelats. Arnolphe d'Orleãs de-  
 clama genereusement contr'eux, sou-  
 tint l'egalité des Euesques, dit que les  
 Papes s'abusoyent d'oser traiter le iu-  
 gement des pasteurs de Gaule, qu'on  
 ne deuoit attendre aucune iustice de  
 Romé, qu'on y faisoit marchandise ou-  
 uerte des suffrages, & que toutes cho-  
 ses y estoient publiquement venales.  
 Puis notant, & marquât l'ignorâce de  
 quelques-vns qui auoyēt tenu ce sie-  
 ge, se resolut constamment de mourir  
 plustost mille fois que de laisser ainsi  
 superbement fouler aux pieds la bel-  
 le blancheur des lys François, & de  
 voir renuerfer l'Eglise Galicane. Ger-  
 bert qui tiré de nostre Eglise monta



après à la chaise de S. Pierre reprint,  
 & enfonça plus auant ce propos au  
 Concile de Senlis, & en vn autre as-  
 semblée à la face du Pape Iean, sans  
 pouuoir fleschir la liberté de son es-  
 prit aux efforts de tant de violences  
 estrangeres. Les Papes n'en ont pas  
 eu meilleur marché de Pierre de  
 Blois Archeuesque de Rouen. Iean de  
 Salisbery Euesque de Chartres les  
 entame iusques au vif dans son Poli-  
 cratique, descouure leurs artifices  
 plus cachéz, monstre que leurs iuge-  
 mens ne vôt qu'au poix de l'or, craint  
 que leur ioug deuienne insupportable,  
 les presse en mille façons; & les peint *Berna. 4.*  
 de toutes couleurs. S. Bernard ne les *de consi-*  
 espargne pas. Il rabaisse par les beaux *deras.*  
 discours de l'humilité Chrestienne  
 l'orgueil d'Eugene III. & tranche ce  
 mot en faueur de nos Euesques; qu'il  
 se souuiene de n'estre qu'vn du nôbre  
 des autres; compagnon & non pas  
 maistre. Dequoy toute nostre Eglise  
 s'estoit autrefois ouuertement decla-  
 rec en plain Concile tenu à Francfort.

## PIHLIPIQUE II.

*Regin.* sous le regne de Charlemagne. Nos

*lib.2.* Prelats en font-ils demeurez-là? Ils

*Auent.4* ont eu le cœur si grand, que ne brauât

*Annal.* pas seulement chez eux cōme on diët

ils sont allez publier l'hōneur de leurs  
dignitez iusques dans Rome mesme.

Pierre chantre de Paris les alla porter  
aux yeux des Papes en plain Concile

de Latran, & en esblouist l'assemblee,

Hildebert du Mans leur en escriuit de

bō ancre, & ne peust permettre qu'on

violast tant soit peu la longue franchi-

se de l'Eglise Galicane. Que si apres

la maturité, & grauité admirable de

leurs sacrez arrests, apres le cōseil & la

resolution prinse avec le S. esprit pour

la priuation & destitution de quelque

Euesque; les Papes se sont mis en de-

voir de le restablir, nostre Clergé s'est

mis en deffence, resistât de sa vertu or-

dinaire à la restitutiō d'Arnolphe Ar-

cheuesque de Reims. Pierre de Blois,

& Ieā Euesque de poiçtiers s'en prin-

drent à eux en faueur des Royaumes

*Matthæ.* estrangers, & les blasmerent d'auoir

*Paris.* osé remettre l'Archeuesque de Can-

tabrich chassé par l'Eglise Anglica-  
 ne. Nos Euesques font de là vn grand  
 pas, & s'auacent iusque à la chaise de  
 S. Pierre, & sur la personne des papes.  
 Car si leurs promotions ne leur sem-  
 blent legitimes, Hugo Archeuesque  
 de Lyon, & Richard Abbé de marseil-  
 le y contredisent; Nostre Eglise se di-  
 uise pour Pierre Leon contre Inno-  
 cent II. l'Euesque de Bourdeaux as-  
 socié de quelques-vns de ses freres fa-  
 uorise le party de l'vn, les Euesques  
 de Limoges & de Poictiers supotent  
 l'autre, & tous nos euesques d'vn cou-  
 rage admirable escriuirent autresfois  
 aux Cardinaux assésblez pour la crea-  
 tion d'vn pape que s'ils n'y procedoiēt  
 sainctement, & ne mettoient quel-  
 que homme capable en ceste charge,  
 qu'ils y pouruoiron en France. Mais  
 encores qu'ils se soyent iettez si auant  
 en l'inspection des autres sieges, & du  
 Romain mesme, ils n'ont pas toutes-  
 fois voulu souffrir qu'on ait touché du  
 bout du doigt à la dignité des leurs.  
 L'Archeuesque de Bourges print la

*Matth.  
Paris.*



PHILIPPE II.

*Cat. log.*  
*test. veri.* parole au Concile tenu à Paris en l'année 1290 rembarra viuement les moynes, & autres sortes de gens que le Pape auoit respandu sur la France, pour enuahir les droicts Episcopaux sous l'ombre & le voile de ceste charité apparente dont ils se ventoyent enuoyez, pour suplir & releuer la negligéce des Prelats : & ne peut iamais permettre que par leur professiō monastique ils s'affranchissent de l'obeissance naturelle des Eglises. ou declinassent la iurisdicțiō ordinaire. Qu'à on fait lors qu'on a voulu tailler nos Eglises cōme roturieres, ou vassalles de Rome, & leur imposer des exactions & leues de deniers, sur les mauuais exemples de la vexatiō de quelques autres Royaumes ? Là tous les ordres du Clergé se sont redressez, & ont imploré layde des Roys quand ils se sont trouuez trop foibles pour soutenir ces violences. Vn Euesque d'Eureux diffama l'auarice d'Adrian III. tous les Nobles de Frâce se ioignirēt à nos pasteurs pour cest exploit signa-

le de vertu en l'an 1247. & semerent  
des placarts, & des epistres plaines de  
risée & de moquerie contre ces sordi-  
des inuentions. En fin les Moynes des  
Abbayes, & nos plus petits clerics s'es-  
ueillèrent à ces alarmes si frequentes.  
Bernard moyne de Cluny escriuit des  
satyres contre Rome qu'il adressa à  
Pierre le Venerable son Abbé. Vn  
Prieur nommé Nicolas bâda son sça-  
voir contre les dispêces, descocha vn  
traict mortel contre les vanitez Ro-  
maines, & anima heureusement son  
liure du nom d'vne sagette ardente: &  
c'est ainsi que nostre Eglise s'est mon-  
stree tres-generouse en toutes façons  
& en toutes sortes d'actions, laissant  
beaucoup d'autres tesmoignages de  
sa vertu & de ses libertez que ie passe  
icy pour les auoir touchez autrefois,  
& pour les vouloir poursuiure ailleurs.  
Mais quâd les Papes franchissans les *Les Lau-*  
termes de la modestie comme de la *riers du*  
puissance ont osé menasser la France *Rey.*  
des rigueurs de leurs excommunica-  
tiōs, ç'a esté la grâde guerre, les viues

## PHILIPPE II.

prises, & la sanglante contention. Tous les vains efforts de ces tōnerres n'ont fait que r'asenerer nostre air, ces foudres les plus durs se sont brisez en esclats sur ces roches de constance, ces ondes & vagues desreglees, ces gros bouillons escumeux qui menaçoient le ciel n'ont fait que l'escher leggermente les saincts vaisseaux de nos Eglises, & ces orages ordinaires les ont seulement lauez pour les rendre plus nets, & plus luisans. Car tant s'en faut que nos Euesques se soient estonnez du bruit de toutes ces tempestes qui ont tant trauaillé l'Europe, qu'au contraire sans fermer seulement les yeux sur ces esclairs si ardens, sans baisser tāt soit peu la teste à ces coups si furieux, Drogon Euesque de Mets renuoya courageusement des anathemes bien trenchans à Gregoïre III. qui en pensoit brauer Loys Debonnaire. Encores que ce pape n'eust pas esté si hardy d'acheuer, & parfaire ce temeraire desseing, nos Euesques craignans que la marque de quelque

*Augm. 4*  
*Annal.*



tache n'en demeurast au front de la France impollue, s'assemblerent en la *Limoin.* ville de Mets ou sept Archeuesques *s.c. 16.* du Royaume deslierent, & absolurent ce Prince des censures don le Romain n'auoit faict que la monstre, & leue seulement la main pour le menasser. Nicolas I. oubliant tous ces traits de vertu si recens & si redoutables, s'auantura bien d'excommunier quelques vns de nos Euesques pour auoir presté consentement au mariage de Lothaire & Valdrade, mais ils se moquerent de la peine qu'il se donnoit en vain, & il n'en rapporta pour tout que du mescontentement & de la honte. Cela fit marchander Adrian II. qui brusloit d'enuie d'offencer Charles le Chauue : car Hincmarus desdaignant sa requeste le renuoya tout estonné & tout confus. Mais lors que ce Pape se iettant comme à corps perdu à trauers de ces viues pointes *Assent. 4* de courage eust poussé plus auant le *Amal.* feu de ses censures contre ce Roy de *Sigebert.* France, nostre Eglise recueillie au

## PHILIPPE II.

Concile de Reims luy rendit aussi tost des menasses, luy opposa constamment l'autorité de son glaive, luy enuoyadire que ses prédécesseurs ne s'estoient iamais tant oubliez en leur deuoir, que s'estoit s'esloigner trop des bornes de l'ancien respect que les Papes auoient tousiours rendu à la France, que les Empires ne se conquetoient pas par les excommunications; & en se mocquant luy reprocherent que s'il croyoit que ses censures fussent de quelque effect, ou guerissent de quelque chose qu'il les employast à deffendre le Royaume de l'inondation des Normâs. Charles le Chauue mit luy mesmes la main à la plume, braua desdaigneusement ce Romain, soustint ses droits par le tesmoignage de l'escriture & autorité des peres, & le menassa fort aigrement s'il entreprenoit mal à propos sur son Estat. C'estoit le cœur de nostre Eglise, c'estoit son ancienne vertu qui la rendoit admirable, & redoutable tout ensemble. Toutesfois les Papes deue-

nus depuis plus hardis pour auoir tât  
 fait de voyages en Frâce, & accoustu-  
 mez à ne nous craindre plustant par la  
 frequétation & la veuë ordinaire qui  
 rassœurēt les plus timides, & leur ostēt  
 l'apprehension de ce qui les faisoit  
 trembler auparauāt, se hazarderent en  
 fin d'excōmunier Philippes I. Philip-  
 pes Auguste, Philippes le Bel, Char-  
 les VI. & Loys XII. Aux deux pre-  
 miers coups de ce tōnerre nostre Egli-  
 se fort raualee, & descheuë par sa ne-  
 gligence se monstra à la verité vn peu  
 estourdie & surprinse. Sa veuë se trou-  
 bla, & a demi chancelante, & mal as-  
 seuree ne faisant presque que parer  
 aux coups elle se reuëchoit mollemēt  
 si nos Roys ne l'eussent picquee, rele-  
 uee, & soustenuë. Toutesfois sous  
 l'Empire du Bel nos Euesques aussi  
 façonnez & accoustumez a ouyr ton-  
 ner sans s'esmouuoir, cōme les Papes  
 a ne craindre plus leurs reuanches,  
 s'esucillerent sans effroy, & retenans  
 leur iugement entier, sans perturba-  
 tion; d'vn pas reglé coururēt à la des-



## PHILIPPE II.

fence de l'honneur du royaume, & se  
végerent de courage. Au Concile te-  
nu à Paris pour le service de ce Prin-  
ce on bafoua la Bulle de Boniface

*Naucley.* VIII. on resolut de casser ses abus, de  
*hyst. de* rabatre son audace immoderee, de  
*Fraen c.* couper le chemin à ses entreprises,

& de soustenir constamment les li-  
bertez du Royaume. On donna mes-  
mes preuues de constance sous Char-  
les VI. & eu faueur de Loys XII. no-  
stre Eglise braue, resolue, & confir-  
mee en sa premiere vertu piquee des  
insolantes façons de Iules II. entre-

*Cronic.* Tours & de Lyon, ce qu'elle eust heu-  
*du Tillet.* reusement accóply si le desir de cha-  
stier ceste iniure d'une penitence plus  
publique, plus cogneue, & plus signa-  
lee en la preséce de tât d'autres Prin-  
ces interessez & offencez en mesme  
cause, & sous les suffrages des Eglises  
de leurs estats, n'en eust faict differer  
& remettre la plainte, & la iuste cor-  
rection aux Conciles de Milan & de  
Pise. Qu'ont faict ici nos Euesques

pour eux-mesmes quand on s'en est  
 prins à leurs personnes, ou à leurs di-  
 gnitez comme a faict Gregoire ? Le  
 Concile de Reims ayant depose Ar-  
 nophe, Jean XVII. le voulut remettre  
 & rencontrant trop de resistance pen-  
 sa d'estonner nos Prelats qui auoient  
 religieusement conclu ce iugement  
 vrayement François, par mille esclairs  
 de ses foudres, par la priuatiō de leurs  
 Eglises, & l'interdiction de l'exercice  
 des choses sacrees: mais ils n'en firent  
 que secouer la teste, tindrent peu de *Paul. emi.*  
 compte de toutes ces brauades, se re-  
 uancherent d'un mespris hautain, &  
 d'un desdain fort genereux. Ceste  
 ancienne vertu Galicane n'a pas desti-  
 tue les particuliers subiects au Roy,  
 si leur malheur a imploré son secours.  
 Normanus auoit esté excōmunié du  
 cōmandement d'Adrian II. & Hinc-  
 marus Archeuesque de Reims & vingt *Ep. Hinc.*  
 Euesques de France resolurēt de l'ab- *Remens.*  
 foudre, coupperent les aisles au long *ad Hinc-*  
 traiēt de ceste cause portee de la lege- *mar. Lau-*  
 reté du ieune Hincmarus & luy fer- *dunens.*

## PHILIPPE II.

merent le passage des Alpes Encore  
 que pour quelque temps nostre Egli-  
 se ait semblé endormie, estonnee, &  
 effrayee des impressions Romaines,  
 comme les corps les mieux cōposez,  
 & les plus temperez ne sont pas per-  
 petuellement esgaux, n'y de même  
 humeur, si s'est-il tousiours trouué  
 quelqu'un qui a fait le guet pour tous  
 les autres, & qui donnant l'alarme a  
 ses freres a fait la moitié de la peur  
 aux Papes. Pierre de Blois Archeues-  
 que de Rouen, & Iuo de Chartres  
 crient contre la facilité de ces ana-  
 themes les rabbatent, les rompent &  
 renuersent de leur pouuoir, sans ia-  
 mais permettre que fort impatiem-  
 mēt qu'on lie, ny deslie en leurs Egli-  
 ses. Ce chef de l'Eglise de Chartres  
 voyant que Simon de Melphe qu'il  
 auoit iustement censuré & avec tant  
 de circonspection, & de prudēce s'e-  
 stoit allé faire absoudre à Rome, se  
 plaignit aigrement par lettres au Le-  
 gat Roger, ne peut approuuer qu'on  
 allast chercher ce pardon à Rome,

*Pet. Ble-  
 sens. ep.  
 55.*

*Epist. ad  
 Rog. leg.*



blasma hautement ceste iniustice; & l'erreur des clefs Romaines d'enfermer & d'estraindre les gens de bien des nœuds mortels de l'Eglise, & d'en destacher si librement les meschans. Telle a esté autresfois l'Eglise Galicane, c'est son visage, sa cōtenance, sa façon, & son port, tel a este peu après son courage, ses mœurs, sa fidelité, ses exercices: & celà suffiroit pour ne la mesconnoistre plus à tant d'enseignes asseurees & certaines. Toutesfois la iuste douleur que ie fès de la voir chargée me fera passer plus auant pour dire les causes de sa mutation, & de ceste diuersité si grande, pour luy faire voir comment elle est ainsi descheuë raualee, presque renuersee. Car il faudroit n'auoir point d'yeux, de sentiment ny d'esprit pour n'y reconnoistre point vn chāgement; & difference remarquable, pour n'y iuger point vne autre face d'Eglise, & vne constitution plus foible, plus maigre, moins nerueuse, moins coloree & plus palle & la contagieuse maladie de ceste

## PHILIPPE II.

fleur d'esprits , & les longues affli-  
 ctions de ces guerres civiles ne lui ai-  
 dent pas à se remettre. Il faut ici qu'elle  
 recognoisse qu'il luy a nuy d'auoir  
 esté si belle. Car les romains comme  
 esprits de tant de perfections admira-  
 bles la rechercherent en toutes sortes  
 & s'il se peut ainsi dire luy firent l'a-  
 mour, par tous les artifices que cest  
 humeur peut conseiller à ceux qui en  
 sont atteints bien au vif. Encore qu'elle  
 bouchast les oreilles aux charmes  
 de leurs douces paroles, qu'elle fer-  
 mast les yeux sur la lueur apparente de  
 tant de belles offres, qu'elle renuoyast  
 chastement leurs Legats & Ambas-  
 sadeurs, ils ne se rebuterent pas pour  
 tous ces refus. Sa beauté farouche &  
 hautaine, sa façon grauelement des-  
 daigneuse estoient autant d'attraits  
 violents pour les piquer, & esmou-  
 uoir d'auantage par ceste resistan-  
 ce. Leurs desirs croissoient, & redou-  
 bloient par l'opposition de sa constan-  
 ce. Ils la caressent tantost ouuerte-  
 ment, tantost à cachettes selon qu'ils  
 choi-

choisissent & prénent à poinct le tēps  
 qui se presente, & ne perdent pas vn  
 moment d'occasion. Voyant que nos  
 Prelats ses espoux y prennent garde,  
 ils les courtisent, les entretiennent, les  
 endorment, leur presentent partie de  
 leur charge, & la lieutenance Apo-  
 stolique. Remy de Reims & Vigile  
 d'Arles se laisserent gagner par Or-  
 misde & Adrian I. à l'ostentation de  
 ces fumées. Cependant on endort par  
 là les gardes de nos troupeaux, c'est  
 ainsi qu'on esbranle & sàpe soude-  
 ment nos arcs-boutans les plus puis-  
 sants, pour les briser apres en mille es-  
 clats, & mille pieces sous la cheute de  
 ce grand edifice. Les Romains ne ten-  
 doient pas ici à faux, & leur desseing  
 estoit infiniment subtil & captieux.  
 Car establissât vn hōme sur nos Egli-  
 ses comme Vice-Roy de leur Monar-  
 chie spirituelle, cestuy-cy pour estre  
 leur creature, engagé par ceste prefe-  
 rence sur ses freres tenoit obstinee-  
 ment leur party, & ne pouuoit demē-  
 tir l'autheur de cest aduantage d'hon-



## PHILIPPOVE II.

neur sur les autres sans faire tort à  
foy-mesmes, ny consister seulement  
apres auoir rompu les degrez par ou  
il estoit monté si haut. Le pallium dōt  
ils ont emmantellé les Archeuesques  
à beaucoup aduancé cest ambitieux  
labeur : & les frequentes legations  
enuoyees en France, les iugemens vo-  
lontairement recherchez par nous, les  
dispenses de mal faire, les affranchis-  
semens de la iustice seculierre sur les  
priuileges de clericature & tonsu-  
re, l'accroissement del'audience epis-  
copale par les sermens, & le soula-  
gement enuoyé comme ils disoyent à  
nos Euesques d'un grand nombre de  
Moynes de tous ordres desliez, & af-  
franchis de la iurisdiction ordinaire,  
pour s'introduire dans le gouerne-  
ment des Eglises sans en estre com-  
ptables qu'à Rome ont esté autant  
d'instrumens de nostre ruine. On a ad-  
iousté à cela les pardons des plus gros  
pechez, les indulgēces de to<sup>r</sup> crimes,  
& le paradis ouuert pour peu d'ar-  
gent. De sorte que qui auoit assassiné

son ami, qui auoit volé vn milliõ d'or,  
 couppé la bource en mille marchez  
 & mille foires, destrouffé mille mar-  
 chans au passage, & espuisé d'vsures  
 toute vne prouince, pour peu d'argët  
 regaignoit la vie eternelle en dõnant  
 quelque chose de ses larcins, qui e-  
 stoient rendus par là comme meritoi-  
 res. On s'aduise apres de no<sup>r</sup> faire pre-  
 sent des reliques, & autres choses be-  
 nites & sacrees, de priuileges & de ce-  
 remonies, afin d'arrester & rõpre par  
 des põmes la course de ceste belle A-  
 talâte. Ià Dieu ne plaise que ie die ce-  
 cy pour blasmer les sainctes institu-  
 tiõs de l'Eglise, ie les honore & les res-  
 pecte comme ie doý, mais ie trouue  
 estrange qu'en en peruertissant l'vsage  
 on les ait employees pour no<sup>r</sup> apaster  
 de leur douceur, qu'on en ait abusé à  
 nostre mal, & qu'õ s'en soit seruy pour  
 surmonter par des artifices si foibles  
 la longue liberté & magnanimité de  
 nos Eglises. On passe de là plus auant.  
 On veut sçauoir le nom des Euesques  
 excommuniez selon l'ancien vsage de

## P H I L I P P I Q U E II.

l'amitié des Eglises, pour en esuiter se dit-on la société & la contagion: mais bien plustost pour pretendre & vsurper l'autorité de les excômunier vn iour. On veut voir les confessions de nos Conciles pour tomber & demeurer tousiours d'accord avec nous de la foy, mais en effect pour essayer de prendre droit de les confirmer. On conseille nos Euesques comme freres à la conduite, & meilleure façon du gouuernement des Eglises, pour tourner en fin ces conseils en estroits commandemens. Ce n'est pas encore tout nostre mal'heur. Les Romains sement des procez dans nostre Clergé, & par les priuileges qu'ils veulent faire accroire qu'ils accordent à l'vn de nos Prelats, excitent l'enuie & la contétion des autres pour les des-vnir par là, & les emporter plus facilement vn à vn. Ils trouuent moyen de se faire establir iuges par remission & compromis, subdeleguent à desseing des Commissaires sur les lieux pour en attirer les appellations à Rome, & fon-



der par là leur iurisdic<sup>ti</sup>ō. S'il s'esmeut  
 quelque dispute, ou quelque pique en  
 tre les Archeuesques de deux prouin-  
 ces, qui pensent mal à propos n'en de-  
 uoir croire les Euesques de leur res-  
 sort, en lieu d'adresser ceste cause à vn  
 Concile de toute la France selon la  
 police de l'Eglise, pratquee en la no-  
 stre au Concile de Turin & sembla-  
 bles; les Papes qui se disent estre neu-  
 tres en ce different se font nommer  
 arbitres, & obligent ainsi estroitement  
 celui en faueur de qui ils prononcent.  
 Ils supportent apres les Archeuesques  
 contre les Euesques qui ne se veulent  
 ployer facilement, & ces Archeues-  
 ques les obseruent, les respectent, &  
 leur rendent le deuoir de clients. S'il  
 y a quelque party faict entre les Eues-  
 ques pour les procès qu'ils leur font  
 naistre, ils se régēt du costé de l'vn ou  
 de l'autre, pour s'accroistre de nos rui-  
 nes, & s'enfler de nos mauuaises hu-  
 meurs. A quoy si Roys prennēt gar-  
 de pour les esblouir de vanité, & les  
 fleschir à l'affoiblissement des Eglises

## PHILIPPE II.

ils les flattent de quelque beau nom specieux, les caressent de leur alliance, les appellent leurs fils aînez, donnent le titre de Patrice à Pepin, enuoyent des presens au Chauue, & se meslent de traicter vn mariage entre Charlemagne & Hyrene Imperatrice de Leuant. Quelquefois nos Roys qui ont enuie de se descharger de quelques-vns du Royaume qui leur pesent trop sur les bras, ont intelligence avec les Papes qui se veulent aussi depescher des Euesques plus puissans & qui leur sont le plus cōtraires: & cōcertant & concluant des croisades ensemble les enuoyent tous au voyage d'outre-mer. En fin on n'obmeēt pas les plus petits traicts qui seruent à la cōciliation des amitez. On employe les musiques pour amollir & rompre par ce chatouillement les fermes & constants esprits de nos Eglises, on nous fait trouuer bon de receuoir le chant Romain; & par ceste conformité & marque de similitude és moindres choses de leur police, ou s'auāce

pour occuper l'entieremoderation de la nostre, endormant ainsi nos Prelats par des chansons, les prenant au pipeau comme cailles, & perdant le vaisseau de nostre Eglise au perilleux passage des Syrenes. Toutesfois elle n'a pas tousiours esté si simple de se laisser gaïner pour peu de chose, elle à cōserué longuement sa liberté, & repoussé bien loing ces alliances estrangeres si dāgereuses. Qui fut cause que le desdaing de ce rebut tournant en rage le desir des Romains, ils se proposerent de trouuer en la force ce que l'amitié leur auoit desnié. A cest effect ils s'adresserent à Pepin & Carloman, & depuis à Charlemagne qui par edit public contraignirent nostre Eglise à se donner ainsi en proye, & bien que nos Euesques resistassent fermement à Boniface de Maience & autres Proxenetes & entremetteurs de ce violent mariage, ces Princes les y rangerent à coups de baston. Aussi les Papes n'estimant pas trop certains, ny durables ces titres forcez pour autho-

*Augm. 4*

*Amal.*

*Bonifac.*

*in epis. ad*

*Daniel.*

*Adrian.*

*1. epis. ad*

*Carol.*



## PHILIPPE II.

riser leur possession de mauuaise foy, faisoient iurer aux sacres de nos Euesques vne nouuelle subiection au siege Romain, comme on void par la profession d'Albertus Morinensis, & par la lettre d'Hincmarus de Reims à l'Eglise de Tournay. Qui n'estoit autre chose que la ruse des cedulles arrachees des Euesques Oriëtraux au huitiesme Concile general, lesquelles ils se firët apres bië rendre cōme iniustement & violentemēt extorquées. On ne peut certainement excuser Pepin, Charlemagne, & le Debonnaire d'auoir beaucoup fait de bresche à la gloire de nostre Eglise. Car ne se contentans pas d'auoir enrichi la Romaine iusques à l'enuie, & de l'auoir appelée en partage de leurs conquestes, ils negligerent du tout la nostre, & ne se donnerent point de peine du tort qu'ils luy faisoient de l'abaisser & de l'asseruir; n'estimans importer rien à la maïesté de leur Empire de scauoir laquelle de ses Eglises seroit premiere ou dernière, qui seroit l'esclau,

la franche, ou la maistresse, parce que toutes deux seruoient à la grâdeur de leur estat. Mais Charles le Chauue qui reffentoit le dommage de cest aduantage Romain auoit apporté à la France, qui en iugeoit les perilleuses consequences par ou la perte du Roiaume n'auoit tenu qu'a vn filet, encore qu'il se laissast apres vn peu aller ployé par les présents du Pape Ican VIII. rendit toutesfois au commencement de son regne la liberté à nos Eglises, qui n'estoient pas du tout abatuës. Car quelque suport que les papes esperassent de ses ancestres ils n'y osoient pourtant iamais rien entreprendre sans enuoyer descouurir deuant quel il y faisoit, sans sonder le gay, & sentir de loin la force & la doctrine de nos Euesques. Traict malicieux de Nicolas I. Qui apres auoir entendu de ses explorateurs que nos Prelats estoient peu soigneux de l'estude, amateurs du bon temps, endormis & enseuelis dans les plaisirs fit vn grand effort sur la France, & ne l'osa iamais

*Aimoin.**s.c. 33.**Regino**lib. 2.*

## PHILIPPE II.

attaquera auparauant. De sorte qu'on peut bien compter l'ignorance entre les plus pressantes causes de la cheute de nostre Eglise. Le chapiteau & la couronne de toute ceste grãde masse des diuers moyens de nostre perte, à esté la venuë des Papes en France. Urbain II. Paschal II. & les autres hebergez cõme amis & alliez par nos Euesques, violant tous droiëts d'hospitalité ont presque surmonté du tout nostre Eglise. Nous rapportons encores des laides marques de leurs voyages, & ne s'est point trouué iusques icy quelqu'un si genereux, ny si hardy pour nous effacer du front les vestiges de ceste condition trop seruile. Nostre diuision, & les longs troubles de la Frãce ont cuidé donner la derniere main à ce chef d'œuure de mal-heur, C'est par là que Gregoire pësoit abatre & accabler pour iamais l'Eglise Galicane, & ne se mescontoit pas de beaucoup. Les fers en sont encore au feu, & la nuëe n'est pas du tout passée. Nostre Eglise court fortune, si



elle ne se refuse iccy, si elle ne se pique, ne se reuanche, & ne reprent son ancien cœur. Ne le fera-elle point? qu'elle se voye, se cõtemple, & se mire sur elle mesme, qu'elle se compare à son exemple, s'excite de la premiere beauté de son image, & s'anime comme vn Lyon deses propres esguillons. Se trouue-elle trop decheuë, & trop differente? Il n'y a que les accidens de changez, c'est la mesme substance & la mesme forme, biẽ que la figure soit vn peu alteree. Les femmes se font portraire quand elles ont leur venus & leurs grace., en la plus grande vogue, & plus fort credit de leur beauté, & à mesure qu'elles la voyent couler & décroistre par le temps & les maladies, celles qui s'aiment le mieux essayent de l'entretenir la plus esgale qu'elles peuuent à ce que leur tableau leur fait voir de leurs premiers beaux iours: quelques autres plus curieuses reparèt par l'artifice les ruines du tẽps & de la nature. Il sert à ceux qui se reuiennent de quelque grande maladie

## PHILIPPE II.

de se regarder souuent au miroir; la veüe de leur changement en si mauuais estat, & le souuenir de leur premier estre representé par vn portraict ou ils se comparent leur donnent le cœur de regagner leur bon visage, & de reprendre leurs anciennes forces. Ils se picquent d'eux mesmes pour ne pouuoir si parfaictement estre eux-mesmes, & le regret de ceste diuersité accourcist le retour de leur premiere vigueur & leur ramene plus promptement vne santé solide. Pourquoy l'Eglise Galicane n'en fera-elle de mesme? Qu'elle se moule & se conforme à son image; qu'elle considere que c'est tousiours elle mesme, quoy que chagée. Son corps est biẽ vn peu plus maigre, plus essancé, plus courbé; la peau vn peu ridee, le tainct flestry, la couleur moins fresche, & plus passe, l'embon-poinct vn peu escoulé, les nerfs retirez, les veines espuisces de sang, les arteres vuides d'esprits, ses mouuemens plus froids & plus tardifs, mais les mesmes traiets sont demeu-

rez, ce sont les mesmes constitutions, les mesmes lineaments, & le mesme corps. Il ne faut que quinze iours de santé pour la rendre plus belle que iamais; on rengraisse au releuer des maladies. Si elle sent encores l'estomach chargé des restes de sô mal, si la cédre bruslee de la fieure passée luy donne encore de l'esmotion, si elle ressent la pesanteur de quelque excremēt quelque racine d'humeur piccâte, ou quelque petit filet de ce venin de diuision qu'elle le vomisse & le reiette hastiuement, qu'elle se nettoye & se renouuelle. Apres les grandes maladies la purgatiō est tousiours necessaire. Mais on l'épésche, on la trauaille, on l'exerce en des fascheuses trauerses elle rencontre de fortes resistances? Sa vertu doit redoubler ses vigoureux effets à l'opposition de ces contrarietez ennemies. Les rayons du soleil rabattus ont plus de force par la reflexion: & la vertu à ses antiperistases comme toute autre chose. Qui la garderoit de se recognoistre & se redresser à cest ex-



## PHILIPPOVE II.

tremé coup de son mal-heur excitée, prouoquée, picquée, de ses exemples domestiques? Est elle moindre d'honneur & de dignité qu'aux siècles de nos peres qui l'ont faite si dignement reluire, qui l'ont fait ressentir aux Romains si grande, si courageuse, & si puissante? Qui l'a tant raualee de grandeur & de courage qu'elle mesme, qui a tant aidé son mal? Qui la tient ainsi abbatue qu'elle, qui ne s'efforce point de se releuer? qui desdaigne si negligement de se remettre? Est-ce qu'elle vieillit, que courbee sous le faix de tant d'annees elle est lente, froide, & pauvreuse? Se iuge-elle par la plus impuissante & moins hardie? Ceste honorable antiquité est la verdure & la force des Eglises. Tous les estats décroissent par le tēps, la seule Eglise se doit fortifier par l'aage, & la longue suite des annees. Peut être qu'elle n'est pas en estat de s'esnouuoir, & de se faire pitié? Et peut-elle iamais courir plus perilleuse fortune? On veut perdre d'un esclat de foudre Romain vn mil-

lion de consciences, estouffer & estaindre la fidelité en vn million de cœurs, réuerfer & ruiner pour iamais la gloire du plus grand Royaume du monde. Ce sont ici des violètes humeurs d'un Caligula Romain : on voudroit pouuoir abbattre d'un seul coup toute la grandeur, & la bonne fortune de la France. Je seroy bien marry d'accoupler l'Eglise Galicane aux autres pour obscurcir & vmbrager d'enuie les beaux rayons, & la lumiere de ses glorieux merites, car sa vertu ne peut trouuer de pararelle. Mais ie veux essayer de l'animer par la monstre & la veüe des autres Eglises, afin qu'elle considere commēt ses sœurs ont sainctement defendu leur liberté, & qu'elle plus belle, plus grāde & plus genereuse reçoie lustre de leur approche, ou si elle s'estime au iourd'huy plus foible & moins valeureuse, qu'elle se picque au moins de regret à regagner l'honneur de son premier nom : l'exemple sert de quelque chose à la perfection de la vertu. Qui pourra faire iuger

## PHILIPPE II.

aux enuieux de sa gloire, & à tous les vendeurs de ceste fumee des Bulles de Gregoire, qui nous veulent plu-  
 tost creuer que esblouir les yeux de  
 tant d'esclairs de ses tempestes, qu'ils  
 ne sçauroyent iamais appeler temeri-  
 té és François, les effects de solide  
 constance qu'ils verront si hautement  
 esclatter au sein de toutes les Eglises.

*Euseb. 5.* Car pour en parler hors de passion, il  
*c. 33.* s'en faut tât que Policrates & les Asia-  
 tiques fussent trop marris du schisme

Romain, & dequoy Victor s'estoit si  
 brusquement retranché de leur com-  
 munion Chrestienne, qu'au contraire  
 ils desdaignerent genereusement ce-  
 ste arrogance, & firent gloire de rom-  
 pre ceste alliance insupportable. En-

*Ibid. c.*  
*25.*

cores sur ce subiect Irenee vn de nos  
 Euesques entreprint de regler les fan-  
 tasies immoderees de ce Pape, qui  
 print en bonne part la correction de  
 ce Prince des Eglises de Gaule. Il ne  
 tarda guere qu'Estienne I. & S. Cy-  
 prian ne se trouuassent badez & poin-  
 tez en diuerfes doctrines, mais pour  
 cela



cela l'Eglise Africaine se donna ell  
 beaucoup de peine du iugement  
 que la Romaine pouuoit faire d'elle  
 au contraire, elle en tanſa rudement  
 les Eueſques. S. Cypriã appella Eſtiẽ- *Cyprian*  
 ne opiniaſtre, mal traiçtable, & luy re- *ep. ad pō*  
 procha que S. Pierre n'eust oſé dire *peium &*  
 comme luy que les autres Eglises plus *ad Quirin*  
 nouuelles deuoient ſubiection à ſon  
 aiſneſſe. Ceſte belle reſolution fit tant  
 admirer & redouter las Cartaginois  
 qu'encores qu'Eſtienne pour la meſ-  
 me contention du baptême eust de-  
 noncé l'excommunication aux Eueſ-  
 ques Helenus & Firmilianus, qu'il eust  
 enueloppé en ſes imprecaſions toutes  
 les Eglises de Cilicie, Capadoce, &  
 Galatie, il ne fut iamais ſi hardy de  
 quitter la ſocieté de S. Cyprian. Quãd  
 il l'eust entrepris l'Eglise Africaine  
 eust tonnè plus hautement que luy,  
 & eust plus porté de regret de la fau-  
 te de Rome que de la derniere diſ-  
 ſolution de ſes legeres amitiez. Car  
 d'appeller de l'etreprinſe aillicurs qu'à  
 l'Eglise d'Afrique, il eſtoit deſſendu

## P H I L I P P I Q U E   I I .

*Cap. 22.* sur peine d'anatheme par le Concile  
*tom. 1.* Mileuitain L'Affrique se sentoit & se  
*Cœc.* iugeoit assez forte pour tirer raison  
 de ses querelles, sans emprunter se-  
 cours d'ailleurs; d'ou vint la grande  
 contention du VI. Concile de Carta-  
 ge pour Appiarius. Le Pape Denys  
 nourry en l'eschole d'Estienne osa biē  
 pousser plus auant ceste poincte, pour  
 s'en prendre à Denys Alexandrin qui  
 soustenoit les Eglises Ciliciennes, & s'a-  
 uança pour l'excommunier: mais l'au-  
 tre plus ferme se reuencha brauemēt,  
 luy rendit aussi tost son change, delas-  
 cha & desbanda sur luy d'aussi furieux  
 traiçts de censure qu'il en pouuoit  
 auoir receus. Pierre Alexandrin rébar-  
 ra par la Gelaiz, qui luy portoit de ces  
 fougues au nez, & toutes les autres  
 Eglises n'ont pas eu autre fois moins  
 de cœur & de resolutiō. Car lors que  
*Secrat.* Iules I. eust ainsi mal traiçté les Oriē-  
*lib. 2.* taux, ils l'adiournerēt par deuant eux  
*Sofomen.* en la ville de Philipolis, & luy ren-  
*lib. 2.* uoyerent son anatheme avec vsure. Il  
 print vne pareille humeur à Leon I.

contre ces leuantins qui le payerent  
encor' de mesme. Dès que Fœlix  
3. eust excommunié Accatius Archeuesque de Cōstātinople. sans s'es-  
mouuoir beaucoup de ceste iniure il  
assembla son Clergé, effaçâ ce Pape  
des table de son Eglise, & le raya du  
tout du catalogue des Euesques, cōme  
on void par la plainte qu'en faiēt Ge-  
laisō successeur en sa lettre aux Eues-  
ques de Dardanie. Ainsi Pierre de Cō-  
stātinople ne peust iamais ployer sous  
Boniface III. ny obeïr à Phocas qui le *Sabellie.*  
pressoit de luy asservir son Eglise, Tels  
se sont portez tous les autres Arche-  
uesques de Constantinople comme  
Photius contre Adriam<sup>2.</sup> & ç'à esté le  
courage de to<sup>9</sup> les Orientaux, qui sur *Lib. Pon-*  
le reglement de l'ordonnance d'Ho- *tifical. In*  
nori<sup>2.</sup> & Theodose<sup>2.</sup> traiterent sou- *Adrian.*  
uerainement les affaires esmeuë dās  
le ressort de leurs Prouinces, mespri- *L. 6. C. de*  
ferent noblement les cēsures des Oc- *sacr. Ec-*  
cidentaux, se retirent aussi franche- *cles.*  
ment de leur communion comme les  
autres pouuoïēt faire de la leur, & en-



## P H I L I P P E    I I.

tamerent de tant & de si grâds scismes  
l'Eglise Romaine qu'ils planterét des  
termes esleuez sur le mont de Tusca  
pour enseignes remarquables de leur  
separation. Lesquels effects de ver-  
tu & de courage imprimèrent d'e-  
stonnement & de crainte aux esprits  
Romains, que Iean VIII. enuoya ses  
Legats au Concile de 383. Euesques  
tenu à Cōstātinople, pour rechercher  
leur alliance. Qu'on fait icy toutes  
les autres eglises aux rencontres de  
mesmes querelles? La lettre de Boni-  
face de Maience Legat de Zacharie  
monstre que les euesques d'Alma-  
gne ne redoutoient pas beaucoup ses  
choleres, n'y ses cēsures. Nicolas I. bâ-  
dant tous les nerfs de sa presumption  
pēsoit biē foudroyer iusques au fonds  
des enfers Gontarius Archeuesque de  
Cologne, & Theogandus Archeues-  
que de Treues pour le mariage de Lo-  
thaire de Lorraine; mais ils luy dres-  
ferent aussi tost des contre-batteries,  
& luy rendirent des coups de mesmes  
foudres. Luipert Archeuesque de Ma

*Flores  
temp.*

*Auent. 4  
Annal.*

ièce fit tēte à ces temeritez du temps  
 de Loys Debonnaire; Herold d'Alf-*Idem lib.*  
 bourg reiecta le iugement Romain  
 sur le droict du pallium, Guillaume  
 Euesque de Mastrich, & Valdramus  
 de Niemburg ralliez & vnīs avec  
 les autres Euesques de Germanie en-  
 treprendrent fidèlement la deffence  
 de l'Empereur Henry III. excomu-  
 nié par Hildebrand, qu'ils accable-  
 rent du poix de mesmes anathemes à  
 Ingelhein, & à Brixen en Bauieres, Ar-*Idem 6. Annal.*  
 noul de Maience, & Eberard de Salf-  
 bourg firent mesmes efforts de vertu  
 contre Adrian III. en faueur de Fede-  
 ric I. reprocherent à toutes les Egli-  
 ses leur lacheté de seruir trop misera-  
 blemēt à ceux qui les redouteroient-  
 si elles vouloient retenir leurs coura-  
 ges massés, & leur restoit tant soit peu  
 de sang & de force pour regagner  
 leurs libertez anciēnes. Les Euesques  
 de Cologne & de Maience repousse-  
 rent, & rompirēt de pareille constan-  
 ce les tempestes esmuës sur l'estat de  
 Federic II. & Adolphe de Cologne *N. ancler*

PHILIPPOVE II.

& Philippe de Salts-bourg firent glorieusement reluire les armes de l'autorité de leurs Eglises contre les violentes entreprinſes d'innocent IIII. C'eſt ainſi que ceux de Liege reſuſerent d'obeir aux crueles & ſanglantes cenſures de paſchal II. & que ceux de Suede rabatirent l'audace du Cardinal d'Alabanie, depuis pape du non d'Adrian 4. La Hongrie auoit longuement honoré les miracles d'un ſainct homme nommé Luc, quand Alexandre 2. portant enuie à ſa reputation, penſa de la taſcher, & diffamer d'un anatheme. Mais l'autre non plus eſtoneé ny eſbranlé de ceſt orage, qu'un cheſne de cent années des haleines d'un foible Zephire continua conſtamment en la gloire de ſes premieres actiōs, mourut ſans demander, d'eſtre deſtaché de ces liens Romains & teſmoigna ſon innocēce & le droit cours de ſa vie par la ſuite de tant d'autres merueilles, que les papes furent contrains de luy donner place *Cantor.* entre les ſaincts, & ſa memoire & ſes *Parisienſ.*



cendres ont esté tousiours sacrees à la Hongrie. Voicy dequoy faire ouurir les yeux aux plus craintifs, pour regarder fixement, sans terreur & sans effroy les esclairs brillants, & les pointes ardantes de tous ces foudres. L'anatheme Romain effleura si peu la conscience & l'honneur d'un homme de bien, qu'en lieu de l'abysser comme on pensoit, il rebondit contre ce traict furieux; & se releuant & rehaussant par ceste agitation, cōme d'un contre-coup sauta droit dans le paradis. L'abus de ces iniustes censures n'a pas esté moins mesprise par l'Angleterre. Augustin enuoyé par S. Gregoire pour conuertir ceste isle, & luy donner comme il pensoit les premiers elemens de nostre Relegion, y rencontra sept Eueschez desia Chrestiennes, qui ne s'estōnerent pas beaucoup de ses menasses. S. Gregoire en dit autant d'irlande. Fulco Archeuesque de Londres & Robert de l'incolne ne laisserent pas pour l'espouventable bruit de ces tōnerres de ré-

## PHILIPPE II.

uerfer fortement les violances d'innocent III. Les Roys d'Angleterre en l'annee 1094. n'attendirent pas que Rome les escartast de la communion, *Matth.* ils rompirēt les premiers compagnie, *Paris.* deffendirent à leurs Euesques la societé d'un, qu'ils disoiēt s'estre tāt oublié enuers eux qu'il ne tenoit plus rien de Sainct Pierre que la chaise, & tous les Prelats Anglois euterēt longuement la rencontre & l'approche d'Anselme de Cantabrich comme d'un hōme pestiferé, parce qu'il portoit d'Italie des iniustes decrets contre la franchise de leurs eglises. Que si les Romains deschargeant, & deployant les derniers coups de leur main, ont osé mettre l'interdict au Royaume: le Roy estienne ouurit aussitost les porres des eglises, remit le culte diuin, reſtabliſſe l'exercice des choses sacrees par toute l'Angleterre, & fit cōtinuer & poursuiure aux Euesques l'ordre & le deuoir de leurs charges. L'Eſcoſſe comme partie de ceste belle Albion vient prendre part à la gloire

gloire de ses merites. Clement l'un de ses grands Pasteurs desdaigna noblement, & en homme de cœur les censures deslachees par Boniface Legat Romain, vertu cōmune à tous les Euesques de son siecle. Colombanus ne s'esmut iamais de toutes ces imprecations horribles, & tenantes par lesquelles on le pensoit renger à ceste subiection: les Eglises Escossoises se remuerent brusquemēt contre ces excommunications au regne d'Alexandre III. & condamnerent de la sainteté d'un Concile les legeres anathemes des Legats Romains. C'est ainsi que la lettre du Pape Symachus adressee aux Prestres d'Esclauonie mōstre le peu d'estime que fit Euphemianus & les Euesques de Dardaine de ces haleines ensoufrees de Gelaiz I. & cōme la Dace, & l'Esclauonie s'en moquerent. Les Patriarches de Hierusalem ne s'en font fait querire, & ceste Espagne qui se farde tant aujourd'huy d'un nom paré de Religio, qui se parfume tāt de l'obeissance Romaine de

*Beda lib.**3. c. 25.**Or 26.**Boetius.**Tyrius d  
bell. sacr.*



PHILIPPE II.

clara son naturel brauache contre  
 Estienne I. quand il luy portoit aux  
*Cyprian.* yeux ces morts spiritueles, si elle ne  
*Epist. 4.* receuoit ses Euesques Basilides &  
*lib. 1.* Martialis qu'elle auoit rebutez de ses  
 Eglises. Quoy qu'elle dissimule,  
 quoy quelle se contrefasse, se faigne,  
 se contraigne, & fasse icy l'ipocrite  
 à la veuë du monde elle à tenu long  
 temps les yeux ferméz sans vouloir  
 recongnoistre les iugemens romais  
*Cap. 28.* comme Arnophled'Orleans le repro-  
*Concil. Re* cha de cholere à la froideur de nos  
*mens.* Euesques assemblez au Concile de  
*Liber Pon* Reins. En fin l'eglise de Millan s'est  
*rist. Sacel-* longuement reuenché de ces affronts  
*lic.* & celle de Rauëne quoy que voisine de  
 Rome à foulé mille fois aux pieds ses  
 anathemes. Leon & Iean ses Euesques  
 en poinctèrent de cōtraires sur Adriã  
 & Nicolasi. quine lespeurent iamais  
 renger sous les loix de leur seruitude  
 que par la guerre, & la force ouuerte  
 l'vn alaide de Charlemaigne, l'autre  
 par vn siegerigoureux, & l'iniurieux  
 effort d'vne armee ennemie, qui sont

Les belles benedictions Apostoliques  
 de Gregoire. L'Euesque de Florence  
 attaqua fort l'honneur de Paschal II. sur  
 mesme subiect, les Peres du Conci- *Sabellic.*  
 le de plaifance se moquerent de ces  
 faillies d'Urbain II. l'Eglise, & les ha- *Crantz*  
 bitas de Verone le mirēt par le poing *in Saxon.*  
 hors de leur ville quand il osa ouvrir  
 la bouche pour excommunier l'Em-  
 pereur, le Clergé de Rome se separa  
 d'une hardiesse incroyable de Sixte  
 III. & d'Anastase II. entaché de l'er- *Cap. cum*  
 reur d'Acacius: & tous les Euesques *Anasta.*  
 d'Italie ralez pour faire le proces à *19 distin.*  
 Jean XII. comme il pensoit rompre ce  
 coup vigoureux de iustice par le mur-  
 mure & l'effroy de ses tempestes, luy  
 brenuoyèrent brauement vne excom- *Luitprad*  
 munication bien scelee, attachee à sa *Blond.*  
 destitutio. Les Papes nous ont mieux  
 monstre que tous autres l'assurance  
 que nous deuons prendre ici, no<sup>r</sup> ont  
 confirmez en la naturelle constance  
 de nostre liberte, & nous ont appris  
 à ne nous troubler pas seulement à la  
 venue de ces impetueux orages. Car

## PHILIPPE II.

cōbien de fois se sont-ils horiblement  
entr'excomuniez, excitant & attirant  
d'enfer les vns sur la teste des autres  
les plus cruelles & plus espouuenta-  
bles furies? Hildebrant & son aduer-  
saire, Urbain II. & Clement III. Pas-  
chal II. & Gilbert, Gelaiz II. & Mau-  
rice Archeuesque de Braga eslu Pa-  
pe par l'Empereur. Innocēt II. & Ana-  
clet, Alexandre III. & Victor ne s'ex-  
comunierent-ils point sanglante-  
ment? n'espuiserent-ils point les vns  
sur les autres toute l'horreur, & la té-  
peste de l'Arcenal Romain? Mais par-  
ce qu'on pourroit reuoker en doute  
la puissance de quelques vns d'entre  
eux dont on a rayé les noms du ta-  
bleau, & de l'ordre des Papes. Ne vid  
on point acharnez l'un sur l'autre Be-  
noist XIII. Gregoire XII. Alexandre  
V. & Iean XXIII. tous recogneus pour  
Papes en mesme temps: Ne s'ana-  
thematiserent-ils point effroiable-  
ment, & avec eux tous les Princes &  
peuples de la terre diuisez de leurs fa-  
ctions? Qu'eust faiēt icy l'Eglise si



tous ces coups de foudre eussent porté, & eussent tiré sang? Car tous les Royaumes estoient bandez, & coniuerez pour les querelles de ces Papes. L'un suiuiot vn party, l'autre fauorisoit le contraire; & souuent vne mesme province estoit partie & deschiree en la suite, ou en la contention de toutes ces diuerses parts? Tout le monde estoit donc ce coup là effacé du liure de vie, qui par l'un, qui par l'autre de ces Papes? A ce compte toute l'Eglise estoit censurée, & profondement damnée? car il n'y auoit petit coing de la terre qui n'eust receu des traits, & senty des attaintes violentes de leurs maledictions, qui n'eust esté frappé à mort par l'un ou par l'autre, si leur foible puissance & mauuaise volonté eussent tant peu produire de ruine? Il ne restoit donc plus de face, ny de forme d'Eglise, elle estoit toute tachée, noire, hideuse, espouuentable. Tout l'abyssme s'estoit desgorgé sur elle, & les portes d'enfer auoient preualu contre la vertu. Les Papes mesmes s'arra-

## PHILIPPIQUE II.

chant par force du salut de son sein  
s'estoient logez les vns les autres bien  
auant dans l'Enfer, & avec eux tou-  
tela Chrestienté entiere, si ces direz  
imprecations eussent esté de quelque  
effect valable, si Dieu eust tendu &  
presté l'aureille pour exaucer ces voix  
sanglantes & mortelles. Ou eust esté  
alors le paradis puis qu'il estoit bou-  
ché? puis que les clefs Romaines ne  
seruoient plus que pour en fermer les  
portes? Il estoit superflu, oisif, inutile,  
& interdit à l'espouse de Iesus Christ.  
La mort du fils de Dieu estoit sans me-  
rite, puis qu'elle ne sauoit plus per-  
sonne? il n'y auoit plus d'esperance de  
grace, puis que ce sang de nostre re-  
demption estoit ainsi respandu & es-  
panché sur des grauoirs, des pierres,  
& des espines? Puis qu'il estoit foulé  
aux pieds, & infidellement derobbé à  
la medecine des ames? Et toutesfois  
l'Eglise plus irritée, qu'effrayée de tant  
de coups de tonnerre qui mesloient si  
confusement le ciel avec la terre, qui  
assembloient le paradis avec l'enfer,

fortant la teste hors de ces nuages  
comme vn beau soleil de Mars, hors  
des ombres de la terre, & des longues  
horreurs de l'hyuer, dissipa de ses  
premiers rayons ces nuicts mortelles  
ramena & rendit le iour au monde,  
replanta l'esperance du Paradis, &  
chastia seuerement ces Salmonees:  
que d'vne puissance aussi iuste que vi-  
goureuse elle excōmunia seuerement  
& chassa pour iamais du S. siege de S.  
Pierre, C'estoit la grandeur del'Eglise  
en ces estranges, & monstrueuses oc-  
currences, c'estoit la vertu de l'Eglise  
Gallicane en ces horribles, & dange-  
reux accidents, & le courage de tou-  
tes les autres Eglises. Qui comme fil-  
les legitimes de ceste sainte Eglise  
Vniuerselle, rapportāt ce noble cœur  
de la grandeur de leur naissance. tant  
qu'elles ont peu retenir leur liberté,  
& conseruer leur forces entieres se  
sont deffenduës elles-mesmes de ces  
assauts Romains, & ont apporté leur  
autorité pout corriger le mauuais  
mesnage qu'on faisoit des merites de



## PHILIPIQUE II.

Iesus Christ, de qui on verſoit le ſang  
par terre à chaſque bout de champ,  
au grand meſpris du chriſtianisme, &  
au ſcandale public de toute l'Egliſe.  
Telle eſtoit leur aſſurance, leur reſo-  
lution, & leur pouuoir, c'eſt ainſi qu'e-  
les attendoient ferme e choc de ces  
fureurs, chaſque poincte Romaine ra-  
portoit auſſi toſt ſa reſponce, & s'e-  
ſtoient le plus ſouuent coups fourez.  
mais apres q; par mille diuers artifices  
que ie pourray bié faire voir aillicurs,  
on a conquis & emporté la Monar-  
chie ſpirituelle des Eglises, que le ſie-  
ge Romain s'eſt rendu ſi puiffant par  
la negligence & la ſcheté des autres,  
par la faincantise des Empereurs, par  
l'ignorance des autres Princes, & l'e-  
ſtonnement de tous les peuples, qu'il  
a briſé les ſceptres les plus forts, a bat-  
tu les plus hautes couronnes, deſchire  
les plus riches & plus precieux dia-  
demes, renuerſe les plus fermes Eſtats  
de la terre, fait la guerre aux Roys les  
plus belliqueux, & dompte & ſubiug-  
ue de force preſque toutes les autres  
Eglises

Eglises du monde, Il a fallu trouuer  
 ceremedes d'appellation à vn Con-  
 cile general composé de toutes les  
 Eglises ensemble, pour estre ce moyē  
 resté seul à cest vmbre & foible  
 idee de leur premiere franchise, com-  
 me naturel, mal-aisé à abolir & de-  
 truire, bien que souuent tenté & es-  
 branlé. De sorte que ce qu'une par-  
 ticuliere Eglise trop inegale à la for-  
 ce du siege Romain ne pouuoit plus  
 faire en sa deffence, toutes les Egises  
 d'une vertu rassemblée, conioincte, &  
 vnies l'ont recerché en ce secours salu-  
 taire, basti pour rompre les efforts  
 d'un aduersaire trop puissant. Car d'al-  
 ler reprendre & repeter si haut ceste  
 forme d'appellation, pour la mouller  
 sur le desseing de l'appel interiecté  
 par Donatus de la sentēce de Miltia-  
 des, seroit trop ignorer l'histoire. Do-  
 natus ne cogneut iamais ce Pape  
 pour son iuge naturel, il estoit Afri-  
 cain de courage comme de nation,  
 & sçauoit les vigoureuses loix de son  
 pays, dont la sainte liberté retenoit

## PHILIPPE II.

par les peines des anathemes les appellations dans les bornes d'Affrique. Mais Miltiades ayant esté commis, & deputé par Constantin pour iuger son procès, ceste delegation qui autorisoit le iugement du nom & de l'autorité du Prince, forçoit Donatus de prouoquer, ou d'aquiescer. Si ie m'estonne dequoy les Eglises ayant perdu le cœur, & les forces naturelles ont esté reduites a parer seulement aux coups, & à se deffendre des iniures Romaines de la vertu d'un appel; ie ne m'esbahis pas moins dequoy les Papes l'ont voulu empescher, qui sont les desseings des factiōnaires de Gregoire. Et toutesfois l'usage a affermy: & rendu familier l'un l'autre. Les Eglises sur le declin de leur vertu, & à la cheute de leurs franchises ont appelé des Papes a un Cōcile general, & les plus ambitieux des romains ont esté contraincts de souffrir l'appel. Car Nicolas I. ayant iugé par cōpromis & remission la cause du patriarche photius, deux Conciles parti-



culiers l'ayant cōdamné, il prouoqua  
 du Pape & de ces Conciles aux estats  
 generaux de l'Eglise, & son appel fut  
 receu, & iugé par le .8 Cōcile vniuer-  
 sel tenu à Constantinople. Quand ce  
 Pape eust delasché & respandu sur  
 Theogandus & Gontarius les tempe-  
 stes dont il faisoit fort grand marché,  
 ces deux Euesques apres s'estre ver-  
 tueusement defendus se voyans en fin  
 trop pressez, mal soustenus, & desti-  
 tuez des autres, appellerent au Con-  
 cile, & firent prendre la mesme reso-  
 lution & adresse à Lothaire de Lor-  
 raine pour qui ils en auoient ainsi cō-  
 tre ce pape. Ceste façon s'est apres es-  
 panduë par tous les Royaumes. No-  
 stre Frâce apres s'estre genereusemēt  
 vengée, s'est bien souuent appuyee en  
 la force d'un Concile vniuersel. phi-  
 lippes Auguste piqué & irrité des cē-  
 sures d'Innocent III. releua son appel  
 au Cōcile: Philippes le Bel oppoia ce  
 répart aux fureurs de Boniface VIII.  
 soustint cōstamment que le siege Ro-  
 main estoit vacant comme occupé

*Assent. 4*  
*Annal.*

*Histoir.*  
*de Frâce.*

## PHILIPPE II.

*Naucler* par vn homme heretique, indigne de la chaise de S. Pierre, & sans quitter ny desmordre tant soit peu ce dessein sans se lasser en ceste magnanime entreprise, ne reposa iamais en patience qu'il n'eust faict casser les Bulles outrageuses de ce Pape par le Concile de Vienne. Cest exemple fut suivi par Charles V. & embrassé bien fermement par Loys XII. Qui offensé des excommunications de Iules II. sur les pas religieux, & le train courageux de ses peres assembla vn Concile à Tours & à Lion, puis se ioignāt à l'Empereur Maximilian, & autres Princes blesez en mesme cause se mit en deuoir de recueillir vn Concile general à Pise & à Milan, ou on decreta vn adiournement personnel cōtre le Pape, & les Eglises de France & l'Vniuersité de Paris approuuant de leurs decrets leurs sainctes resolutions de leurs Rois, les ont quelquefois accōpagnees & confirmees de leurs exemples. Les Princes d'Allemagne ont tousiours visé & buté droit à ce

point. Henry III, IIII. V. Conrad  
Otton IIII. Federic I. & II. Loys de  
Baviere, Sigismond, & Charles V. *Vſpergēs*  
excommuniez par les Papes Gregoi- *Friſingēs.*  
re VII. Urbain II. Paſchal II. Gelaiz *Auentm.*  
II. Adrian IIII. Alexandre III. Inno- *l. 5. 6. 7.*  
cent III. & IIII. Iean XXII. Pie II. & 7.

Clement VII. ont appellé au Conci- *Naucles.*  
le, & l'ont aſſemblé auſſi grand qu'ils  
ont peu pour retracter ces violentes  
entreprises. Ce chemin ainſi heureu-  
ſement ouuert eſté battu de toutes  
les Eglises d'Allemagne. Henry Ar-  
cheueſque de Maience lors que deux  
Cardinaux lui denoncèrent l'anathe-  
me de la part du Pape ſe porta appel-  
lant de ceſte iniuſte force, & releua au  
Cōcile & à Ieſus Chriſt. Quand le Car-  
dinal Iean Legat d'Honorius IIII. ou  
Martin IIII. euſt vomie les foudres ro-  
mains contre les Eglises Allemandes  
qui deſdaignoient d'enuoyer à Rome  
la quatrieſme partie de leur reuenue.  
& contre l'Empereur Rodolphe qui  
ſur l'exemple de la vertu genereuſe de  
ſes anceſtres reſuſoit d'aller prendre



## PHILIPPE II.

*Auctin.*  
*7 Annal.*  
*Nauclet.*  
*Nauclet.*
 sa couronne , & confirmation à Rome, Probus Archeuesque de Colongne harangua courageusement contre ces oppressions , & foules extraordinaires au Concile de Vuiceburg; & au nom de tous les peres qui l'assistèrent interiecta appel de ces sordides iugemēs à la grandeur d'un Concile general. Gregoire II. rauallāt beaucoup de ceste demāde voulut à force de cē-  
 sures arracher vne decime d'Allemagne, & on le paya d'un mesme appel. Toutefois ceux de Basle excommuniez en haine de Loys de Bauier-e'appellerent , ny ne se mirent en peine de demāder absolution. C'est ainsi que l'Angleterre rebuta d'un appel Innocent III. qui exerçoit de grandes & insupportables exactions de deniers sur ses Eglises, & Henry VIII. apres auoir employé tous ces remedes , fut tant importuné de Rome qu'elle le contraignit de luy dire en fin vn eternal adieu. Tous les Roy de la terre, de Naples, Sicile, Aragon, Pologne, Cypre & autres inquietez

par les censures Romaines ont ainsi proclamé aux Conciles generaux. Les Romains mesmes biē que pressez sans fin du poids de ceste domination presente onr attendu de là secours contre les imperieux efforts de Lucius II. & Eugene III. les Eglises de Milan & de Raouenne ont essayé mille fois de se releuer sur cest appuy, & les Moynes *Cronic.* du Montcassin qui pretēdent par l'hō- *Cassinēf.* neur d'vn grand & singulier priuilege dependre, & mouuoir immediatemēt de Rome en ont si constamment repoussē les orages, que Odesirus, & Bruno deux de leurs Abbez ne laisserent pas pendant l'appel de celebrer le diuin seruice avec toute assurance, crosse & mitre comme auparauant, En fin les moindres corps des ordres de l'Eglise, les generaux des Cordeliers, les Moynes mendians bien que particulieres creatures Romaines, les Bacheliers de Theologie comme Iean Teutonic<sup>o</sup>, & autres ont arresté court, & renuersē par là l'insupportable violence de quelques Papes. Tous ces *La mer des hist.*

## P H I L I P P I Q U E II.

honorables tesmoignages de l'ordre de la France. ces mœurs & façons presque de tout le monde font que l'appel de l'Eglise Gallicane ne rauale point sa grandeur, & ne flestrit en rien sa premiere gloire, puis que tant d'Eglises & tant de peres ont par des actiōs si expresses approuuē & annobly cest vsage, desquels on ne pourroit blâmer l'exemple, sans en offencer la vie & la memoire. Dequoy on peut necessairement conclurre que les Papes ne sçauroient empescher & rompre le cours de ceste iustice, ny couper le train de ceste voye d'appel, puis que tant de fois en la cause de rāt de royaumes & d'Eglises. en l'interest de rāt de personnes priuees il leur a fallu souffrit, quoy qu'impatiemmēt. L'E-

*Nicen.*

*Can. 5.*

*Sard. cā.*

*17. Va-*

*scnf. c. 5.*

*Carth. 2.*

*et 4.*

glise a iugé les termes de ce secours si iustes, à l'application de ce remede si necessaire qu'elle l'a fait employer cō-  
trē le iugement des Cōciles mēmes  
s'ils n'estoient generaux. C'est la poli-  
ce des Conciles de Nice, de Sardique, de Frāce, d'Afrique, & de Tole-



de. Que fussent deuenus S. Athanase, Paul de Constantinople, Marcellus, Asclepas, & S. Chrysostome si ce port ne leur est ouuert & fauorable? N'eussent-ils pas fait vn mortel naufrage? N'eussent-ils pas esté perdus & accablez mille fois de tant de tempestes, & coniurations ennemies? Ils rabatirēt & rōpirent tousiours par là les coups des iniustes sentēces de quelques particuliers Conciles plains de faction, bastis, & assemblez à leur ruine; & souffindrent constamment les plus pressans assauts de l'enuie de leurs aduersaires du fort de ces appellations, comme d'un bouleuart imprenable. Beaucoup d'autres Euesques s'en couurirēt apres eux comme Photius Euesque de Syrie, & George Archeuesque d'Antioche. En quoy ie diray que l'Eglise s'est monstree si pitoyable, si bonne & si iuste, & à trouué l'ordre de ceste procedure si considerable qu'elle n'a pas destitué icy les Heretiques mesmes comme Nouatianus, Auxentius, Nestorius, Futiches, Dioscorus &

*Euagr. l.  
6. cap. 7.*

autres semblables, desquels elle a fait reuoir les procès apres les iugemens des Conciles Prouinciaux. L'Eglise Gallicane peut d'oc bien attédré avec assés ceste iustice de l'Eglise Vniuerselle, telle qu'on la luy a autresfois renduë, & qui n'a iamais esté desniee aux plus petites Eglises, aux moindres ordres du Clergé, n'y à vn si grand nombre de particuliers qui l'ont implorée. L'Eglise refuseroit-elle bien à l'Eglise Gallicane l'une de ses premieres filles, & de sa premiere couche le secours de ses celebres iugemēs qu'elle a salutairement desployés en faueur de tous ceux qui les luy ont sainctement demâdez, qui les ont esperez, & recerchez humblemēt dans son sein? A l'Eglise Gallicane qui rapporte tant au naïf la beauté de son visage, en qui on voit reluire si à clair tous ses traiçts plus naturels, son tainct, son air, son mouuement, ses proportions plus mesurees, la candeur & la droiture de ses plus belles actions, & toutes les plus vrayes marques d'une

filles legitime ? La mesconnoistroit elle au iour de tant de certains, & irreprochables tesmoignages ? Quoy ? l'Eglise n'est-elle plus l'Eglise ? N'a-elle plus de iurisdiction sur ses filles ? S'est elle si mal conduite , elle est si fort esgarce, & si interdite, qu'on luy ait lie les mains, qu'on lui ait deffé de l'exercice de ses graues , & redoutables iugemens ? Si elle est donc l'Eglise pourquoy ne se fera-elle recognoistre icy pour l'Eglise ? Manque-elle d'amitié ? de force, ou de courage ? Si elle se recognoist estre mere n'aime-elle plus ses enfans ? Si elle a logé tant de puissance en la main de ses filles a-elle esté si mauuaise mesnagere & si prodigue de n'en rien reseruer, n'y retenir pour elle ? Si elle se sent donc encore assez grande , si elle n'a point du tout perdu la vigueur de son ancienne autorité qui pourroit refroidir sa charité ? qui lui abbaisseroit ainsi le courage ? qui corromproit & énerueroit ses facultez naturelles ? qui luy en empescheroit les iustes, & libres mou-



uements? qui en interromproit les ordinaires fonctions? Que craindroit-elle à se résoudre en cest affaire si nécessaire & facile? Pourquoy perdrait-elle le cœur à casser d'un effort de sa iustice les temeraires decrets de Gregoire, pour condamner & abolir pour iamais la memoire ignominieuse de sa factieuse Bulle si pleine de calomnies manifestement iniurieuses, toute regorgeante d'injustice, qui cheoit desia du poix de son iniquité, & se deschire de sa pourriture mesme. Mais l'Eglise est foible, malade, abatuë, estanduë miserablement par la poudre, l'une de ses filles luy tient le pied sur la gorge, la suffoque, luy fait perdre l'haleine, le mouvement & les esprits? Et tout le reste de ses filles, tous les Princes & les Estats du monde luy rient fauorablement, l'animent, & l'encouragent à se redresser sur ses pieds, la prennent par la main, & la veulent faire medicamenter, & guerir. Il ne tiendra qu'en elle, si elle ne veut plus estre ceste bel-

le, grande, & florissante Eglise. Ce n'est pas la seule cause de l'Eglise Gallicane qui la doit icy picquer, qui luy doit faire reuenir le cœur & les esprits, qui la doit presser de reprendre ses anciennes forces, il y va beaucoup du sien. Il faut qu'elle regagne sa premiere dignité, qu'elle fasse voir qu'elle est la puissante mere de l'Eglise Romaine, qu'elle fasse icy esclatter de gloire son autorité ancienne fondée sur tant de tiltres sacrez, appuyée de tant de iugemens celebres, confirmée par la verité de tant de siècles, recogneuë de la bouche des Papes mesmes. Il faut qu'en reparant les iniures faictes aux autres, elle venge les siennes. Le iugement de la cause de la France fait vn eternal preiugé pour elle, & frappe le plus grand coup à sa grandeur. Quand en faueur de la France elle se fera recognoistre & valoir pour l'Eglise, les Romains l'honoreront & la redouteront tousiours pour l'Eglise. C'est icy que tous les Euesques doiuent prendre l'occasion au poil, se re-

## PHILIPPE II.

souuenir du premier honneur de leur ordre, s'esmouuoir du changemēt de leur condition, & apporter leurs saintes mains à ce chef-d'œuvre de liberté. SIRE, Ce sont les remedes ordinaires employez par l'Eglise Gallicane, & les voyes de defence recherchées & employées par toutes les Eglises contre les foulles & oppressions Romaines. Parce que modestes, pacifiques, & retenues dās les termes de leurs saintes loix, & dans l'enceinte de leur ancienne police elles n'apportent iamais de force en ces affaires, mesconnoissent la guerre, & ne s'empourprent iamais que du sang de leurs martyrs. Là où Gregoire oubliant la condition de son ordre auoit tiré l'espée tēporelle, ne respiroit que meurtres, auoit ietté vne armee dans la France, iusques dans nos foyers & dans nos temples, & infectoit l'air des souspirs intemperez dont sa Bulle tesmoignoit le regret qui luy pressoit le cœur de ce que son aage cassē l'empeschoit de mourir en ces belles oc-



casions, & luy rauissoit celiect d'honneur, cōme si c'eust esté vn grand renfort à la coniuration Espagnolle. L'Eglise a tousiours seuerement condāné ces fureurs. Elle ne peut manier sainement d'autres armes que la doctrine dont elle couppela gorge aux erreurs, les prieres enflāmees qui estoignent les choleres ardātes de ses plus violents ennemis, ou à l'extremité se vēger sur ses yeux, espādre des pleurs, des larmes, & tristes gemissemens. Elle est nette, pure & blanche comme la neige & les lys, & ne peut supporter la marque d'vne seule goutte de sãg sans tacher, & effacer son innocence. Mais les Princes à qui Dieu à mis le glaive en main, qui le ceignent legitimemēt pour la defence de leurs estats, & la protectiō de leurs Eglises ont accoustumé d'apporter icy vn autre remede genereux, que toutel'Eglise leur a tousiours remis, pour nepouoir estre iuste qu'en leurs persōnes. Ce sont les armes, & la guerre par ou la plus-part des Roys se sont courageusement vē-

## PHILIPPE II.

gez des anathemes & autres torts de quelques Romains trop insolens, & dōt ils ont heureusemēt accablé tous ceux qui les auoyent prouoquez, ou supportez en ces iniustices si hardies. La gloire de ce secours, SIRE, est referuée à vostre grandeur & vertu, seules esgales à ceste genereuse entreprise. Gregoire & l'Espagnol ne pouuoient irriter vn plus grād Prince, n'y se bastir vn plus puissant ennemy. Le ciel vous a destiné à la moderation de leurs humeurs violentes, à la correction de leurs audaces desreglees, à l'estouffement de toutes ces ambitieuses fougues dont ils ont troublé le monde, & renuersé presque la Chrestienté : & vous a choisi pour venger tant d'indignitez faites iusques icy à la France, & purger d'vne iustice remarquable la memoire de toutes les iniures passees. Dieu vo<sup>r</sup> a fait naistre propre, pareil, & mesuré à l'effect de tous les plus hauts desseings dont son conseil celeste veut soulager, & bienheurer le monde, il vous a doué de  
toutes

toutes grandes graces, vous a paré de toutes belles vertus, vous a accompli de toutes les plus rares & plus dignes perfections qu'on peut desirer en vn bon Prince, & vous a composé de toutes les excellentes parties qui peuuent faire admirer vn si grand Lieutenant de sa puissance sur la terre. Il vous a donné au monde comme vn soleil pour dissiper & rompre des esclats de vostre vertu tant de nuages de vice, de mal & d'iniustice qui l'enveloppent si obscurement, il vous a fait leuer en ceste hemisphere comme vn nouuel astre pour seruir d'adresse és afflictions de tant d'estranges tempestes qui nous agitent si violement, vous a establi de sa main comme vn fort rempart, & vne haute leuee contre les descentes & débordemens impuissans de l'ambition Espagnole, vous a enuoyé à ses peuples comme vn autre Hercule pour deliurer la terre assiegée, oppressee de tant de Tyrans, & vous a sainctement ordonné pour repuger heu-



## P H I L I P P I Q U E II.

reusement le Christianisme, faire esvanouir les nuicts de toutes sortes d'erreurs, , assoupir le combat de toutes heresies, & nettoyer & purifier dignement l'Eglise des tares, & rides que la vicillesse & la negligence luy ont faict naistre, qui commencent desia à s'endurcir comme vn cal si la faueur de vostre main ne les arrache, & n'en coupe les racines. Encores que pour tant qu'elles s'espandent, pour si auant qu'elles percent, elles ne pourront iamais prendre pied plus auant que sur la peau de ceste belle espouse de Iesus Christ. Sa pureté, & innocence naturelle ont tousiours repoussé les plus fortes & plus dangereuses corruptions, qui ne pouuans penetrer plus auant que l'escorce, la moindre & plus legere laueure effacera toutes ces tasches, & fera paroistre en vos iours l'Eglise aussi belle, aussi nette, & luisante que iamais. Puis que l'ingrat Romain, & l'Espagnol ancien ennemy de vostre Royaume ont osé si temerairement espandre dan le sein

de la France des armées rapiécées;  
non animées d'autre chose que de  
superstition, mais aussi fortes qu'ils  
les ont peu bastir, après que vostre  
vertu, & la force de vos armes au-  
ront genereusement terrassez ces en-  
nemis, que vous leur aurez passé sur  
le ventre, les aurez foulez superbe-  
ment dans la poussiere, & chassé du  
tout hors de France ceux qui n'au-  
ront pas le courage d'attendre les  
coups vigoureux de vostre main, nous  
esperons que vostre prudence & va-  
leur ietteront bien tost les flambeaux  
de ceste guerre dans le cœur de l'Es-  
pagne & de l'Italie, si les Romains as-  
sez vaincus de la memoire des bien-  
faits de vos ancestres s'osét encore re-  
lever sur les pas factieux de Gregoi-  
re. Dieu assista heureusement Phi-  
lippes le Bel en vn pareil ouurage, &  
a beaucoup plus foible occasion con-  
tre Boniface VIII. & celuy à qui ce  
vain Prelat auoit faict vn present ima-  
ginaire de ce Royaume. Ayant ietté  
des gens de guerre en Italie, on print

## PHILIPPE II.

prisonnier Boniface qui mourut soudain de rage, frappé des vengeances du ciel. Ce sage Prince Loys XII se porta ainsi courageusement contre Iules II. & les Espagnols. Renforçant ses armées d'Italie il print la ville de Boulogne, fit mettre Bresse à feu & sang, & fit donner vne forte bataille aux Espagnols, & au Pape. Ces occasions de guerre contre les Romains, & ceux qui se sont seruis du manteau de leur siege pour couvrir, & autoriser leurs querelles ont esté iugees si iustes par tous les Princes, qu'ils en ont fermement embrassé & exercé le remede, & leurs subiets les ont fidellement seruis & sans scrupule en ces necessaires entreprinſes, que Dieu a benies & approuuées par des heureux succez, & des glorieuses issues. L'Empereur Henry III. dressa vne puissante armée contre Hildebrand, vainquit en bataille rangée Rodolphe qu'on auoit presomptueusement esleué à l'Empire contre luy, crea vn Antipape, & opposa le Pape au Pape,



qui luy oppoſoit les armes aux armes.  
 Henry IIII. & V. Conrad & Otton *Auent. 5.*  
 IIII. ſe vengerent ainſi des Romains *6. & 7.*  
 qui troubloient leurs Eſtats en faueur *Amal.*  
 de leurs ennemis, quand Federic II. *Vſpergès.*  
 ſ'apperceut qu'Innocent IIII. ſe meſ-  
 loit d'aſſembler vn Concile contre  
 luy, il mit des armées aux champs, fit  
 aſſieger les chemins par mer & par  
 terre, print quarante galeres qu'a-  
 uoient fait equipper les Cardinaux,  
 & luy fit vne forte guerre. Loys de  
 Bauiere fit quitter l'Italie à Iean XXII.  
 & luy eſtablit vn Antipape à Rome  
 qui l'eust bien empesché ſi Boniface  
 Comte de Piſe ne l'eust trahy: Et Si-  
 giſmond, & Charles V. s'armerent  
 contre les papes. Telle fut la vertu  
 de Roger le Normand Roy de Si-  
 cile. Adrien IIII. ayant desbandé les  
 traits ambitieux de ſes cenſures con-  
 tre Guillaume Roy de Sicile, & de la  
 pouille, il print les armes, donna ba-  
 taille à l'Empereur Emanuel Comme  
 vne ligué contre ſon eſtat, aſſiegea le  
 Pape & les Cardinaux dans Bene-

## PHILIPPE II.

uent, les print tous prisonniers, & se fit absoudre de brauade gaignant par la seule force famitié d'un Pape qui le redouta. C'est ainsi qu'on faiet teste aux Romains les Roys d'Angleterre, & d'Aragon quand ils ont ressen- ty quelque attainte des esclats de leurs tonnerres: Et tous les Estats du monde estraignant la vertu de cest ordre ont secoué d'un bras armé les nuées de ces tempestes, ont rompu ces malicieuses estraintes, & ces neuds superstitieux à coups d'espee, & se sont vaillamment desueloppez comme The- sees des labyrinthes, & enlassemens Romains. Les Venitiens tournerent leurs espees contre Iules II. Les Florentins se firent absoudre à Sixte III. par la guerre, & les Romains qui pour estre plus pres des Papes sembloient obligez à respecter d'auantage leurs anathemes, en ont tenu moins de cō- pte. Car tout ainsi que ceux qui vi- uent sur la croupe des plus hautes montagnes, & parmi les nuës mes- mes se ressentent moins des gresles

qui se forment parmi eux, & reçoivent le plus souvent moins d'incommodité, & de mouilleure des pluyes: De mesme les citoyens Romains viuant dans l'air de ces orages, accoustumez au bruiet de ces tempestes, assurez au son de ces forges, habitans tousiours sur ces Æhtnes qui ont tant espandu de foudres par le monde en ont esté les moins blessez, pour les *Sabell.* auoir les plus dedaignez. Cintius Gē-*Vfperg.* til-homme Romain excommunié par Hildebrand le print prisonnier. Les Frangipains picquez d'une censure se ietterent à main armée sur Gelaiz i i. *Continua* Les Iordains assiegerent Lucius i i. *Sigebert.* Tout le peuple de Rome chassa hors la ville Eugene i i i. qui ne se peut sauuer qu'en France; & contraignit Lucius i i i. de se retirer à Veronne. La *Crants* force, la vengeance, les armes vigou-*in Saxon.* reuses de tous les peuples se sont fait donner place entre les plus certains moyens de la reformation de ces excommunications. Nos peres comme tout les estats du monde ont mis sou-



## PHILIPPE II.

nent l'absolution à la poincte des es-  
 pees, ont heureusement tiré raison des  
 Romains qui troubloient leur repos,  
 & dompté vaillamment tous ceux  
 qui les auoient pouffez à ces entre-  
 prinſes temerares. C'a eſté la vertu  
 la valeur & fidelité de la France. Il ne  
 tiendra qu'à vous, François, que vous  
 ne regagniez ce meſme rang d'hon-  
 neur, que vous ne reteniez les belles  
 enſeignes de ceſte reputation, que  
 vous ne repreniez ce degré de meri-  
 te, que vous ne ſoyez recogneus pour  
 enfans de vos peres. Vous auez pour  
 chef le plus grãd Roy du monde, pru-  
 dent, hardi, valeureux, vray foudre  
 de la guerre, ſucceſſeur de toute la  
 gloire des Rois de France comme de  
 leurs couronnes; qui retirera du tom-  
 beau l'honneur de vos ayeuls que ces  
 troubles ſemblent auoir enſeueli dans  
 la ruyne meſme du Royaume. C'eſt  
 luy qui eſtendra plus loing que ia-  
 mais le nom de vos conquêtes qu'on  
 vous veut tant racourcir, qui releue-  
 ra bien haut les ſtatues de vos peres à

demy panchantes & presque abatuës, qui redressera les trophées de l'ancienne vertu des François renuersez par le temps, & enterrez en la confusion de tant de guerres ciuiles, qui fera reuerdir les couronnes des fréquentes victoires de France haslees, & flestries par l'ardeur de tant d'ambitions estrangeres, & vous acquerra de nouueaux lauriers, & de nouuelles palmes. Il vous sera bien aisé sous la conduite de la vertu de ce grand Prince de chasser du tout les restes de ces miserables armées ennemies, pour transporter apres au pied des murailles de Rome, & de Madry les feux qui ont tant embrasé, & si longuement bruslé la France: pour faire rougir le Tybre du sang hôteux de tant de Romains vaincus, & engresser les deserts d'Espagne des corps morts de ces Mimes d'Occident. Il faut faire resouuenir aux romains s'ils s'oppinistrent aux lasches desseins de Gregoire, que mesmes les armes Françoises qui leur ont cōquis tout ce qu'ils ont

de plus riche & de plus beau en Italie, qui leur ont conserué tant de fois ce qu'elles leur auoyent donné, qui seules les ont peu remettre en leurs sieges, qui se sont tât de fois bâdees & roïdies pour les apuyer de leur valeur contre les efforts presque de tous les Princes de l'Europe, n'ont rien perdu de leur premiere force. Il faut faire voir icy que vous estes de la race de ces François qui ont tant de fois esclouy Rome, & l'Italie des foudroyâs esclairs de leurs harnois, qui l'ont fait passer & trembler à la nouuelle de leur venue, qui l'ôt fait pasmer de leur seule venue, & l'ont effrayé des seuls hennissemens des chevaux, du bruit esclatant de leurs armes, & des cris victorieux des gens de guerre. Il faut faire resentir aux Espagnols presumptueux que vous estes sortis de la diuine semence de ces valeureux François qui ont chassé les Gots tiges de leur nation hors de tout ce qu'ils occupoient en la Gaule, qui ont dompté & conquis l'Espagne entiere sous les



enseignes de Charlemagne, qui les ont si furieusement battus és iournees de Cerisoles & Renty. Pourroit-il bié tomber seulement en vostre ame de laisser dire quelque iour, que les François ayent permis si laschemēt à deux vieux & cassez ennemis de leur porter des armées dās le cœur du Royaume, sans rapporter vn eternal repentir de ceste outrecuidance? Je ne puis auoir ceste opinion, ny ceste crainte. Vous ne souffrirez iamais, François, qu'une si lourde & si voyante tâche souille la gloire de vos peres, marque de honte leurs glorieux tombeaux, trouble & viole le repos de leurs saintes urnes, irrite leurs mannes sacrez contre vous, les attire presque du ciel, & les cōtraigne de despit à rentrer de nouueau au monde pour vous reprocher ceste lascheté, ou pour l'empescher. Vous ne permettrez iamais que ceux qui sortiront de vous, vous desaduouient pour enfans de ces victorieuses cendres qui ont laisse tant de superbes monumens de leur vertu, &

## PHILIPPE II.

planté tant d'éternelles enseignes de leur gloire en Italie, & en Espagne comme en toutes les parties du monde, & vous accusent d'avoir perdu en vostre temps l'honneur & la renommée des François, sans leur laisser pour tout héritage qu'une infamie deshonorable qui les suivroit éternellement. Vostre fidélité & vertu ne se peuvent périr, n'y changer qu'avec vostre nom. Ce mal arrivera quand vous ne serez plus François. Quoy donc? voudriez vous toujours estre le jouet de la fortune, la risée de vos voisins, le butin de toutes les nations, le triomphe de toutes sortes de gens de guerre qui attendent vos misérables despoilles? Ferez vous toujours de vostre pays un eschaffaut des tragédies de l'Europe, un champ de bataille à tous les estats du monde? Chacun viendra estaindre dans le sang de la France les torches de son ambition, vuidér ses superbes humeurs dans son seing, débattre ses querelles iusques dans nos autels, & demesler sans fin

contre nous des nouuelles preten-  
tions? La France seule seta la cause,  
l'irritement, le mouuemēt, & la nour-  
riture des auares desirs de tous les  
peuples? Chacun y demandera parta-  
ge, qui plus, qui moins selon qu'il aura  
de passion ou de force? Et on luy quit-  
tera si librement le lot qu'il y quere-  
lera, il ne faudra que l'y prendre? Ce  
sera donc vne terre delaissee, vne Pro-  
vince vuide & abandonnee, sans ad-  
ueu, miserablement vacante, exposee  
au premier occupant, comme si elle  
n'estoit poinct naturellement, & legi-  
timement deuë au Roy, sans redouter  
qu'elle a pour maistre le plus grand  
Prince du monde? Ce sera donc vn  
pays de conqueste, ou chacun se pro-  
mettra autant de part que son espee  
luy en pourra donner, comme si nous  
n'auions plus ces braues armes qui  
nous l'ont conquis sur beaucoup de  
plus puissans ennemis? On viendra  
courir à la ruine & despouille de la  
Frâce, cōme à la cheute & aux bran-  
ches d'un arbre renuersé, comme à la



## PHILIPPE II.

descōfiture d'un banqueroutier? François à quoy pensez-vous? Vous aurez veu des fluz, des inondations, des regorgemens de toutes sortes de peuples respādus sur vos testes, sans avoir eu le cœur de vous y opposer, sans avoir fait effort de les repousser? On dira que vous aurez fait si bō marché de vos biēs, de vos enfans, de vos femmes, de vostre vie, de vostre liberté, que vous-vous serez ainsi donnez en proye sans sang, sans sueur, sans poussiere. Quelles mœurs François, quelles façons & quels habits prendrez-vous dorensauāt, meslez avec toutes especes de natiōs? Quel lāgage parlerez vous en ceste cōfusion si grāde de toutes langues? Pour qui vous prédra on bigarrez de toutes choses comme de foy? variables de pensees & de resolutions cōme vn arc en ciel en couleurs. Les François perdront donc à ce coup la liberté qu'ils ont si longuement conseruee, qu'ils ont tant de fois secouée, & esbranlée dans la puissante main des empereurs Romains pour

l'en arracher en fin d'un si admirable effort ? Vous-vous pourrez resoudre à quitter vos anciennes demeures pour aller chercher nouvelles terres, & nouvelles maisōs, pour viure sous vn ciel estranger, & respirer vn autre air que de Gaule que vous pensez si mollemēt ceder aux foibles armes de voz ennemis ? Seroit-ce vostre miserable desseing, & vostre resolution desesperée. Les anciēs François vos ayeulx apres auoir forcé la grandeur de la Maiesté Romaine à leur donner vne Prouince commode pour leur laisser le reste de l'Empire paisible, & franc de leurs genereuses contentions ne se peurent iamais contenter de ce partage, n'y se contraindre dans ces bornes iurees, qui ne pouuoient estaindre la noble soif, & le desir honorable de leurs belles conquestes, & vous-vous laissez arracher ce pays qu'apres auoir couru tout le monde vos peres ont seul trouué propre pour la demeure des François, acquis par tāt de sang & de peine, conserué par les

## PHILIPPE II.

efforts de tant de braues armes, & par le soing de tant d'annees? Si ce n'est point vostre intention que faites vous maintenant paresseux, & volontaires desesperez? que ne seruez vous le Roy? Que marchandez-vous tant? vous-vous trompez de faire autre discours, de choisir autre conseil, & prendre contraires addresses, vostre liberté & vostre bonne fortune apres la grace & la protection de Dieu sont enfermees en la seule main du Roy. C'est de luy que vous deuez attendre vostre deliurance, il faut poursuiure avec luy la fin de vos malheurs. Pour cela Dieu vous l'a donné si grand, si egal, & si pareil à ceste grande charge. Il vous affrâchira de mal, & de crainte, & vous rendra bien tost le repos pour qui vous souspirez. Mais il faut joindre vostre peine à ces glorieux trauaux, il faut esclorre cest aise d'un grand effort avec luy, & l'arracher de la cocque de ceste noix si dure. Il faut auoir vn peu de mal pour enfanter tant de bon-heur. Si l'Espagnol vous tenoit



tenoit iamais sous sa main penseriez vous estre quittes de sa superbe & insupportable arrogance, de l'insolence de sa victoire en luy cedant vostre pays, reduits & forcez à viure sous vn nouveau ciel? vous vous trompez d'en esperer si bon marché. Il feroit de vous des colonies d'esclaves comme des nouveaux peuples de ses Indes, on vous vendroit à la douzaine comme marchandise de balle, on vous tiendrait pour marchandise de contre-bande, on vous troqueroit comme chevaux. Vous seriez les laboureurs des deserts d'Espagne, les fouille mines des Indes, nouveaux creats de Castille, notez d'un infame, & perpetuel saint Benite. Vous seriez les forsaies de la grand flotte des Indes, attachez eternellement au banc de ses galeres, liez à vne perpetuelle cadene. C'est trop de patience pour les François, nouveaux hannibals, il faut aller brusler l'Espagne des brandons de nos querelles. Le vent y pousse desia les flammes bien auant, les sub-

## PHILIPPE II.

jeçts de ce vieil tyran vous appellent,  
 & vous tendent les pitoyables mains,  
 pour les affranchir de sa rude & peu  
 Chrestienne subiection. Les Aragon-  
 nois ont comméçé à secoüer le ioug,  
 ce Castillan n'a terre qui ne branle,  
 qui n'abbaye apres sa ruine, qui ne  
 brusle du desir de sa mort, qui ne pra-  
 ticque de nouveaux maistres, tant sa  
 domination est violente, & la seruitu-  
 de de ses peuples miserable. Ces hor-  
 reurs, ny les craintes d'une plus fas-  
 cheuse fortune ne vous troublent d'oc-  
 point? Comment pouuez-vous ouir  
 dire que vostre genereux Prince se  
 soit trouué à tant de combats, qu'il s'y  
 iette encor tous les iours, qu'il ait esté  
 si souuent aux mains avec l'ennemy,  
 qu'il l'ait tant de fois prouqué pour  
 l'attirer à la bataille, qu'il l'ait fatigué  
 & harassé sans luy donner ny haleine  
 ny repos, qu'il court encores tous les  
 iours pour vous tant de fortunes, s'ex-  
 pose à tant de peine & de danger pour  
 vostre conseruation, que vos compa-  
 gnons, vos amis, & vos freres le ser-

uent vaillamment avec tant de fidelité & de constance, qu'ils ont paty, & souffert toutes les rigueurs de l'hyuer & de la guerre pour ne māquer point de deuoir, sans que ces nouuelles honorables vous transportēt du desir de mesme seruice? Sans que la vertueuse enuie de leur mērite & de leur gloire vous esmeue à rendre mēmes preuves de valeur? sans vous trouuer mille fois d'esprit & de volonté en ces nobles occasions? sans vous picquer de despit & de regret de n'y pouuoir estre à tēps? Ou si tout cela ne vous esbranle, si vous auez les esprits si estaints, & les sentimēs si assopis qu'ils ne s'esuicellent ny ne s'eschaūfent à ces attaintes, & viues pointes d'honneur, si quelque memorable effect ne tesinoigne vostre condition & vostre volonté, de quel front, de quel visage vous pouuez vous dire seruiteurs du Roy? A quelles marques, à quelles enseignes vous recognoistrons-nous? Si vostre honneur ne vous touche plus rien, si vous-vous picquez si peu de vos per-



## PHILIPPE II.

tes, si vous faictes si peu d'effort pour tout ce qui peut cōiurer vostre vertu, si le seruice du Roy, le bien de vostre pays, la liberté de vos enfans & de vos peres ne vous entament bien au vif, si le ciel & la terre, vos feux, vos temples, vous mesmes & tout ce qui peut obliger vostre foy ne vous pousse à la defence, ne craignez-vous point de refroidir par vos timides cōtenāces tant de nations vos allies, & vos amies qui viennent de toutes parts à vostre secours. Comment vous desuelopperez-vous donc de ces miseres si tenātes? Quel dessein? Quelle resolution de salut prenez vous? Courage François, vostre bon-heur n'est pas du tout passé. Vous pouuez repaindre d'honneur les taches de ces fautes, & planter de vigoureux lauriers sur les honteuses traces de ces molles actiōs. Le chāp de vertu est encore ouuert; Voicy vne grande occasion de gloire qui se presente, si vous sçauiez vser du temps, & vous seruir de la fortune. Il semble que Dieu vueille faire reluire

vostre vertu d'un esclat admirable en la face de tout le monde, que les peuples espandus diuerſement sur la terre ſoyent recueillis comme dâs le pourpris d'un amphiteatre pour contempler vostre valeur, appelez comme teſmoins de vos merites, Icy si vous voulez ſe fortifiera heureuſement vostre honneur, icy s'accroïſtra vostre nom, icy ſurpaſſerez vous la reputation de vos peres: faiſant voir en la lumiere de tout le monde que la France bien que deſchiree, partielle, & deſmembree, apres auoir perdu tant de ſang, ſi combatuë de fortes maladies, aſſoiblie de recheutes ſi frequentes, toute harraſſee de ſi lōgues guerres à eſté encores aſſez puiſſante pour ſe deſmeſſer de tant d'ennemis qui s'eſtoient deſgorgés ſur elle. Et qu'apres les auoir glorieuſement vaincus & furieuſement foudroyez ſous la cōduite & la vertu du plus braue & plus grand de tous ſes Roys, & au milieu de ſon ſein meſme ou leur temerité les auoit pouſſez, elle leur va porter la guerre

## PHILIPQUE II.

dans leurs terres, & dans leurs entrailles  
mesmes. vos amis s'en retourneront  
avec ce contentement, de voir que vo-  
stre estat rassuré aura recouvert son  
ancienne vertu, arresté & affermy le  
bon-heur de sa premiere fortune, &  
ceux de vos ennemis qui se pourront  
sauuer de vos armes s'enfuiront avec  
vn eternal effroy, & le regret mortel  
de leur perte.

F I N.



